



敬禮聖心月

上海土山灣印書館印



上海土山灣印書館印

此書由 輔中 移來
現由本圖書館負責保管





3 1773 1027 7

天主降生一千九百二十年

敬禮聖心月

上海土山灣印書館印

3000-12-20

天主降生一千八百六十五年 極西耶穌會士晁德蒞 述

江南主教姚 重准

同會

利範濟
帥維則
校

序


聿溯中古之人。昧於真宗。多違正理。由是肆意妄動。斲喪天良。日趨於地獄之路而不知。遙溯及之。誠可慨也。幸蒙

天主矜憐。自天降誕。敷教以醒眾迷。藉是而人皆被化。世奏雍熙焉。孰意當此叔季。異端復作。風俗更偷。熙熙攘攘之儔。大都繫念倉箱。纓情利祿。而身心性命之學。反本歸原之道。皆置之膜外。絕不關心。吾主見之。彌深悱惻。蓋以其頑梗性成。難逃義怒也。而又憫其刑罰之嚴。仁心不忍。用是露厥聖心。以爲愛人之證。推其意。欲統萬世罪人。觸於目而感於心。以爲改遷之極。

則也。由是觀之。可知敬禮聖心之功。寔爲中流之砥柱。救世之良方也。是以教宗准定每年一日。特行聖心瞻禮。而其所施之恩赦。誠難殫述。迨後教士擇定每年一月。特行敬禮神功。而教友所受之恩寵。亦難言罄。論此敬禮之行於西國者。爲時已久。人民俱蒙大益。夫西國爲聖教大行之地。尙公行此禮。以沐殊恩。况乎中邦。迷於異端。鮮識真原。而可不行此禮乎。故旅人不揣固陋。譯述一書。名爲敬禮聖心月。令人稍識耶穌聖心。得此無窮之寶礦。至論文詞之工拙。非所計也。閱者取其義而略其詞。可矣。夫此月正繼聖母聖月。不啻聖母親引吾儕於聖子聖

心中耳。美哉是意也。能不盡獻己心而勤行本月神功乎。
謹遵教宗吳罷諾第八位諭旨。凡書中所述聖迹等情。未經聖
教會准定者。不屬信德之端。惟係有憑有據之事耳。

敬
禮
蓮
心
月
林
竹



目錄

上浣一日	敬禮聖心之原	附幸養誦	見一張
二日	敬禮聖心之向	附歸向誦	見七張
三日	敬禮聖心之尊	附欽崇誦	見十二張
四日	敬禮聖心之意	附籲告誦	見十七張
五日	敬禮聖心之效	附仰佑誦	見二十四張
六日	敬禮聖心之益	附望臨誦	見三十張
七日	敬禮聖心之阻	附伏祈誦	見三十五張
八日	敬禮聖心之法	附求醫誦	見四十一張
九日	敬禮聖心之師	附信從誦	見四十六張

十日 敬禮聖心之式 附奔衛誦 見五十一張

中洗一日 潛思聖心之妙 附歸附誦 見五十七張

二日 潛思聖心之愛 附親愛誦 見六十二張

三日 潛思聖心之富 附恃怙誦 見六十七張

四日 潛思聖心之苦 附追憶誦 見七十二張

五日 潛思聖心之愛 附慘傷誦 見七十八張

六日 潛思聖心之傷 附繫戀誦 見八十四張

七日 潛思聖心之願 附奉獻誦 見九十張

八日 潛思聖心之命 附獻心誦 見九十五張

九日 潛思聖心之召 附舒懷誦 見一百一張

十日

潛思聖心之哀

附表悃誦

見一百八張

下浣一日

緬懷聖心之功

附仰法誦

見一百十四張

二日

敬愛聖心之功

附付托誦

見一百十九張

三日

代補主辱之功

附補辱誦

見一百二十五張

四日

領拜聖體之功

附仰望誦

見一百三十張

五日

契合聖心之功

附契合誦

見一百三十七張

六日

信託聖心之功

附求託誦

見一百四十三張

七日

勃發衷情之功

附驚喜誦

見一百四十九張

八日

傳揚敬禮之功

附轉求誦

見一百五十五張

九日

潛居聖心之功

附持志誦

見一百六十一張

十日 尊敬聖心之功

附善願誦

見一百六十七張

敬禮經文

見一百七十五張

敬禮諸務

見一百九十五張

聖心會規

見二百九張

虔禱宗會

見二百十五張

院內何
如緣起

第一日敬禮聖心之原

溯夫敬禮耶穌聖心之功。實與聖教會同時建定焉。豈不見吾主於十字架上。顯示其聖心。與一人安居之地乎。此卽敬禮聖心之始基也。又思新教初興之信友。及諸致命聖人。類皆口親吾主聖傷。心悲吾主苦難。而要皆先念夫聖心之至愛也。是以當敬禮聖功。未傳之先。大聖如奧斯定。伯納多。文多辣。日多達。默底達。加大利等。早已玩味於此。透達於此矣。迨聖教第十七世。敬禮之功。始行於大法國。蓋天主卽顯此美意於一修女。厥名瑪加利大。厥姓亞拉各是也。聖女自幼熱心事主。專務神功。及長。卽獻身心於上主。棄俗潛修。在修院內。溫良恭讓。自信在眾人以下。願受舉世之辱。是以順命之德。獨造其極。長上所命。不敢稍違。苦身克己之功。愛主愛人之德。難以盡述。生於世。無異居於天焉。吾

主見大器已成。可當大任。卽於某年聖體瞻禮後。親臨顯現。令聖女視之。先以己心明露於外。心上有十字。心邊圍以棘茨。心中愛火衝發。炎炎外爍。莫之能禦。旋謂此修女曰。吾心愛人之烈焰。真至極而莫可加也。熱切之極。而顯露於人。以施其所藏之寶。吾今語汝。在此寶藏內。富有救靈成聖之恩。人苟得此。亦可引失路之人。復歸正道也。言畢。遂不見。他日。吾主重現於聖女。示以聖心之意。較前愈明。聖女曾自述曰。聖體瞻禮後八日。余在聖體臺前祈禱。天主賜予非常聖寵。予卽切願仰報主恩。此時吾主又謂余曰。汝苟能行吾曾所命爾者。乃至大之業。汝不能行更大之功。以愜我心也。維時又明示其心曰。此心愛人至極。竟至熱焰難當。如將焚燼也。然吾於聖體中。所受於人者。惟辜恩侮辱冷心耳。更可傷者。人心既獻於吾。而仍蹈此辜恩侮辱冷心之三愆也。因此命汝

在聖體瞻禮後第八日。特行瞻禮。恭敬吾心。勉立善功。以補人罪。是日宜領聖體。以補聖體所受之辱。吾亦許爾。凡恭敬吾心。或導人虔敬我心者。必沐殊恩。異寵。瑪加利敬對曰。吾主爾今所命者何人也。乃微物也。吾亦罪人也。吾苟能躬行此功。已幸甚矣。又何能揚主聖旨。俾人人共行此功乎。況乎天下之有才德者不少。何獨責之於吾。夫吾何人也乎。耶穌曰。爾豈不知我屢用謏陋之人。以抑多能。頻簡謙和之輩。以御傲惡耶。舉此謙卑者。以任吾事。庶其不貪吾功。以爲己力矣。聖女乃仰承主訓曰。然則求主賜妙術。得以奉行主旨也。主曰。今爾往告我僕。是卽耶穌會士高朗篇。命彼盡心竭力。定此敬禮。以悅吾心。如遇艱阻。切勿畏也。蓋人不恃己力。而全心恃吾者。亦若有全能之權。在其掌握也。夫高朗篇者。乃瑪加利之神師也。早識此女聖德非常。故聞言遽信。以爲如是。

聖功不可不傳於天下。於是躬親立表。樹之風聲。以爲恭敬耶穌聖心之首。溯其時。乃天主降生後一千六百七十五年。是年也。逢聖體瞻禮後首瞻禮六。特敬耶穌聖心。以報其愛。是日卽耶穌親命者。敬禮之始行也。

迨高朗篇卒。遺其手書一卷。畧述敬禮聖心之事。因其中多觀感之處。人卽以之付梓。由是敬禮聖心之舉。始傳信友之中。未幾有一耶穌會鐸。名克勞。亦瑪加利之神師。著書立說。諭人敬禮耶穌聖心。未幾而信從者日衆矣。奈邪魔知此功。大裨人靈。妬忌非常。是以百計圖維。思所以阻此善舉。或煽惑未流。共相譏議。或投疑善類。難遽信從。更有甚者。非惟不信此敬禮而不行之。反以爲私黨突起。將害及聖教。因而敬禮之功。不敢顯然公行。惟在數善友中。共相勸勉而已。然而天主所欲行者。斷無可阻也。是以敬禮聖心之功。漸傳漸廣。漸及

四方當時主教。共求教宗。准定聖心瞻禮。准行本日彌撒。各國畫聖心像。立聖心會。教宗藹然俯聽。欽頒恩赦。其時入會者不可勝數。而於羅瑪都城爲尤盛。事在天主降生後一千七百二十年。且泰西多國。屢遭患難。君民共嘆國步之艱。忽蒙天主仁慈。隱導士民君長。及主教司鐸等。共求耶穌聖心。選爲本城主保。由是諸難悉除。復享乂安之福。嗣後遇難者。患病者。被誘及有罪者。一求耶穌聖心。各遂其欲。總之神恩形惠。久求之他聖而不得者。甫求耶穌聖心而卽得矣。因此聖心瞻禮之日。備善功。增善德。不比尋常。後每月瞻禮六。常繼之。而敬禮聖心之功。遂遍傳普世矣。豈非天主教大能哉。正如聖女曾云。雖見眾人阻逆。吾終望此禮舉行。蓋吾主已親許吾耳。夫其敬禮如是而肇始。如是而普傳。聖女之望。豈徒然哉。

祝言

天主耶穌。至仁大主。垂憐人愚。爰展聖心。我大罪人。跪伏聖心座下。感激於內。翹首以望聖容。爾乃我主之心。吾奉事爾。爾乃吾友之心。吾契合爾。良伴之心。我心切願仰體。慈父之心。我心常爲怙恃。甚矣。爾爲天主之心。吾欽崇讚美。至於無疆矣。今吾主旣以聖心。爲吾人庇佑。又望膺啟我明。不致冒昧自悞。亞孟。

敬功

凡爲屬下之輩。與相交之友。特宜話言掖之。恭行聖心瞻禮。當日善領聖體。敬念補辱等經。意欲代補吾人所累於聖體者。或淡忽。或褻瀆之種種罪惡。

誦句

耶穌聖心。聖智之寶藏。矜憐我等。

第二日敬禮聖心之向

外向惟
其聖心

凡教中瞻禮。所以敬耶穌之人性者。概有內外二向。外向者。卽外著之蹟也。內向者。卽內涵之意也。譬之苦架瞻禮。苦架之聖木爲其外向。而被釘之耶穌爲其內向。聖傷瞻禮。則吾主之五傷爲其外向。而吾主之劇苦爲其內向。知此。始可與論敬禮聖心之所向維何矣。耶穌嘗顯示於瑪加利大云。請視此心。因愛人至極。竟至熱燄難當。如將焚燼也。卽此兩言思之。可知敬禮之外向。卽聖心也。敬禮之內向。卽至愛也。合內外而言之。敬禮之向。乃至愛之聖心也。若論其心。信友切勿昧然悞解。以爲敬禮聖心。不過敬其有形之心。而與天主性無相干涉。蓋此心與耶穌聖靈結合。并洽天主第二位之聖性。有活有覺。而性情性意。皆由此而出也。卽此以推。可知人敬耶穌聖心。卽所以敬耶穌之聖靈。與耶

蘇之主性。正如尊敬一人。非獨敬其靈魂。亦并敬其形體。二者必相兼。不可得而分也。故謂聖心愛人。聖心愛苦。聖心受辱等說。乃確切之事。非假借之辭也。何則。因其聖心。實爲言行之根。抑亦吾人欽崇讚頌愛慕聖心等事。亦惟真道。並非悞謬。何則。因天主性。實合耶穌聖心。足頌足愛。可敬於無窮也。然則敬禮聖心。有四奧蘊。皆當兼而思之。一。耶穌聖心結合其聖靈與主性。萬不能分。故其尊貴。超諸受造之上。而充乎情意才智之原也。二。聖心爲吾主眾情之所由生。吾主諸德之所從出。故其愛主愛人。謙順溫恭。及一切好惡等情。無非由聖心所發也。三。聖心亦爲吾主諸苦之歸宿。蓋耶穌愛人至極。卽爲人所受之苦。亦至於極。而此劇苦。皆寓於其聖心也。卽死後受刺於鐵鎗者。亦惟其聖心也。而鐵鎗之刺。亦爲吾人受之也。四。耶穌聖心。常盈聖神之妙恩。聖寵之福德。兼

內向惟
其至愛

萃諸品聖功。有增無減。故又爲至聖者也。卽此四端以思。亦可稍知聖心之若何尊高。若何慈祥。而實爲諸德之總匯。至情之靈府也。人苟知此。則於敬禮聖心之外向。可謂明晰矣。噫。其心如是。吾人可不歸向而欽崇之。可不默感而仰慕之乎。

況其聖心至愛。更激吾以愛還愛也。可奇哉。耶穌聖心之愛吾人也。雖竭古今天下萬國之筆舌。莫能罄述。然其愛人。所最著者有二。受萬苦萬難。以至釘死於十字架。又留聖體於人間。此二者。無非愛吾人之熱心所發也。奈吾人猶有受厥恩。而不記憶於心者。於是吾主大展厥心。明示愛吾人之熱衷。俾吾人見聖心上所有之棘刺。卽憶吾主苦難之績。見聖心上所有之十字。卽記吾主釘死之功。見吾主傷痕所流之血。卽念吾主留貽聖體聖血於吾人。繼見聖心周

團之火。足徵吾主苦難釘死聖體諸恩。皆爲愛吾人之熱炎也。昔耶穌顯於瑪加利大。亦嘗以此語之。畀其見聖心之酷刑。與所發之火。即使知酷刑與火。爲表聖心之愛。乃諸苦辱之緣。而斯苦斯辱。自受孕之始。常在聖日之前。而無時或離。聖心之中。苦架自此豎矣。而異日所當受之苦辱。與夫聖體內將受之凌賤。此時一一甘心忍受。爲徵愛吾人之真情。吾主如是言之。然則吾人之敬禮耶穌聖心。卽如敬禮吾主之愛情。吾主之苦死。吾主之聖體矣。則夫敬禮聖心之本向。信友豈真不知乎。

祝言

我心所向。惟此世塵。我心所承。亦惟虛塵而已。哀哉哀哉。我居斯世有年。久負罪輒。罪罰叢集吾身。罪罰之外。餘無所獲矣。今旣明識吾主聖心。我幸甚矣。正

如旅人失路。而得知所至。航海浮沉。而得知所向。嗚呼。我主。甫視爾心。吾卽明認已矣。苦架豎立其上。而豎立之者。卽我罪也。棘刺圍繞其中。而圍繞之者。卽我罪也。傷痕裂破其下。而裂破之者。卽我罪也。噫。我有何德。蒙主愛我如此。我有何功。得報主恩萬一。今惟舒心前往。就爾聖心。恨不得拔此苦架。解此棘刺。而悉置於我心之內。吾主可乎否乎。惟望爾心之血。先滌我惡爾心之火。先燃我情。始可已耳。此正罪僕所願。吾主其允乎哉。

敬功

爾當明達聖心愛爾何如過度。而爾乃以怨報德。何如可異乎。惟默禱祈禱。始可耳。然則爾宜定志。每日默禱至少一刻。況其實爲救靈之良法。斷不可弁髦視之。故聖女達肋撒曰。默禱神功。行之。恒心可保。忽之。不必邪魔之誘以下墮。

實人之自投於永獄耳。

誦句

耶穌聖心。天主之聖座。矜憐我等。

第三日敬禮聖心之尊

夫欲知敬禮之尊貴。可卽敬禮之原。敬禮之向而熟思之。而欲知敬禮之原之如何可尊。如何可貴。可先罕譬以曉之。今使有一人君於此。素自栽培園中一樹。倘使君非愚昧。人必謂此樹必然可貴也。或冀其能結嘉實。或冀其能成寶器。不然。豈肯勤勞若是乎。今此聖教會。乃天主之芳園也。凡諸信友。園中之嘉植也。聖教之規誡道義。乃天主所賜之滋膏也。凡遇艱難險阻。乃天主所用以磨勵斯人之具。如天施雷霆風雨。以敷榮萬物也。凡遇心曠神怡。諸凡休暢。如

其尊顯
于其原

天既雷雨風暴。復開霽色也。凡聖賢之訓誨扶持。如天降之雨露也。凡諸善表功勳。昭人耳目。如日月之明光。嘉樹之美菓。令人見之而鼓舞奮興。愈增聖德也。嗟嗟。天主之培植聖教。至於如此。可謂至矣乎。至矣。雖然。天主於敬禮聖心也。愈顯縈懷矣。蓋耶穌曾親諭聖女瑪加利大。以敬禮之所向本旨。而令人共行之。親示其效。親立其法。且親許善行此敬禮者。凡諸非常寵錫。皆將盡得之。耶穌全智。不能自悞。耶穌又至誠。不能欺人。敬禮聖心。既爲親示。既爲親命者。不亦至尊也乎。不亦至重也乎。寶哉其樹也。吾主親自培之。澤之。吾人可不尊重之乎。斯世之惠澤。人苟能受之於君王者。人皆仰慕之。以爲榮耀矣。若君王親授之者。愈以爲榮耀矣。今吾儕敬禮聖心之功。乃親受之於萬王之王者也。豈不至尊至榮也乎。

其尊又
由其向

今試以敬禮所向。闡發厥義之尊。復以四端思之。一心爲一身之主。故稱之爲天君。稱之爲靈府。血脉流通之源。肢體運行之宗。則人身之至尊者。莫尊於心矣。況耶穌聖身之尊。超諸有形之物。耶穌聖血。能贖萬民之罪。豈弗寶貴耶。耶穌之舉動呼吸。皆有無限之功。而要皆出於其聖心也。則此心之貴。爲何如耶。二。人心與靈魂共相締結。故靈魂所有之尊。必通於其心。靈魂愈尊愈美。卽心亦愈尊愈美也。若論耶穌聖靈。受造之中爲至美。故其心亦至美無比也。則聖心之至尊。亦可知矣。三。耶穌聖心與聖子之性相合。故此心實係天主之心。尊高莫擬。而其所發之意願。皆有無限之功。人宜若何尊崇耶。凡屬於耶穌聖躬者。如肌膚毫髮。人尙彌深欽敬。卽非屬於其聖躬。而有偶附於其聖躬者。如三鐵釘。十字架。竹竿。茨冠。石柱。白帕。等物。人亦珍藏而敬拜。奉爲至寶聖物。而況

乎耶穌聖心。結合主性。爲諸聖德功之所從出者耶。可不倍極欽崇耶。四。耶穌之聖心。德盈寵滿。而其愛聖父。係無窮之愛。故聖父悅之。超諸神聖。卽吾人敬之。亦當超於神聖也。故聖賢於論聖心者。盡言罄情。以表內意之誠。卽名聖心爲天主之寶藏。愛情之寶座。上智之寶殿。永愛之寶宇。諸寵之約櫃。諸慈之洪海。良伴之安宅。益友之捍衛。永福之甘飴。聖教之安慰。天主福人之由。吾人歸主之向。結約之櫃。天堂之門。聖寵之源。性命之泉。諸飴之由。諸樂之所云云。夫當以極摯之情敬之者。而果能盡之。則吾功之自貴可知矣。蓋聖心既尊。而吾儕之敬禮。亦因之而尊矣。

祝言

耶穌聖心。至優至榮。自爲眾心之王。諸愛之的者。我欽崇爾。耶穌聖心。用天主

之聖爲聖。天主之善爲善者。我欽崇爾。耶穌聖心。悉稱天主上威。全恭天主上尊者。我欽崇爾。耶穌聖心。新教聖會所從生活。救世諸奧所以就成者。我欽崇爾。且爾一動一行一情一願。無不我所欽崇耳。恨不得以相稱之欽。爲欽爾位之尊。相應之崇。爲崇爾尊之威也。是故欲補我力不支。我弱不逮。卽將天上神聖。無間無晝。所奉之誠敬。世上善人。前古後今所獻之欽崇。悉輸於爾。更獻聖母聖心敬供之隆情。蓋其誠心虔恭。迴超乎諸神聖之上耳。嗚呼。可敬可頌者。聖心。誠敬而恭頌爾者。普世何其希哉。爾心爲崇於地如於天焉。微僕之切願也。然而願之則可。成之不能。而成之者。惟爾聖寵也。而聖寵之源。惟爾聖心也。是故我望我願。悉注於爾聖心。懇求破格聖寵。降照人悟。臨格人心。俾人悉達爾妙。共敬爾奧。始於世。繼於天。至於無終之世。亞孟。

敬功

夫耶穌聖心者。實爲聖寵之源。性命之泉。蓋吾人因彼而得聖洗之恩。而因聖洗卽得聖寵。而因聖寵卽得性命也。故欲慊聖心之意。必將領洗之約。重復約之。當時之許。再三許之曰。耶穌聖心。我棄絕邪魔鬼。假光榮。虛體面。而重定志向。怙終事爾。亞孟。洵如是。則爾力日增。而魔勢日弱。大哉。其益矣乎。

誦句

耶穌聖心。聖三之聖殿。矜憐我等。

第四日敬禮聖心之意

若論敬禮聖心之意。總歸於二。一。所以報耶穌聖心之愛。二。所以補耶穌聖心之辱。今試以是二者。分論於後。夫耶穌之愛人。至極而無可加。故全體交付於

以報聖心之愛

人。畢生受苦。以至於死。俾凡信從之者。能免永死而得常生也。猶歎休哉。何幸如之。吾儕何人。而竟蒙耶穌若此之愛哉。耶穌係天主聖父之聖子。與聖父同體至尊無對者也。而其所愛者不過塵埃灰土。極賤之罪僕婢而已。蓋人本爲天主之仇。邪魔之僕。私欲錮蔽。善惡不分。天真盡失。宜膺永罰。則人之爲人。固至可輕而至可惡者也。然而耶穌竟愛之矣。且因愛之甚。而願救其萬苦。賜其萬福矣。願救萬苦。願賜萬福。是故自天降世。舍安樂而居貧賤。棄榮光而甘凌辱。一生之思言行爲。祈禱默想苦功。無非爲人而行也。然吾主猶以爲未足。而更欲代人受死也。吾主何如死哉。蓋憶其受人萬般侮辱。鞭撻。冤抑。訕詈。嘗笑乎。蓋想見所設許多刑具。惡人之所以苦吾主者乎。蓋仰觀十字聖架。吾主嘗被釘於此。氣絕於此者乎。噫。耶穌之愛人。實至誠至切。至寬至廣。至多而至久。

者也。天主自無中生吾。擢吾爲子。預備永福。待我仰承。皆因耶穌愛吾之故也。是則耶穌之愛人。可謂至矣。然而耶穌之愛。不止此也。又立聖體聖事。作吾神糧。親入吾心。賜多恩寵。又自爲祭品。每日獻已於聖父。代釋義怒。廣施惠澤。且常居聖龕。爲人所主。俯聽人求。噫。此何等恩情哉。宜何如酬謝哉。今使有一國王。擢一頑民。賜以高官厚祿。封之以爵土。命之宰制一方。奈此臣逞志欲爲大叛王命。未幾而倡爲亂臣。他國虐王突來侵伐。掠至異邦而去。使爲奴隸。本國王聞之。若忘其爲叛臣而憐之。若視以爲忠臣。而親率精兵。往攻敵國。雖行時飢渴勞頓。戰時肢體受傷。皆所不顧。迨戰勝之後。復携此臣。回於本國。王不惟不罰。復以爵祿權位。一併交還。并許日後常爲近侍。終不相離。吾意叛臣於此。其感戴之情。報効之志。不知至於何地也。夫天下豈有若是之仁君哉。然而人

間無之。天上則有之矣。蓋耶穌萬王之王。其所加於人者。更甚乎此也。獨是人
之受其恩者。漫不知報也。非惟暫受其恩者。不知報。卽常受其恩者。亦不知報
也。非惟俗人不知報。且修士亦有澹心也。是以顯示聖心。命人稍酬其愛耳。此
卽敬禮聖心之首意也。

以補聖
心之辱

若夫第二意。卽爲償補耶穌聖心。於聖體中所受之辱。蓋吾嘗神遊天下。想見
夫萬國萬民間。無處無聖臺聖祭。卽無處無聖體也。然而無處無聖體。卽無處
不辱聖體也。無論異教者。侮辱聖體。外教者。不信聖體。卽教中而論之。多有澹
信耶穌聖體。侮辱耶穌聖體者。因而冒領聖體者有之。卽非冒領聖體。而絕無
欽崇之心者亦有之。或虔誠未備。而敢漫行祭禮。取携聖體聖血如常物者。或
明知主日。宜與彌撒。第因微故。而卽不與者。或雖無微故。第因俗務滿腹。冷淡

已久而不與者。更有不顧聖教嚴命。而多年不願領聖體者。如此多端。豈不甚傷耶。耶穌聖心乎。而猶未已也。試更以外著者。申說於下。試思供聖體之聖堂。或毀之。或焚之。存聖體之聖龕。或污之。或倒之。至於鐸德見殺。聖器見毀者。不計其數。然此猶其小焉者也。竟有以聖體投於地上。踏於足下。或以他端侮辱之者。亦復不少。嗚呼。至尊天主。至大恩主。竟受辱至此乎。然使吾主受如此之辱。而奉教人。能切愛之。敬拜之。則吾主之傷心。猶可稍慰耳。然而慰之者。闕無其人。也。辱之者。實繁有徒也。城市與村野之聖堂。或以吝嗇而不之修。或既污穢而不之顧。或居近聖體聖堂。而往拜之者甚少。且終身不往拜者。亦不少。卽或入堂瞻禮。然大抵徒循故事。心無真情。堂中或坐或立。或東瞻西顧。或羣相笑語。或吐痰灑涕。孩童啼泣喧譁。父母不爲阻止。尙有他事不堪齒及者。不必盡

述種種偏規越矩之事。不可勝數。噫嘻。民於君長前。決不敢出此也。何獨於主前。而竟如此褻瀆哉。人苟能統內外。而總計之。則可知吾主所受之辱。誠不可勝數也。於是天主見之而盛怒。神聖見之而傷懷。萬物亦若見之而啣悲。則吾主之傷心。誰能喻之乎。信友乎。汝苟有仁孝之心。曷不速改前非。勉行敬禮。稍慰吾主聖心乎。

祝言

萬民之救援。吾主耶穌。爾曾贖我於苦架上。尙以爲未足。而今乃常爲中保。於爾聖父臺前。欲我大獲救贖之恩。翁受仁慈之效。我懇求爾。賜我諸罪全赦。我罪之原。惟由心生。污哉其原。全污我身。敢求以爾至潔聖心。獻於聖父。庶見其潔。而寬恕我心之穢焉。我心所生。傳衍於行。穢哉其心。全穢我行。敢求以爾釘

鑿聖手。亦獻聖父。庶見其苦。而賜悔我行之謬焉。微僕是求是望。幸沐大恩。怙終感佩於世。悠永讚謝於天。亞孟。

敬功

夫敬禮聖心之功。宜本乎知恩之誠也。今爾被主隆恩。源源無數。處斯世。難悉萬一。去此世。始可知之。然則爾宜日謝天主。種種洪恩。始造之恩。如造爾存爾治爾。聖寵之恩。如贖爾。召爾。聖爾。永福之恩。如拔爾。福爾。榮爾。更有諸恩。主曾設之。而爾時常忽之。又有眾恩。主常備之。而爾今後得之。俱形天主之愛。俱應爲爾致謝。蓋感激其恩。卽如廣大其源。沛然湧流。而無盡。而忘棄其恩。其源遂塞矣。故爾不惟一己所被之恩。悉宜致謝。且凡人所忘者。負者。爾宜代謝於言。代感於心。

誦句

耶穌聖心。聖神之聖宮。矜憐我等。

第五日敬禮聖心之效

深識吾
生之效

論敬禮聖心之效。必需乎二。一、在於知。一、在於愛。二者相須而不可缺。相繼而不可離。皆屬至要之功也。吾嘗曠觀天下。靜驗人情而知風俗澆漓。人心日壞者。無非以未識耶穌之故。未愛耶穌之故也。卽或奉教有年。而心無定向者。因未明知耶穌聖奧。耶穌言行故耳。蓋知耶穌之所言。尤當知耶穌之所以言。既知耶穌之所行。尤當知耶穌之所以行。所謂卽其外以究其內也。是以念吾主一生之言行。更宜想其聖心之意向。如吾主在馬槽。卽想見其心。樂貧居賤。吾主避日多國。卽想見其心。甘受艱辛。吾主在家。卽想見其心。願聽長命。壯而傳

教勸人。驅魔療病。及諸動靜。俱想見溫良慈愛。綽有胞與之懷。想其受苦被釘。卽推測其榮主救靈之願。如火之燎不可阻遏。因而內外諸苦。一一備歷。如是
以思。可謂真知耶穌之聖奧矣。而敬禮聖心。更可知耶穌聖德耳。蓋真知耶穌
之聖德者。必深究其德所歸宿之處也。夫德所歸宿之處。心而已矣。蓋心爲諸
德之座也。故聖女德肋撒念吾主化一撒瑪利婦人。卽嘆聖心憐憫之德。金口
聖人。念吾主療一久病之女。卽嘆聖心惻隱之德。由此以推。吾主之德。雖屬無
窮。而隨事審察。已可知耶穌聖心之精蘊矣。所謂融通。舉一反三者也。今乃知
吾主聖德。其要爲吾何如。正如效其德之要也。蓋已知之。乃可效之矣。而效吾
主之德。於吾誠爲至要也。聖保祿宗徒曰。夫肖似其聖子者。是天主簡越上升
天國。則欲得上升者。不得不髣髴耶穌也。所謂髣髴耶穌者。卽仰法耶穌之德。

如在愛苦中。卽法耶蘇之含忍。被誘時。卽法耶蘇之毅於退誘。困頓抑塞時。卽法耶蘇之遇艱難而爲主樂受。不改從容之度。如是則目中常有吾主。自可轉難爲易也。而此益惟因認識吾主。而認識吾主之益。卽敬禮聖心之一效也。

切愛吾
主之效

若夫第二效。屬於切愛。夫天主十誠。歸於愛天主萬有之上。及愛人如己。此非難行之事。實易守之誠也。天主造成吾人。固無一事不當求備於人。然知人力綿弱。難於持久。惟愛足以固之。是以不責人以他事。而惟命人以愛。吾主當受難前。謂其徒曰。吾所命於爾曹者。卽彼此相愛。如吾愛爾曹也。聖保祿曰。能愛者。爲全守誠令矣。聖若望曰。心無愛德。如死者然。由此言之。人欲行善立功。求此愛德爲要也。使有易行之法。不宜卽行之乎。幸哉。斯法已備。敬禮聖心是也。且行之而有捷效也。蓋耶蘇顯露聖心之故。本欲化冷心與忍心者。胥反而愛

主。是故曾謂聖女瑪加利曰。因此敬禮而聖愛必生於人心也。至忍者亦承之。至冷者亦動之矣。聖女乃確然云。仇讐將必偃仆。吾主將必榮王矣。蓋其默化人心。歸向聖愛。此正敬禮之首旨也。且其敬禮之向維何。卽吾主之愛也。其敬禮之意維何。卽以愛還愛也。而敬禮之功。亦惟激愛之功。敬禮之行。亦惟表愛之行也。然則敬禮聖心者。無非自愛而出。無非至愛而盡。聖愛豈非敬禮之本效乎。昔聖若望。因於吾主受難釘死時。追隨不離。故吾主賜以非常寵錫。今茲敬愛聖心。而補其辱。揚其愛。頌其德。感其恩。勤行不斷者。必將蒙吾主賜其愛報其愛也。況吾主至仁。報之必遠勝乎愛之者也。聖經云。凡人愛吾者。必見寵於聖父。而吾亦將顯現於彼也。此言也。耶穌之言也。世人既許一事。尙不食言。豈吾主既許。而猶慮其食言乎。而今而後。當如聖保祿常言曰。吾一生深信耶。

穌因耶穌愛吾。且許我將賜愛德。而於近時。又示聖心以爲仁愛之憑也。

祝言

吾主耶穌。我知爾聖心之情。如是仁。如是愛矣。爰敢告我困。而仰爾佑也。蓋或
俛視我惡。怔然顛栗。而仰覘爾慈。遂覺展舒無畏焉。吁。耶穌聖心哉。我心窮兮。
爾富富之。我心冷兮。爾熱熱之。求爾不見我靈無功。惟見我神苦甚。亦不見我
罪無數。惟見爾仁無窮。救世兮。爾心施我救靈之恩。良醫兮。爾心賜我神病之
痊。善牧兮。爾心懷我失路之羊。慈父兮。爾心納我不孝之子。嗚呼。主心。純德之
源。賜我知爾愛爾。嗚呼。我心。惡習之根。今願棄邪向主。是非敬禮聖心之效乎。
我專誠敬爾聖心。獨不獲知爾愛爾之聖效乎。

敬功

耶蘇聖心切願我人。知而愛之。故亦切願人人舒懷適之。而舒懷適之之良法。莫如彌撒大祭也。蓋夫彌撒一臺。其所以愈顯主榮者。迴越諸聖所集之功。而於裨益吾人者。亦遠超終生所受之勞。洵如是。爾宜立志。力能往聽彌撒。不敢一次忽之。爾曾聞高朗。賢人所言乎。渠曾向主曰。我於誦禱守齋哀矜等功中。尚難舒心。因恐厥功之善。不如厥功之失。不惟不足爲贖罪之功。而反爲宜贖之罪也。然而一獻聖祭於主。則不然矣。我知天上天下。無更爲愈愜爾心之爲。於是不畏所畏。無願不願。不畏我罪誠多且大。而敢求恕。敢求恕。而不敢疑於不得也。不慮我願誠大且多。而敢望得。敢望得。而不敢少於所望也。我所求。我所望者。寵恩也。大寵也。各類聖恩也。不恥我所求過度。而反覺我所獻勝於我所求也。我所望。我所求者。爲己也。爲友也。爲我仇人也。不疑於所望無效。

而反爲以微求主。或賤我所獻也。然則我所畏者。惟我所求不依我心切望。而我所望不越我心所求也。嗚呼。斯賢之言。是誠何言也。

誦句

耶穌聖心。常生之大源。矜憐我等。

第六日敬禮聖心之益

其益吾主許之

凡欲虔行敬禮。始終不怠者。莫若記吾主所許之恩。以自勵也。吾主嘗明謂瑪加利曰。吾爲人所備之恩寵。將由汝下逮於人。汝勿自私。專歸於汝也。旣而明露此心於賢女。俾知聖心之寶庫。令人敬之。真係愛人實據。以救世人之迷。使忍心者。轉而愛主。淡心者。增其熱切也。故吾主命瑪加利。將此敬禮之功。遍傳普世。啟迪眾人。因此敬功。於俗人爲簡易之法。可藉此以得愛主真情。於修士

爲靈驗之法。可藉此以立修己實德。凡教中虔行之。可以遏欲存理。輕世愛主。凡有不睦者。皆得重修舊好。積愆已久者。亦得改遷。黽勉以往。可造純全之詣矣。然則欲誠敬聖心者。能不常念吾主所許哉。瑪加利曰。吾主以聖寵之庫藏。諸聖心。將以施於敬己者。余欲盡述所知於天下。而力有不逮也。吾主欲因此聖功。攻敗邪魔。引失路之罪人。復歸正道。得救己靈。所惜者。吾主之恩情。若此。而人皆闇昧。不知耳。苟能明知此功。天主如何悅之。則必無人不願行之矣。今吾友既知之悉矣。蓋亦轉告他人。共獲此殊恩哉。耶穌又嘗謂聖女曰。凡職在救靈者。倘能虔敬吾心。可得化人之神力。雖忍心者。亦可變爲仁人。而被化者。亦能日盛也。瑪加利致書於神師曰。不論何人。藉此敬禮。而感耶穌之恩。發耶穌之愛者。必將翕受種種上佑。而無可疑也。噫。吾主所許之恩哉。爲罪人。爲義

士爲人形。爲人靈。爲在世。爲臨終。無不全備矣。罪人乎。義士乎。離俗而修道者。從俗而居家者。身健乎。瀕死乎。共就耶穌聖心。共蒙聖恩之效耳。

夫如是奇效。高朗篤嘗先行之。而先得之矣。夫此賢士。每以敬禮聖心之功。導其神子。化及異端。其所得之恩。實出意外。或藉此功而全化於心。或藉此功而日進於德。又一賢士曾曰。凡吾念及聖心。卽覺無事擾吾心矣。蓋誠仰賴聖心者。無功不克。無事不成。可脫然於三仇之糜。而常和於主。和於己。和於世也。試思常在主前。代人轉達者何人。耶穌聖心也。賜人高志。令人慕義者何人。耶穌聖心也。見人履險。而亟來扶佑者何人。亦耶穌聖心也。或見人繫偏思。人繫惡念。此人未覺。而有隱爲之渙散者。是誠何人。亦耶穌聖心也。或於瞬息間。張皇無措。忽蒙聖心之助。而諸難息平矣。或拘於偏見。聖心感之而釋然矣。或迷於

世務。聖心牖之而淡然矣。或怙惡不悛。聖心化之而翻然矣。或盤桓中道。聖心策之而奮然矣。或趨向不專。聖心掖之而廢然返。殷然好矣。凡此皆聖心之愷澤也。人非木石。能不隨時隨事。惟以契合聖心爲快乎。能不盡獻所有。而自今切愛天主。以至永世。常居聖心中乎。昔耶穌顯現於聖女默弟達。手持己心。光踰皎日。厥心明光四射。耶穌謂聖女曰。天主所賜於人之恩寵。無時或息者。皆自此聖心湧出也。吾主又現於賢女格肋孟。使見聖心如活水之泉。卽進賢女就而解渴。今吾人於行事之間。亦有如渴欲飲之情。曷勿就之以解渴乎。

祝言

我靈所望。吾主耶穌[△]伏求以光以熱。降臨我心中。蓋爾誠爲生活之井泉。爾或不臨。我靈枯矣。譬彼山鹿。迫於渴者。切希水泉。馳騁不止。我靈希主。我靈亦然。

譬此田畝。晷於日者。仰須時雨。以甦生命。我靈須主。我靈亦然。臨矣臨矣。我靈之福。何容遠矣。降矣降矣。爾心之寵。望速降矣。爾心聖兮。望聖我心。爾心潔兮。望潔我身。爾心謙兮。賜我謙己。爾心愛兮。賜我愛人。爾心悉契聖旨。望化我心之意。爾心絕棄世物。望解我心之鍊。爾心深惡罪惡。望除我心之惡。爾心熱愛主善。望燃我情之火。嗚呼。巍哉爾心。上榮於天。望援我情。全仰爾心。惟望上天。惟愛上主。亞孟。

敬功

與人相語。宜談聖心妙情。若人虔恭聖心。吾主親許聖恩聖寵。大不可盡。多不能述。斯恩斯寵。時宜與人講論。

誦句

耶穌聖心生活之井泉。矜憐我等。

第七日敬禮聖心之阻

人皆知吾主深愛諸德。深惡諸惡。然不惟罪之大者惡之。罪之小者亦惡之也。小罪亦惡之。況其罪之根乎。夫根焉者。誠爲敬禮聖心之阻也。是以願敬禮聖心者。先當察其阻礙而去之。茲特述之於後。約之以四。一。所謂淡心是也。蓋淡心之友。素行之事。惟隨私願。而不審察以符主旨。既無愛德。亦不自奮。故道德之途。有退無進。平日雖行神功。亦祇習爲常事。漠不關懷。如是惡習。人每輕而視之。不知正因人所輕視者。而更爲可危也。蓋蹈此弊者。平日免犯大罪。卽自信爲安。而不知天主實深惡之矣。聖經云。因爾非熱非冷。吾將吐之矣。主意若曰。因爾若是辜恩忘誼。不應安居於我心也。夫淡心之遺害。雖行告解。而無真

悔雖領聖體。而無實益。或行或住。罪端百出。吾友既明其愆。可想吾主切願爾
卽改之。昔吾主謂聖女日多達曰。久矣哉。汝之溺於塵世。與吾仇爲友也。久矣
哉。汝於憂苦中。猶求人世之虛慰。如於茨棘中。冀獲微潤也。今爾來兮。吾將飽
爾以歡樂也。吾子聞主之召。可卽往也。蓋吾主聖手。昔爲愛汝而被釘者。今則
伸以援汝也。汝能不急起直追乎。此其爲要一也。第二阻。所謂私愛是也。夫統
聖經之大旨。而括之一言。惟曰舍己從主而已。然專心從主者。誠不數覩也。信
友中類皆逞私意以相從事。而不知其去耶穌聖心實遠也。何不思耶穌聖心。
乃備萬福者。既悉付於人。汝卽當全獻之。而唯命是聽乎。則宜棄己偏私。而毅
然從主也。此其爲要二也。第三阻。所謂首惡是也。首惡者。卽汝之至大私慾耳。
汝當先除首惡。以愜聖心。蓋首惡不除。則雖去他累。斷不能與聖心相契也。吾

友省之哉。己果有此首惡乎。如其有焉。當速改遷。毋畏難苟安耳。蓋遏慾之易。反不若縱慾之難也。此其爲要三也。第四阻。所謂隱傲是也。夫他惡皆因慎修而漸滅。獨此傲惡。則恒與善功以相長。是以慾尤雖去。而自治日疎。或於言語露其矜誇。或於舉動形其傲慢。由是而萬事每期自顯。偶辱必致相爭。見人有善。則妬恨不安。覺己有惡。則憂鬱失守。且修德誦禱。惟悅旁觀之耳目。苦身施濟。但求一世之稱揚。故其見於行者。似爲善人。卽其信於心者。亦以爲善人。安知其行事皆出私意。而一惡盡掩諸惡乎。迨死期一至。旁觀者悞信爲功德俱全。而當局者深痛乎虛妄一世。然則微傲而敗萬善。無異小虫而消巨木也。嗚呼。其所務者。惟望見重於世耳。茲姑無論其不克見重於世也。卽使見重於世。於彼果何益乎。聖經曰。自揚必被抑。天主耶穌之訓也。書經曰。有其善。喪厥善。

矜其能。喪厥功。萬世不易之論也。則欲誠敬聖心者。能不去此傲心乎。此其爲要四也。

夫人有厥阻者。不得結契耶穌聖心。茲特述一往事以明之。昔在聖母獻堂瞻禮前夕。一賢女。名亞未肋。其神騰居耶穌聖心。見其光耀非常。和悅之至。不能心悟。難以言傳。見耶穌聖心廣大無限。雖千萬世界。終莫擬其廣。又見在內之人。皆安樂恬適之至。惟從入之門。係卑小狹隘者。是以入於聖心者甚少。賢女見而異之。謂吾主曰。噫。吾所愛之主。爾心何其浩蕩哉。處此心者。何其安舒哉。然何以從入之門。如是其卑狹也。吾主曰。居吾心者。惟謙卑困乏與靜鎮之人。而此外不願世人混入吾心矣。蓋謙卑者卽爲愛吾。而自視爲甚微。慮以下人也。困乏者。卽輕棄世財逸樂。而甘心從我者也。靜鎮者。卽心不繫於受造之物。

而惟與吾心契合者也。非此三者。卽趾高氣揚之人也。貪財負賄之輩也。繫物
狗俗之流也。何得入窄狹之門。安居吾心乎。故凡誠敬聖心者。必全合耶穌聖
心之所好。而隨時隨事。務去己私。不使有絲毫之貽疚於身心也。

祝言

伏祈全能天主。降福於我。聖父聖子聖神。降福於我罪人。伏祈救世吾主。降福
於我。以爾聖心至仁。降福我形我神。伏祈耶穌聖心。賜我堅守天主聖命。恪遵
天主聖旨。垂以聖誨。賜我無一不奉。默以聖牖。賜我無一不從。奉之全心全意。
從之虛靈虛體。嗚呼吾主聖心。茲憶聖女加大利之言。爰借成語。虔心而曰。吁
我耶穌。因爾優容聖心。伏祈爲我耶穌。俾爾寶血攸贖之靈。確乎得蒙挈升之
恩。

敬功

夫欲合聖心。先宜去厥阻。而去阻之法。莫如公私省察。夫公省察者。日用五條。一。奉謝天主種種諸恩。二。求主俯賜知過之光。三省察思言行缺諸愆。四。真心痛悔務爲至要。五。定心改過永不復犯。夫私省察。日用三時。早時立志。勤持己身。免陷某定之愆。午時。查察陷愆次數。重定早時之志。暮時查察下晝陷數。較知一日之利。此二省察。聖依納爵等。甚爲尊重。爾恒行之。必獲大益。然欲省察。痛悔爲首。而痛悔爾罪之惡者。莫如山園中耶穌聖心也。伏祈聖心。以此痛悔。與分於爾。同心悔之。同心痛之。始能脫去阻碍。隱合吾主聖心耳。

誦句

耶穌聖心。我等之救援。矜憐我等。

克己以
去厥阻

第八日敬禮聖心之法

夫敬禮聖心之功。莫先於去阻。而去阻之法。歸原於克己。其阻已去。又當激法聖愛。而激發之道。莫捷於祈禱也。故其得愛聖心之法。雖於此書中。陳說不一。如默想聖心。領拜聖體等。而於此篇。惟論夫克己與祈禱已耳。夫克己之功。有內外二等。俱爲成德之要道。而不可缺一者也。然二者之中。無可稍寬者。更在內治之功耳。苟非致力於此。必不免虛糜歲月。而大乖於信友之真矣。何則。人居此世。要惟愛惡而已。愛則愛主。而惡則惡己也。愛惡欲得其真。惟在力除私慾而已。夫克慾之機。無時靡有。而克慾之功。無人不能。或改革性成。或抑制意願。此皆內治之功也。倘不能力除私慾。而猥曰愛主。是自欺之言也。未可信也。何謂自欺。蓋不論何功何德。苟無克己之真修。則功德皆虛。而盡屬可疑矣。是

以當日在聖依納爵前或有稱人爲聖者。聖人對曰。彼若克己自治。乃能成聖耳。然克己不在一時一事。而當在時時事事。毫無斷續之機。使偶然一事。逞情自肆。則慾情猛發。而一行之偶愆。竟至百行之莫贖矣。若論己之何以克。凡有志自修者。無不熟悉。或在於喜視喜言之候。俯首不視。緘口不言。或在願悉他人言行之時。不事訪求。不事聽察。或一行一言。可以顯其智巧者。爲主而掩之。或在忿恨不平。與名譽有關之景。切欲一白其是非。而偏安於緘默。如此尋常動靜之間。謹小慎微。便可日積大功。而他人不覺。天主獨知也。又有居處之不安。天時之多變。及一切世態人情之煩。吾擾吾者。皆克己之機。立功之候也。真可謂奇大之功。高巍之德。正在庸行間。嚴以克己。久而不倦耳。雖曰。克己之功。本屬至苦。然而由苦可以得甘也。前聖多有先我而歷之者矣。如聖保祿宗徒。

新禱以
發厥愛

曰。吾在諸苦中。至樂無比。聖沙弗略致書於同人曰。余所歷之地。無苦不集。然而余心之悅樂。難以言語形容。且以樂極。而流淚不止。深恐雙目失明焉。今吾儕苟能純心愛主。而仰而效之。亦可由苦得甘。而轉難爲易焉。卽使有時覺爲甚難。然耶穌聖心已深憐之。亦將消融此難矣。昔瑪加利曾有一日。覺畏難之見。擾於心而不能自釋。正當却顧徬徨之際。耶穌降現。責其畏縮之心。而問之曰。汝願吾何爲。聖女對曰。吾心之偏私。更強於吾也。耶穌曰。將爾願欲。托於吾心傷中。卽可得神力。以勝多阻也。時瑪加利歡呼曰。吁。吾天主。求爾藏吾欲情於聖心中。永不復出也。

今論祈禱。凡欲得敬愛聖心之情。必於祈禱得之。蓋耶穌嘗親許吾儕云。求則得。爾樂則滿。主旣親自許之。可知有求必應也。然當以耶穌聖名求之。則百無

一失也。夫祈禱之功。本屬至要。故天主聖神。引人離地獄之路。必先令其祈禱也。邪魔誘人。則反是。故禱與不禱。實爲行善行惡之機。所係誠非淺鮮也。昔聖女德肋撒曰。吾願得一大聲。震驚天下。時時醒眾曰。求之。求之。吾儕教眾。何不共聆此聖訓乎。特是求之。貴乎懇摯。又貴乎恒久。蓋吾求方懈之候。恐卽主所將允之候也。聖如斯弟仰曰。祈禱能挽主怒。能得諸恩。能破邪魔之計。能潔吾人之心。吾主嘗謂聖女彼利日大曰。余所賜於人者。更踰於人之所求也。人苟善以求之。豈不時沐神恩乎。况敬愛聖心之功。爲天主所至悅者。豈人已求之。而有不得者乎。昔聖女默底達曾爲一友求主。吾主謂之曰。吾女。語彼虔敬吾心。契合吾心而求。其所求者。可卽得也。吾儕之求。苟能合乎主訓也。則善矣。

祝言

仁慈之大源。恒湧恒流而終不枯者。我爲厄苦之人。就而求慰。聖愛之大窖。燃天爍地而終不息者。我具冰冷之心。就爾求化。活水之清泉。就爾以解我渴。永曜之太陽。就爾以照我昧。大赦之丕基。罪人藉蒙罪過之赦者。我就爾以獲罪赦。以後再不敢犯矣。諸善之大洋。聖寵所從氾濫於世者。我就爾以求大仁。庶幾洋溢我心耳。

敬功

藉此耶穌聖心。而獻主日誦之經者。是乃加其功而實其效也。夫瑪加利時用此法。其成語曰。吾主天主。我以爾所寵愛聖子耶穌聖心。恭獻於爾。爲我代謝已蒙之恩。而求未得之惠。亦爲所以獻己。所以欽爾。所以立定諸凡善意。種種志向。伏求天主聖父納之。代補生平所缺。蓋我耶穌者。聖父已交之於我矣。而

我於耶穌以外。更無所獻於天主也。

誦句

耶穌聖心。我等之蔭庇。矜憐我等。

第九日敬禮聖心之師

吾儕教眾。欲愜耶穌至聖之心。而終於不離。莫善於懇祈至愜耶穌聖心。而始終不離者。以爲之主保也。如聖母是已。蓋聖母之於耶穌。相維至切。相契至深。而思言行爲。無不酷肖者也。是以耶穌聖心所欲者。聖母聖心亦必欲之。聖母聖心所願者。耶穌聖心亦必願之。正所謂心心相印。始終莫逆者也。今試問耶穌之所欲者。非吾儕之結契其心乎。聖母聖心之所願者。非吾人之結契耶穌聖心乎。獨是結契耶穌聖心。不可驟而致也。蓋我儕之罪過重多也。耶穌知吾

首主保
惟聖母

不敢遽近。因賦大權於至愛聖母。俾之翼輔化導。先滌前愆。然後藏吾於聖心也。則吾儕行此敬禮。可不托聖母爲主保乎。今試借觀往事。而益信矣。昔聖女日多達。虔誦申爾福。至聊亦回目。憐視吾眾句。聖母遂降現。手抱耶穌聖嬰。又指聖嬰之目。謂聖女曰。此乃憐憫之目。吾能令其回視我友也。由此觀之。吾儕必先愛聖母。而後能熱愛耶穌也。且不惟愛主之情。得之於聖母。卽諸恩寵。亦皆受之於聖母也。是以能得聖母佑。卽得神形之生命矣。夫欲親聖母。本非難事。昔聖母嘗告人曰。人未覓吾。吾先尋之。人未迎吾。吾先就之。卽人於未認聖母之先。聖母亦必先賜其敬愛之心。以獲殊恩也。信友乎。汝旣欲愛天主聖子。先敬天主聖母。可也。旣欲愛聖子之心。先求聖母之心。可也。蓋聖母聖心。於人類中。畢肖耶穌聖心者也。昔聖愛爾孟。常敬聖母聖心。故常得盛大之惠。賢女

瑪利亞每因聖母聖心而仰懇於耶穌。又因耶穌聖心而仰懇於聖父。蓋善求之功效。莫神乎此也。聖女日多達於耶穌聖誕瞻禮前夕。返躬自省之餘。深痛前四主日。未行善功。以敬聖母。既得聖神默佑。卽以耶穌聖心。獻於聖母。以補其淡忘之罪。聖母明示聖女。謂其所獻者。甚愜己心。較之能爲而未爲之功。遠勝無比也。此可見聖母之愛耶穌聖心。至極無比。故求聖母聖心。定賜吾愛耶穌聖心之情也。

次主保
三聖人

夫聖人在世。各有所長之德。特出之功。今天在天上。亦樂以厥德厥功。求主賜於吾人也。故於聖母之外。宜求聖若瑟。聖若望。聖類思等。以爲敬禮聖心之主保。蓋聖若瑟在世時。屢抱耶穌。三十載。常居一室。除聖母之外。首蒙主寵。明知聖心。故當求爲敬禮之主保也。聖若瑟以外。又宜求聖若望。因聖人於建立聖體

之夕。其首倚於耶穌聖心上。領悟獨神。且於十字架旁。明見聖心之刺傷。血水盡流。分任聖母之痛苦。先入此仁愛之傷。故欲熱愛聖心。亦當求聖若望爲主保也。若夫聖類思。功修至密。契合天主。而敬愛耶穌聖心。亦爲其特著之德。昔聖女德罷濟。一日神遊天上。見聖類思榮光。而大呼曰。嗚呼盛哉。類思之榮。其在世愛主之情。何其切也。誠如火箭。中於聖心。今在天上。愛之火箭。回射其心。愈加其悅。愈增其榮也。觀於聖女之言。明證聖人愛主之情彌摯。故願誠敬聖心者。亦當求爲主保。日增愛主之情。而得同臻聖域也。

祝言

善哉耶穌。甘哉聖心。我憶爾加惠於世人。無間無竟。卽覺愛爾不自禁。感爾不自勝也。蓋爾乃爲結約之匱。人與天主。所以能結永福之約。爾亦爲諾厄之船。

人航世海。外此無恃。不免沉溺。爾又爲普世之寶藏。常居吾人之中。以助吾困。以富吾貧。爾亦爲世人之中保。恒在聖父之右。以息上怒。俾得相和。爾更爲諸樂之地堂。潔靈居此。酣暢心意。享受純嘏。爾亦爲自闢之天堂。聖人進此。擯棄世物。仰體上主。爾尤爲上主之聖殿。真主真樣。祭獻於此。爾亦爲上天之聖城。聖三聖人。同享於中。聖殿乎。聖城乎。我亦願常居於此。先知所言。我亦言之。此乃我安宅。於無世之世。我擇之矣。我今居此。人或覓我。惟於此。始可得之。蓋我已持志。怙終不出此耳。

敬功

凡於望彌撒。卽以聖母傍苦架時所發之情。獻於耶穌聖心。凡於領聖體。卽以聖母受聖孕時所覺之意。亦獻於聖心。蓋以吾主曾顯於聖女瑪加利。親訓如

前聖人
洵堪式

此行法。是則大慊厥心。可不言而喻矣。夫望彌撒與領聖體。繕靈之首功也。用聖母之誠。聖母之熱。以補我心所忽。與我心之淡。其益豈可勝言哉。

誦句

耶穌聖心。聖父之真樂。矜憐我等。

第十日敬禮聖心之式

余嘗曠觀天下。人民稠密。屋舍紛紜。莫不有安居之處也。然而至安之居。不在於世。而獨在耶穌聖心。人苟以耶穌聖心爲安居。則斯世之宮室。皆屬弁髦矣。故聖文多辣有言。予念一兵刺傷聖肋。其時鐵鎗已入耶穌聖心。予恨不得爲此鐵鎗。以先居耶穌聖心。而永世不出也。吁。信友神靈乎。何不觀至愛良伴乎。其因愛爾至極。不靳啟己聖肋。畀爾聖心。聖愛日霞。至書於其妻聖台。非納曰。

若欲見吾。宜在吾主肋傷中覓之。因此爲吾安居之所也。聖伯納多曰。信友何不親炙吾主。憶念聖心乎。噫嘻。居此聖心中。果何其恬適哉。夫此聖心爲天主之聖殿。結約之聖櫃也。吾將居於此。敬拜天主。吾將居於此。讚頌天主也。吁。我已得吾王之心矣。吾友之心矣。因此心而求天主。所求自可得矣。達未聖王有言。雀有巢可以棲身。鳩有巢可以育子。聖多默解曰。猶如聖子居於聖父之懷。而聖會藏於聖子之心。凡諸信友。皆爲聖會之子。居於聖心。可免三仇之害。迨至升天。則常生已得。永無愛其復失矣。吾主耶穌嘗示聖女曰。聖方濟各在世。契合聖心至切。故其在天。特有大能。引人敬愛聖心。聖撒肋斯曾遺書囑一修女曰。爾宜屢拜吾主聖心。因其愛人而寓麵形內。惟欲愈近吾心而同居也。又致書於修女曰。恨不得以吾主聖心。易爲己心。懇求吾主全化己心。悉配主心。

前聖女
亦遺表

懇之求之。亦因吾主聖心。及其所蘊之聖愛也。蘇索納聖人。勃發已情曰。吁。被釘聖愛哉。望爾不忘聖心之愛。望爾之苦。解我之苦。且望爾之苦死。深銘我心。永不可諉。善引我心。締合爾心。永不相離。夫當敬禮聖心之功。未頌於世。前聖之虔敬聖心者。固已甚多矣。豈吾儕見此懿行。而不深仰法乎。

若論聖女遺表。平日恃慕聖心之誠。亦足爲後人觀感之資也。聖女日多達殊。覺聖愛之火。勃發於心。呼曰。愛兮王兮。吾天主。吾耶穌。我所專向之正鵠兮。求爾立卽受我於爾聖心之麾下。使我無非爲爾度生矣。立卽投我於爾聖愛之窠內。使我無非被火滅燬矣。飴哉耶穌兮。在爾聖心。我望爾慰下臨。在爾聖心。我求爾血降效。在茲賜我聞爾飴聲。慨然召我。在茲望爾挈我全體。密然結爾。蓋我靈魂惟望惟慕爾。故在聖心。賜我永享爾福。聖女又述吾主所降之恩。更

提聖心所流之澤。感激於心而云。主恩既盛。又加垂愛之憑。眷顧之據。厥價難可名也。蓋以上主寶櫃。至聖爾心。屢次賜下。爲我諸樂之泉焉。卽藉爾聖心。而示我至深之奧。亦藉爾聖心。而賜我至飴之樂耳。吁。吾主吾天主矣。今以爾心還爾。卽因主心欽崇爾。讚美爾。聖女默底達。曾聞吾主語曰。予心實爲爾質。并爲爾所旃幪也。是時以後。聖女專情致敬耶。穌聖心。吾主每次顯見。聖女每次特蒙主心殊恩。聖女故曰。我被聖心特惠甚多。倘我欲全錄。必須厚藉載之。日諾襪城。昔有聖女。厥名加大利者。聖愛宏深。衷情超熱。漸覺挈升。附於吾主聖胸。吾主聖心遂顯熱愛炎炎。勝於烈火。聖女卽悟灼熱己心之火。亦惟從彼心之窰。洋溢而出耳。加那大地。昔有賢女。厥名瑪利亞者。亦覺熾熱之情。向主而曰。飴哉。我愛矣哉。我結爾矣。我全合爾灼熱之聖心矣。如是我誠死矣。我誠活

矣。蓋結於爾。卽不可不以爾生爲生。是我誠活矣。抑合於爾。我之諸情。無不爲爾而滅。是我誠死矣。法國修院。曾有賢女。厥姓格肋孟者。一年敬奉耶穌聖名瞻禮。晨起默想。專心致敬聖名奧妙。卽蒙特恩。吾主以己聖號。親銘於修女心上。申解聖名蘊奧。更沛特恩。廣傳聖心飴寵。賢女卽覺本心附合耶穌聖心。默然自怡。莫可名也。嗚呼。聖人如此。聖女如此。我儕宜何如乎。

祝言

至飴哉。吾主耶穌。以爾聖心之飴。衛我於世人之忍心也。人或磨我。爾則召之。人或絕我。爾則納之。人或劇我。爾則慰之。至聖哉。吾主耶穌。以爾聖心之聖。護我於世俗之澆漓也。世或誘我。爾則禁之。世或迷我。爾則牖之。世或沉我。爾則援之。優容哉。吾主耶穌。以爾聖心之優容。補我所失之行也。我不愛。爾代我愛。

主。我不敬。爾代我敬主。我不謝。爾代我謝主。熱愛哉。吾主耶穌。以爾聖心之熱愛。足我所缺之爲也。我方眠。爾代我醒寤。我方休。爾代我勞苦。我方遊。爾代我煩悶。良惠哉。吾主耶穌。我慰。惟爾心也。蓋非爾愛。我無他樂。我望。惟爾心也。蓋非爾助。我無所須。我託。惟爾心也。蓋非爾衛。我無以安。忠貞哉。吾主耶穌。爾心爲我利兵。蓋我敵強暴。難拒其衝。爾心爲我干櫓。蓋我仇狡獪。易罹其計。爾心爲我甲冑。蓋我性虛弱。幾乎傾覆。

敬功

爾或不能傳衍聖教於教外人。必能顯揚吾主於友誼中。故於家人僕婢。訓誨之。乃爾嚴分也。輕忽之。吾主將必判之罰之。蓋垂訓於屬輩者。厥分似輕。而實則甚重。厥功似微。而實則甚大。慎之慎之。

考其生
推其妙

誦句

耶穌聖心。聖人之懼。忭矜憐我等。

第十一日潛思聖心之妙

夫人欲敬耶穌聖心。而不先明耶穌聖心之妙。則無以動其至愛之情。予故究其生。察其死。而以聖心之妙。分述於後。一。聖心爲至聖者。至善者。因耶穌聖心。締其至美之靈。超諸受造之上。當其締合之時。靈與心。俱蒙主特恩。而諸善諸德諸功。皆於此始基之矣。况此心以天主之聖爲聖。則其動靜呼吸。皆有無限之功。吾儕行此敬禮。以敬其心。不亦宜乎。甚矣。救人諸功。皆由聖心籌之。皆由聖愛行之。昔耶穌見辣涉錄已死而慘哭。知日路城將亡而隕涕。基於其聖心之慈祥也。三年中。療病驅魔活死。皆顯其聖心之愷惻也。總之其畢生之食息。

起居。思言行願。以至受苦至死。皆昭其聖心之至愛也。然則諸凡恩寵。非皆出於耶穌聖心乎。吾人當如何敬愛乎。二耶穌聖心爲眾心之上王。眾心之歸宿。蓋以其無限廣大。獨涵眾人之心。有能有功。而明昭眾心之隱隱。撥正眾心之好惡。俾之以己寶血。洗滌其諸罪。復爲己子。更賜以聖寵爲常生之據。噫。吾主惠人之情。無以尙焉。而吾人報吾主之責。亦至嚴矣。報之之法。惟悉合其聖心之意願。聽其指引。以至相維相繫。心寫心藏。永矢弗告也。故聖經云。汝宜藏吾於心。如爲印號。聖盎帥穆解之曰。天主之意。欲掌理人之身心。及其諸行也。聖盎博削曰。宜以耶穌銘於心。刻於額。印於手。夫銘於心。所以證其至愛也。刻於額。所以顯其信德也。印於手。所以見諸實事也。倘爾心繫乎世俗之虛榮。戀乎此身之逸樂。卽當提神升天。如聞吾主聖音曰。爾曹迷於世榮之逸樂。今皆來

察其死
發其蘊

入我心。此乃真樂之源。活水之泉也。爾曹渴於寵佑者。來飲我泉。而解已渴也。聖女方濟。加嘗見聖心傷中。流下活水。并聞有聲曰。吾爲至愛者。故凡苦渴者來飲。來飲者。吾將飽飫爾也。且吾之所以啟此傷者。本欲藏爾眾於我心也。今憶耶穌死以推。知聖心又爲祭主聖臺。新教始基也。一爲祭主聖臺。蓋以救人上祭。端由聖心而成。卽其諸德諸功。亦由聖心所發。以獻於聖父也。今吾儕因此聖心而祈聖父。則聖父亦必允諾也。因聖心之敬主愛主。能稱天主之尊威。則其尊敬愛慕。遠勝於受造者之敬愛天主也。是以聖父所至悅者。惟此聖心。而有求必得者。亦以其獻此聖心也。吾故仰體達未聖王。同意求主曰。祈主垂目憐視余。因吾行皆招主怒。故惟求回視聖子之容。聖子之心。而視吾如視吾主聖傷也。主望爾憶爾之仁愛。不致徒廢仁慈之功。而不得救贖之效也。

聖女日多達。一日見同院修女。在聖體前各受聖寵。或自聖心之傷受之。或自聖手之傷受之。或自聖足之傷受之。其去聖心愈遠者。則求之難得。卽得之。而亦寡矣。二。耶穌聖心。亦爲聖教之基。因耶穌旣死。其聖心卽被刺傷。而聖教會由此而立矣。故諸奉教者。由此而生。自宜在此而居也。教友乎。凡在聖教之懷中者。實當恒居耶穌聖心。卽至死後。亦安歇於內也。蓋思聖心。是爲聖教之心。常爲愛護。始終不離。聖經謂古時教友。同心同德。惟因吾主聖心。生於其中。俾之統同合一。輕視世物。惟圖天國也。假令今之信友。而亦如之。則當日太和之景象。不難再覩矣。尙其以己微功。洽於耶穌之功。而祈天主。化此教眾不一之心。以歸於至一哉。

祝言

萬王之王。吾主耶蘇。求爾速格速臨。王於我神我形。王於我明。俾我常思爾德。王於我記。俾我常憶爾恩。王於我欲。俾我常承爾旨。且王於心中。俾聖寵總不出此。僻情總不入此。更王於五官。俾邪形總不啟之。聖象總不閉之。我心之王。可愛耶蘇。望感我心。同心恨罪。望化我心。同心輕世。望熱我心。同心愛主。蓋爾既賜我以爾聖心。復能却我於爾聖寵乎。我心所願。惟悅爾心。我心所畏。惟違爾心。我心所愛。惟懷爾心。夫神聖於天。不倦覘爾。獨我於世。反厭合爾乎。

敬功

夫欲致愜吾主耶蘇者。莫如神領聖體。屢次契合聖心也。吾主曾見賢女。與視甚寶二爵。一金一銀。金爵中所藏者。卽其實領聖體之功。銀爵中所容者。乃其神領聖體之德也。因此可知神領之功。甚悅於耶穌聖心也。斯功非他。切願領

主。思若實已領之。熱情合之。是故不論何時。不論幾次。無不可行矣。

誦句

耶穌聖心。無言可言。無名可名。矜憐我等。

第十二日潛思聖心之愛

閱聖經
知其愛

耶穌愛人之量。實越當然之分。而如是其可愛之度也。觀其與世周旋。溫良恭讓。恢恢乎無所不容。故不獨愚賤者樂就之。卽顯貴者亦樂就之。蓋與之接。而人自化也。不見耶穌常與罪人雜處。而旁觀者稱爲罪犯之朋乎。當時瑪達肋惡名遠播者也。然耶穌動其心。賜其愛主之情。於是瑪達肋俯伏耶穌之前。慘哭苦泣。親以淚濯耶穌之足。而以髮拭之。耶穌乃赦其諸罪。由是觀之。聖心不亦至仁乎。有時童子進謁。門徒阻之。耶穌曰。毋阻。任彼近余。於是諸童。繞膝牽

衣情深仰企。而耶穌亦一一撫慰之。降福之。雖彼父母舍棄其子。而吾主終爲顧復也。誠如聖經云。或爲母者。能忘其子。而吾終不能忘也。聖經云。蕩子之來歸。而其父見之。與之握手而談。赦其諸愆。復爲己子。夫父乃耶穌自喻也。當其週行如德國。隨處救人。愈病驅魔。不可勝數。臨行遇葬。則復生以還其母。愛之至也。婦來汲水。則示活水以顯主臨。愛之溥也。辣涉錄死而旣葬。耶穌至墓哭之。視者咸奇其愛。日路城危而將亡。耶穌望城預知。不禁觸目感懷。愛之切也。如達斯負賣吾主。交於惡黨。然耶穌猶稱之爲友。伯多祿三番背主。耶穌猶回目憐視。俾終悔罪。愛之極也。總之耶穌一生。惟以憐愛爲主。然其心猶以爲未足。於是顯其至愛。而定聖體。爲吾神糧。永相締結。至世界終期。常在人間。施恩慰救。猶以爲不足。而情甘受難釘死。贖我眾罪。聖經云。人無更大之愛。如代友

而死者也。而吾主代人已行之矣。此非代友受死。直代仇而死也。聖奧斯定曰。苟非吾主先愛已仇。吾人誰能愛主哉。何則。因吾人之初。皆爲天主之仇。而天主先愛吾人。舉其仇以爲其友也。夫其懸於苦架上。又付己至愛之母。爲我眾慈母。以調停於諸患。繼是而復活。則定赦罪聖事。洗滌吾靈。繼是而升天。則遣聖神降臨。以固吾心。且又常留五傷。代人祈主。

考聖傳
知其情

嗚呼。耶穌愛人之情。如火之炎上。而不可抑。如水之潤下。而莫能禦也。吾主施恩至此。吾更能有何願乎。耶穌一日。謂聖女加大利曰。余心愛人至極。無一遺棄之人。即使此人爲罪人。吾亦常爲感動其心。俾之改遷。常與吾相親也。又一日。耶穌顯現於聖女日多達。其心之動者二。旣而謂之曰。予心之所以有此二動者。一爲罪人。一爲善人。而救靈之功。於以成也。一以求仰聖父寬赦人罪。令

善人代祈天主。引罪人改惡從善也。一以求吾聖父。同樂人德。令天神代謝吾恩。引善人增其愛情。蓋予雖掌理天地萬物。而愛人之情爲最摯。爰有此心二動。怙終莫能禦也。吁嗟。耶穌乎。憶我自生至今。曾有何功愜爾。而爾竟賜我如此奇恩也。核吾所思。察吾所行。審吾所言。稽吾所好。幾無一事可愜爾心也。爾果賜我若此恩情哉。是誠神聖所不能解。羣魔所深嫉也。昔邪魔嘗明告曰。余已偏行天下。見人各務其業。然皆泯泯夢夢。不知所向。余每見而笑之。余所不能安者。見天主愛人至極。故雖舍異端諸國。而誘一事主之人。亦甚甘心。因吾儕之所樂者。惟擾亂人心。勿使契合天主也。由此觀之。吾儕當勉力攻魔。萬事勿遂魔願。全心向主。乃可稍報耶穌之聖愛焉。

祝言

救贖普世吾主耶穌爾心最爲可愛。無窮可愛。蓋其所具之德。廓乎無限無量。至飴也。至良也。至宏也。爾心最爲可愛。無窮可愛。蓋其所容之妙。超乎諸神諸聖。全聖也。全知也。全善也。爾心最爲可愛。無窮可愛。蓋其亦爲諸寵之源。罪人於此。幸得罪赦之望。義人於此。幸獲拒誘之力。諸人於此。幸覓厄苦之慰。爾心最爲可愛。無窮可愛。蓋其亦發無窮之愛。愛人以至甘受苦架之刑。愛人以至懷抱失路之羊。愛人以至建立聖體之奧。誠如是也。何人之愛爾者。竟如是鮮乎。不知爾。故不愛爾。不愛爾。必非人心。非人心。永火足以罰之乎。我也。與其爲如此忍心。不如罹萬禍。受萬死。我也。愛爾全心全意。且願日益加愛。恨不得獨具眾忍人之心。以代眾人。虔情愛爾。更願愛爾。不少於宇下諸聖。天上諸神。并願不少於越聖越神之童貞聖母也。嗚呼吾主。賜我常懷此情。日立此志。俾我

諸行。恆於爾心無間。賜我日懷此愛。常發此情。俾我於臨終時。正於熱愛中而
逝世矣。

敬功

偏情猛作。陷罪甚深。慎哉斷不可失望於心耳。蓋耶穌聖心在此。厥功已備。以
補人罪。其心已裂。以納罪人。罪人入此。厥罪不異火星。投於大洋之中。驟然滅
矣。

誦句

耶穌聖心。大彰天主之仁愛。矜憐我等。

第十三日潛思聖心之富

前耶穌顯謂瑪加利曰。余切願見愛於人。是以此末世。顯示吾心至愛。使凡

聖心何
其富哉

愛而揚之者。富有此寶藏也。他日又謂聖女曰。余心愛人極矣。不復能藏其愛。是以明顯於汝。欲汝竭才力。傳揚吾心。俾普世咸得聖寵之寶庫。胥免地獄之險路也。一賢士曰。吾主聖心。爲諸德之座。萬福之源。善靈之安居。求寵者。莫不施與。迫切者。無不憐憫。常願藏吾人於聖心萬福之地。然則遇難者。被誘者。盡求庇蔭於聖心中乎。吾主聖心。親自詔汝。待汝之來。欲慰爾心也。故聖經云。凡爾苦難重任者。俱來就吾。吾將輕汝苦。釋汝任也。聖達米陽曰。護身寶劍。治病良方。勝魔巨力。飫靈神樂。皆在聖心中也。今爾旣遭。身世多艱。備歷己靈諸難。何不奔赴聖臺前。求主俯聽爾禱。藏爾於心乎。爾苟旣入此心。自覺安靜無虞矣。據聖多默搏云。當其在世之時。信友曾繪二童於耶穌苦像之下。一童仰承聖肋所流之寶血。注於懷中。一童以所受之聖血。復注於地。其珍藏聖血者。容

色怡然。首戴花冠。殊爲莊麗。其輕擲聖血者。顏色感然。首戴之冠。勢甚欹斜。此何以解之哉。明顯人用聖寵。善者惡者不同。而其效亦甚有異也。善者因默想之功。得聖心之神光神樂。死後又得天堂永冕也。惡者因犯罪而失主寵。良心之安已失。并棄天堂榮冕也。因此聖伯納鐸曾喟然嘆曰。至仁耶穌爾心何其富哉。吾今於爾聖體中。得此富裕之寶藏。吾亦不難富有矣。所惜者。人未知善用。而失此寶藏耳。然既失之。亦可復得也。蓋耶穌嘗親許吾儕。凡因聖心之功用。求主聖寵。則所得必多效也。其有久求而未得者。行此敬禮聖心之功。而即可得矣。且得之而必優渥也。聖女日多達於彌撒中。聞聖經一言曰。吾將以此地付爾。及爾子孫。此時耶穌遂顯現。以手指其心。謂聖女曰。爾亦知予所言之地。爲何地乎。聖女於此。遂躍然歡呼曰。噫。聖心乎。福地也。樂土也。人卽微嘗之。已

靈心何
富乎

得愜然滿志。莫名其妙矣。然則聖心中固何如富乎。總之無福不備。無德不全者也。故使人心而紛馳也。誠求耶穌聖心。即可免紛馳。而有專營焉。使人心而驕矜也。誠求耶穌聖心。即可化驕矜。而爲謙讓焉。使人心而污濁也。誠求耶穌聖心。即可除污濁。而爲潔白焉。使人心而柔弱也。誠求耶穌聖心。即可轉柔弱。而爲果毅焉。使人心而枯窘也。誠求耶穌聖心。即可變枯窘。而爲潤澤焉。使人心而涉於偏私。紐於黨惡也。誠求耶穌聖心。即可光明正大。而無偏無黨焉。何則。耶穌聖心。固獨備萬有。而綽綽乎有餘裕者也。其爲上智之淵。昏昧者得而納之。其爲至愛之海。亢愾者得而入之。亦爲純安之源。浮沉者得而就之。亦爲諸樂之泉。畏鬱者得而近之。富哉。耶穌聖心。人何獨不求耶穌聖心乎。卽或暫求之而不得。屢求之而自可得矣。昔聖女默底達。靜思天主之妙。其靈卽見

愛德如一勇士。在於耶穌聖心。擊一金鋼石。再四不休。而石旋化。此可知人心雖堅如石。一染耶穌聖血。卽爲聖心所化。而不復冥頑如石也。是人凡有急需。凡有正故。何不求耶穌至富之聖心乎。

祝言

我憶聖西比陽所言。人之籲求於吾主座下。厥淚必非徒垂。人之自認於吾主臺前。厥悔必非徒發。我歎。聖牖卽格。我泣。聖慰立降。飴哉吾主耶穌。我憶及之。舒懷附爾。託爾聖心蔭下。仰爾聖心全富。求爾心印於我心。心心相印。望我念常求爾念。念念誠求。吁。至慈之耶穌乎。親戚中誰有爾心。師保中疇如爾心。朋儕中孰具爾心。是心之超越乎衆心。實爲操心養心之極則也。噫。極美無比。至可愛之耶穌乎。求爾滌吾罪。恕吾愆。盈吾乏。富吾窮。而使我心契合爾心。常居

爾聖心中也。蓋爾心之所以受傷者。本因愛吾。而爾之所以顯此心傷者。更欲納吾於此心也。吁。至尊天主。至聖天主。而屑納吾於聖心。吾舍此將焉往耶。

敬功

審判時。吾主將向善者曰。爾輩爲我父所寵福者。卽當就我以享天國。昔我饑而汝輩食我。我裸而汝輩衣我矣。是言實指施與貧乏之人。而貧乏者實我所當助濟也。蓋吾主以此。允爲審判之資矣。然恒有數處因人忍心。吾主於祭臺上。貧乏之至。爾宜依力所能。稍助祭臺清潔。蓋以吾主在此耳。

誦句

耶穌聖心。常久充盈之府庫。矜憐我等。

第十四日潛思聖心之苦

夫刺傷吾主聖心者。原非隆盛之戟也。其聖心之愛。使之然也。若統論其聖心之傷。不獨受於死後。且自其生初。以至於死後也。并其死後。直至於世終也。其所傷。特判有形與無形焉耳。然無形之傷。較之有形之傷。爲更甚。古經有言。吾姊吾配。傷吾心矣。嗚呼。至仁耶穌。固痼瘵在抱。胞與爲懷者也。是故人有難。耶穌傷之。人有疾。耶穌亦悲之。人之艱難何如。卽耶穌所被之傷。亦何如也。何以世之人。熙熙攘攘。皆從心所欲。常增其罪。而不自知乎。而人當不知之時。吾主正以一人之心。代眾人而悲之也。且悲之甚。而非可以十字之苦。擬其萬一也。蓋十字苦架。惟吾主一時負之。而悲痛之情。則吾主畢世負之也。聖女盎日辣曰。自吾主始生之頃。卽明見其將受之苦。預知三十三年後。將被徒負賣。被徒叛逆。群弟子流離失所。不敢追隨。預知惡人。將拘其手。吐其面。訕毀其聖名。鞭

撻其聖身。披以紅袍。誣以妄語。首戴茨冠。口嘗苦膽。手足被釘而後死。死後又受肋旁之傷。凡此皆吾主自初知之而不能忘之者也。不能忘於心。其心自然彌苦矣。由是言之。吾主聖心之苦。果何其大且久哉。吾主嘗謂瑪加利曰。吾之一生。惟生於愛。惟就於苦。常如燔祭。以祭主也。噫。此情此景。果誰能喻之哉。亦既喻之。又誰復因之而悲傷哉。卽偶而悲之。偶而傷之。又孰則奮然精進。積德累功。而不復陷於愆尤哉。噫。以吾人之苦。較吾主之苦。皆輕且暫也。惟前聖有以見之。明念之切。故能以苦爲甘也。嗚呼。耶穌乎。爾愛人而苦生苦終。乃吾未嘗以苦爲甘。稍符爾之苦難焉。是吾未嘗觀聖人之善表。念及於吾主之釘死也。

今夫吾主之苦難釘死。是卽愛人之實據。雖其事爲吾人所不能悟。然吾主不

願吾人忘也。於是立彌撒大祭。以常憶其苦死之遺表也。人苟敬愛聖心。何能忘其苦難乎。亦何能畧思其苦難。而不全憶之乎。全憶之而動己心。正吾主所切願之。而深喜之者也。故卽以耶穌之聖諭。與聖人之嘉言。證之於後。昔耶穌親現於聖女物老尼曰。吾願人悲痛吾苦難。而憐愛之。敬禮之。人雖爲此僅流滴淚。亦可爲大功也。因此滴淚之流。甚悅我心。非口舌所能傳也。又有天神默示聖女若納曰。凡人念及吾主之苦難。而含悲隕涕者。天主甚悅之。汝功無異舍生致命。與忍受大艱也。又吾主耶穌親謂聖女盎日辣曰。無論何人。無間處境之順逆。倘欲得吾寵恩。當常注視吾苦像也。蓋信友熟思吾苦難。聖死者。眞爲吾子。不然。則有虛名而無實德也。聖奧斯定曰。懷憶耶穌苦難。而流滴淚。較勝於往日路撒稜朝拜聖地。與終歲之謹守嚴齋者也。或問何爲敬愛耶穌之

人。若是其寡。聖利各立對曰。因默思耶穌苦難者之寡也。又一日聖女盎日辣見耶穌如被釘之形。謂信友之痛悲其苦。分任其難者曰。福哉。爾曹憐吾苦難。隨余受苦哉。因得於吾聖血中。洗滌諸罪也。福哉。爾曹懷念吾困。甘受世辱哉。因得與吾復活之榮也。蓋吾曾迫於飢渴。刺以鐵釘。死在苦架。而汝行仁愛之功。以慰吾也。今聖父聖神皆降福於爾。至於吾審判日。尤將於眾人前。揚爾慰爾。曰。來。聖父所福者。同登天國。此固於世初爲爾設備者也。今爾曹既得之。不患或失矣。因汝曹先有以慰吾愛苦也。信友於此。可借聖奧斯定之成語。畧憶吾主諸難。虔念在下追憶誦。

祝言

吾主天主。因而欲救普世。而生於世也。割於身也。絕於人也。負於徒也。捕押繫

繫付之教司。送之官墀。訊鞠妄誣。批於頰也。唾於面也。撻以鞭也。辱以詈也。首戴棘冠。竹撻其首。面爲掩障。卒解其衣。嗚呼。釘於架上也。豎於盜中也。渴而噎。醢也。傷以鉄鎗也。嗚呼。吾主耶穌。我雖無功。而緬懷如此劇刑。淒愴無地。因爾苦刑與苦架之功。伏求救我於永獄之罰。且因聖祭之大功。懇求恕免我諸罪。日益聖寵。加增永福。亞孟。

敬功

傳曰。聖母日日往拜苦路聖處。厥初宗徒繼之。後代倣之。今立苦路善功以代之。教宗盛大赦。而本多第十四位。確云。厥功至爲有效。以罪人歸化。淡心加熱。義士進境也。爾罪人乎。淡心乎。義士乎。務於此功。理所宜然矣。而於本月內與封齋中。最宜行之。更當熱心習之。

誦句

耶穌聖心。盡罹無數艱難。矜憐我等。

第十五日潛思聖心之愛

憂為聖
父聖母

耶穌一生。豫見將受諸難。常懷痛苦。此實終生之致命也。然其至苦之時。乃在山園祈禱之候。因於此焉。齊集眾人之罪。諸罪之罰。盡設於神日之前。皆將一己荷之。故此三點鐘之困苦抑鬱。甚於三十三年之苦况也。信友於此。可知聖心之若何愛人矣。蓋以聖人論之。刑體所受之苦。適所以成其愛。愈受愈輕。獨至聖心所受之苦。愈受愈深。固結而不可解。瞬息之樂。不能入片詞之慰。無從投也。是以耶穌當山園祈禱之時。不禁慨然曰。吾靈憂鬱至死也。今論聖心所愛之故。一則為聖父聖母。一則為己為人。試提其意。分陳於後。一愛為聖父。聖

若望曰。天主爲愛。先知日肋彌代天主曰。吾之愛汝。恒久不變。此可見天主之愛人無限量。亦無窮期也。適人當犯罪之時。靡棄天主恩寵。而天主不惟不棄。反遣其至愛聖子。降世贖人。釘死於十字架。此固若何恩情哉。假令聖父知己降世爲尤愈。則亦必自甘降世矣。惟知聖子降世。爲至妙而遣之。此誠不可測之鴻恩矣。然此無限之恩。神聖思之。甚爲驚訝者。世人竟不審思之而感激。此其忘恩又何極哉。夫天下之爲父者。必無有如聖父之愛其聖子。則知天下之爲子者。亦必無如聖子之愛其聖父也。乃耶穌見聖父之愛人。至於此極。而世人偏報之以辜恩。酬之以諸罪。則聖心之痛悼。至於何地哉。吾儕世人。誰能測度哉。二憂爲聖母。人欲知耶穌之愛聖母爲何如。當先思好友之相憐於大難者爲何如。夫人有至愛之友。倏遭大難。則其哀之也。爲何如哉。耶穌之與聖母。

固至相愛者也。故聖母見耶蘇受諸苦難。愛之至矣。耶蘇見聖母愛己之愛。其傷愈甚矣。適符聖經謂聖母之言曰。吾所加於爾者。盡歸於吾者也。夫惡人譏誨吾主。訕詈吾主。聖母皆親自見聞者也。當吾主懸於架時所發之七言。聖母固親聞之。吾主被棄於聖父。息氣於架上。凡諸苦辱。聖母皆親見之。而共嘗之者也。其傷心爲何如哉。且聖母於此。未能親拭吾主之淚。稍止聖血之流。又不能以溫語撫循。聊慰吾主之心。其苦爲何如哉。聖史欲記聖母之痛。而無辭可記。惟曰聖子懸於架上。其母在旁。豎立以泣而已。夫耶蘇之愛聖母。亦既至矣。豈見其如是愛傷。而不甚痛於心乎。是以聖母聖心之傷。益增耶蘇聖心之愛。此愛之第二故也。

吾主愛苦已極。而又有加其愛者。爲己爲人故也。一爲己而愛。凡人知大難將

來。則驚懼之情。自勃發焉。而不可遏。此勢之所必然也。夫耶穌當山園祈禱之時。明見將受諸苦難。將受諸侮辱。宛如盡列於目前也。而欲於未至之先。預嘗其苦。而不勝憂鬱也。是以三釘。苦架。白衣。紅袍。答鞭。茨冠。酸醋。苦膽。長矛。萬般苦楚。一時盡集也。其愛爲何如哉。復思吾主因世人之罪。見棄於聖父。其時覺熒熒無告。其苦甚於諸苦也。一日瑪加利默思吾主於山園之愛傷。耶穌降現曰。當此一時之苦。較之終身諸苦。愈傷吾心。蓋是時吾以一身。仔肩眾人之罪。而天地萬物。皆若舍棄吾矣。天主聖父。不憫吾之無辜。盛施義怒於吾身。命余飲此苦爵。一若忘其爲父也者。而欲殺之以息其怒矣。當此之時。天神與世人。無一能測吾心之苦也。達未故曰。地獄之苦。圍困吾身。蓋其純苦。苦中無慰耳。二。爲人而愛。聖女盎日辣曰。耶穌愛人類之喪亡。不惟渾愛全類。而爲人人愛。

之也。傷眾人之罪過。不惟渾然傷之。而亦一一傷之也。是以罪不分前後大小。無一不傷耶穌之心。人不論善惡智愚。無一不增聖心之苦。蓋耶穌以無限之愛情。終身歷盡艱難。至於釘死。無非欲救脫眾人於罪。使之不復陷於罪也。乃耶穌之待眾人者。若此其至。而眾人之待耶穌者。若此其忍。不惟一人。而且人。非獨一時。而且時時。直至世盡。夫此無數之罪。耶穌皆預見之。而深愛其辜。恩負義。以致人類諸難焉。欲知其愛之若何。雖以苦海擬之。猶不及遠甚也。是以吾主不禁直言曰。我愛至死矣。信友乎。汝不見吾遍體血汗乎。此非惡人鞭之。劍戟刺之。然其愛懼至此也。夫聖心所以甘受此苦者。無他。惟欲人心於憂鬱之時。以聖心爲法。以聖心爲慰耳。蓋於患難中。能仰法聖心而樂受。此卽所以慰聖心。而亦卽所以自慰也。

祝言

可愛哉吾主。爾心隱愛。安得慰之。其故充積難計。爾愛凝結難解。吾人陷罪甚多。普世沉溺已久。人靈許多永墮。主榮屢次隳壞。於爾劇苦已極。爲人仍多無裨。爾心憶之。怒焉如擣。無間無慰。吾人追之。漠然不動。無悲無痛。況我向履冥崎。所貽吾主之愛苦莫大矣。淡於聖事。忽於聖照。罪大而少悔。愆多而不改。吾主恤之。而我不覺。吾主傷之。而我不感。理宜畢生悲泣。而我反馳神徇物。嗚呼。耶穌[△]聖心。滿其愛悶者。望爾愛銘於我心。耶穌[△]聖心。滿其愛悶者。望我愛合於爾心。耶穌[△]聖心。滿其愛悶者。望同愛同心。共祭聖父。

敬功

憶念世俗多人。時方深夜。而晤談愈盛。不如遵行吾主所誨之善功。卽牛晷聖

功是也。蓋吾主曾諭聖女瑪加利曰。每逢瞻禮六前夜。爾宜默存半晷。至于時方止。用以分吾囿中之愛。用以息吾憎罪之怒。又以慰我徒眠之鬱。弗克同寤半晷。信友乎。如爾不克如願。未嘗不能虔念夜課。畧憶吾主於山囿中。爲爾愛甚至死。

誦句

耶穌聖心。山園滿其愛悶。矜憐我等。

第十六日潛思聖心之傷

夫耶穌聖身之傷。皆如巨口。人靈由是而得救也。然惟聖心之傷。所啓恩澤之口。更爲廣大也。耶穌之傷。皆如泉源。聖寵由是而出。而聖心之源。更爲清美也。耶穌之傷。皆如五彩染池。人靈既潤澤其中。卽其思言行爲。倍增價值。而於其

厥傷補
人萬罪

聖心爲尤甚。耶穌之傷。皆如書籍。諸聖之學問。盡載於此。而讀聖心一書。則識見愈高也。耶穌之傷。皆如避難之所。罪人至此。方得安居。而於聖心爲尤穩也。耶穌聖心。猶如靈慧之舌。常隱示人以念其聖愛。憶其苦難。而獻己全心也。聖伯納多曰。聖心之所以受傷者。欲借其有形之傷。示我無形神愛之傷也。噫嘻。耶穌既傷於身。而亦傷於心。尙有何術。能更顯其愛哉。人非木石。能不念如此傷刺之心。而以愛還愛哉。昔聖女加大利在天主臺前。凝神越禱。問及耶穌聖心。何以死後猶被刺傷。天主聖父應之曰。因吾聖子救人之願。無限真切。故死後心猶被傷。以顯諸苦。皆所樂受。雖至貴聖心。亦所不惜也。因人世多艱難之境。不善處之者。害及靈魂。故吾主啓其聖心。引人入於傷中。得一真樂之源也。聖女盎日辣專想耶穌苦難時。吾主忽現。在十字架上。向聖女曰。余女爾不必

懼惶也。爾之罪。吾已補之贖之。夫爾心中之罪。雖屬甚多。如忿。如妬。如妄。愛與私愛等。而吾心已爲爾被鎗刺傷。所流下者。皆如滌罪藥石。能痊人心之諸病也。昔有賢士德邦忒曰。夫鎗旣因我罪而刺至聖之心。亦當刺大罪人之心。理也宜也。又曰。吾主因此聖傷以顯己愛。則凡所爲所受者。自必以純愛爲基焉。吁。吾主吾靈之良伴兮。賜我由肋傷而進爾聖心。蓋爾旣爲我啟闢聖傷。我卽依此而立三帳焉。一在聖手之傷。一在聖足之傷。一在聖心之傷。庶幾常瞻爾愛之聖迹。又有賢士捏冷潑曰。人體之至危者心也。今欲滌之。耶穌聖心自宜被刺也。聖若望謂吾主愛人。至終愛之。我謂不止於此。蓋當已死之後。尙推己之愛。以畀己聖心也。由此觀之。可知聖心所以啟其傷者。以顯吾主之愛。用補吾人之罪也。

且非但爲此。亦爲賜我捍衛撫慰之所也。昔聖母現一賢女前曰。吾聖子非特傷手傷足。而亦刺敢聖心。使人入之。得知聖愛之源。而咀其味。亦得一所。因以捍衛。因以撫慰。而休憩於其間。蘇索納聖人。曾念死後。禍福難知。深爲之懼。倏聞天上有一聲。慰之曰。升入我傷中。爾之福樂。盡在於斯也。故彼曾向吾主曰。吾耶穌兮。萬物之主兮。望爾記憶。利鎗敢爾肋矣。刺爾心矣。爾心於吾。實爲活水之泉焉。聖奧斯定曰。吾雖罪多。惟念吾主已爲吾死。遂不復恐懼。蓋耶穌徧受諸刑。正示我與耶穌已復歸舊好也。隆仁鎗刺吾主之肋。吾今得入而安居之矣。尙何愛乎。聖文多辣嘆曰。噫。可愛哉。此聖肋之傷乎。吾由是而入耶穌仁愛之肺腑也。今吾居此。莫明神樂。愚哉世人。何不知由耶穌之傷。得入耶穌之聖心乎。天神之樂境已開。何足將進而趨趨乎。爾輩愚昧者。何不信我言。而

入吾主傷痕乎。苟其入之。誠嘆爲安宅矣。又曰。夫上智永愛之寶藏兮。已見敢露。天堂之門兮。已爲開闢。信友乎。何不由聖傷而內進乎。聖女方濟加嘗見吾主肋傷。活水之泉。湧流於下。明光之彩。回射其中。內見聖心被傷。而屢次聞聲曰。渴者就之飲之可耳。聖女默底達一夜疾首甚烈。殊難安息。吾主使見聖心之傷。請進而安息於此。昔聖方濟會中。有一修士。本係富貴者。因素豐於奉養。難守修規。故廢然而返。正當行際。遇一苦像。卽跪求主佑。因此遂大動主心。卽賜此人神魂。穆然上升。耶穌與聖母同現。問何以出此修院。修士盡以實對。維時耶穌顯露肋旁之傷。并藹然慰之曰。吾可愛之子。伸手入吾聖傷。染吾聖血。後日諸難。吾將佑爾。轉難爲易。轉苦爲甘也。修士如命。旣而回院。畢生之操持。宛如吾主所許者。吾友見之。卽當借聖波日亞之成語。專向耶穌聖傷。幡然而

云。

祝言

皇皇堂堂。吾主聖傷。上天所降福澤之慈源。下地所沾寵賚之清泉。我敬崇爾。至珍至寶救世聖傷。爲人永福之端倪。我附就爾。蓋爾之甘馨挈引吾心。我卽在爾簡定安宅。爾乃至穩之岸。我體休息於此。爾且至堅之府。我以凡有凡望。無不藏匿於此。

敬功

每逢瞻禮六。特以虔恭耶[△]蘇[△]聖心。卽片時而拜聖體。緬懷聖心奧迹。片時而看聖書。閱讀聖心妙情。俱爲至要。蓋愛如火。不助卽滅。

誦句

耶穌聖心。被刺於鐵鎗者。矜憐我等。

第十七日潛思聖心之願

願有切
聖心之聖愛者。其勢更速。其機更迫焉。夫聖心之所願。正如火之焚於其心也。其意有四。一願以聖體。賜於眾人。在建立聖體前。耶穌謂宗徒曰。余於未死前。切願與爾曹。行此罷斯。寡禮。卽此一言。已可知耶穌聖心。甚願以聖體與人矣。由此而推。亦可知吾人領聖體前。宜如何切想。如何熱愛矣。因此聖事。若爲諸聖事之原。是以吾主立聖體以後。別無要功。惟爲人受死而已。夫爲人受死。卽聖心之第二願也。吾主嘗明言曰。吾久願受洗。奈至今見阻。有懷莫遂也。夫此所謂聖洗。非血而何。此所謂受洗。非遍體流血而何。蓋聖心之視十字架。若爲

祭臺於此臺上。全傾聖血。將行大祭。以成贖罪之功也。是以時時切望。念念不
忘耳。論聖心之第三願。卽救靈之願。迫於心而如飢如渴。飢之甚。而迫於求食。
渴之甚。而急於求飲也。因此萬事不能阻其救人之切願。至於歷盡艱難。被釘
於十字架矣。且當懸釘於苦架也。猶曰。吾渴乃渴念人靈也。渴欲眾人修德。渴
願眾人升天也。若論聖心之第四願。則更大更熱。卽願人顯揚聖父。於諸受造
之上。吾主嘗云。吾來斯世。實爲敷施神愛之火於人。因吾若不能當其焚灼也。
信友乎。聞此主言。可知聖心之所願。若何懇摯矣。并知諸聖之所法。自有專歸
矣。蓋所以感聖人之心。焚聖人之心者。卽此愛火所致也。
今試歸聖人於將領聖體時。如何熱衷。如何企慕乎。如日諾娃城內。聖女加大
利。見聖體在鐸德手中。卽哀懇曰。此性命之糧。速賜於我。多明我會中。修女依

擗斯每近領聖體時。不勝歡忻而言曰。吾將近愛火矣。聖依納爵聖玻日亞日。夜百次往拜聖體。倘身不能往。則心嚮往之。聖類思聖達尼老除聖體前。無處領慰。倘不得已而出堂。則心仍繫戀於聖體也。又聖人知在苦難中。可以肖耶穌之像。故當劇苦之中。顯著非常之樂。如聖安德肋宗徒。致命時。遙見苦架。卽趨前抱之。大聲歡呼曰。此固吾所久望而久愛之者也。今何幸遇爾乎。遂俯身敬拜之。後乃甘釘於此福終。聖若望修士。致功已歷多年。一日於苦架前。吾主顯示曰。爾旣若斯甘受苦辱。欲吾何酬爾功。聖人對曰。主。吾惟願爲爾苦益加苦。辱又增辱。斯卽酬耳。聖安德肋撒云。有苦卽生。無苦卽死已耳。并不願生而安樂也。聖安德肋罷濟云。寧存苦膽之苦口。不願有甘蜜之甘味也。夫願歷諸苦。以顯主榮。以救人靈。此不獨一聖爲然。眾聖亦皆然也。不聞聖人多明我所云。

乎。吾爲顯上主之榮。即使裁割己身。心甚願焉。又不聞聖依納爵所云乎。吾不懼桎梏之囚。惟願愈顯主榮耳。聖女德肋撒云。倘能助一靈歸向上主。則雖久處煉所。直至世終。亦甚安焉。聖沙弗畧於傳教時。曾求主曰。求主益增吾苦也。又一賢者曰。衆人之靈。皆天主寶血所贖。乃今日多行地獄之路。而不知憂懼。反欣欣然自以爲得意。吾固當竭力以挽回之也。噫。友乎友乎。聖人之表。洵矣若此。而吾竟違背若斯其甚。雖領聖體而未嘗虔誠。偶遇艱難而急爲引避。救人之神火。未嘗熱切也。噫。耶穌聖心乎。爾心愛我至切。而我心反淡忘爾也。今求爾變化我心。俾得肖似於爾聖心。故借高朗篇之成語。全已奉獻於爾。

祝言

可崇可愛。耶穌聖心。常燃愛人之烈火。常憐吾人之困厄。爾心常關。而諸恩下

流。爾心常備。而諸苦得慰。且恒願分施吾人。以己寶。以己寵。以己全體。更常顯示己心。爲吾衛。爲吾宅。爲吾地堂也。而人反以怨報德。不還爾愛。不知爾愛。不受爾愛之據。不聞爾愛之言焉。今以補人之如此凌辱。如此忍心。更以贖我之凌辱至此。忍心至此。卽獻己心與諸情諸動。矢意奉爾。切願克己諸情。虛體以入爾聖心。蓋愛之進之。生於此。死於此。卽我一生之願也。然我願之則堅。而行之惟弱。不知所爲。不爲所知。切望聖心。牖照我心。舍己從爾。不行違爾之事。全用愛爾之法。亞孟。

敬功

人靈永墮無數。而吾主切願救之。救之不得。竟人轉求。庶息義怒。大彰仁慈。竟之已久。爾曾淡漠。以致聖心不悅。爾固如此。尙得謂敬愛聖心乎。愛之必當務

出命人
獻已心

救人靈。爲之轉求天主。如此雖不出戶庭。而所傳之教已遠矣。正如聖女達肋撒。一日得知因己祈求。已化數千印度人也。今之虔禱宗會。以虔禱繼宗徒之功。豈非此意乎。至於傳教良會。每月獻二百文。爲助傳教之費。豈亦不歸此意乎。

誦句

耶穌聖心。順命至死。矜憐我等。

第十八日潛思聖心之命

夫耶穌聖心。爲諸恩德之源。福寵之根也。亦旣以此全賜於人矣。吾主能不求全於人哉。然其所求於人者。惟一人心焉耳。昔耶穌問聖女路特加曰。爾願得何恩。聖女對曰。願得爾心也。耶穌曰。爾之願得吾心。不若吾之願得爾心也。噫。

異哉。耶穌聖心。爲萬福全備者。而竟願得吾人心也。此何其福哉。聖經曰。吾子將爾心全獻於吾。又曰。日露撒稜滌潔爾心。全心愛主。此皆天主命人獻其心也。然耶穌聖心。豈有所虧缺。而命人全獻其心也哉。惟其無所虧缺。而命人全獻其心。可知其心。惟欲賜人以福也。噫。我人又何靳而不全獻之哉。全獻之而全悅其心。吾人之福備矣。夫吾主耶穌。誠如智勇之將。好戰而好勝者也。惟心之外。無所足重。故心旣得而珍寶寓焉矣。是以吾主先欲服人心。得人心。而後以爲本國本天焉。聖伯納多曰。人心之天。較之蒼蒼之天。吾主更重之。因天地萬物。天主一命卽成。而得此人心之天。則以己聖血贖之也。試思耶穌生於馬槽。長於異國。畢生食貧居賤。壯而傳教勸人。卒甘被釘。死於盜中。此其心果何欲哉。惟欲得人心。見愛於人耳。故引人愛之之法。無所不備。賜人愛之之報。無

時不顯也。昔耶蘇謂聖女盎日辣曰。人願延我至心。我必躬臨。人求見吾。吾必願見。人與我言。吾必俯聽。誠以愛吾之靈。吾愛之甚也。使有愛我而超於前聖者。吾將賜彼之恩。亦超乎前聖也。凡人切愛我者。吾愛之似無限量焉。聖女聆此聖訓。乃謂人曰。吾主欲吾人愛主。亦若主之愛人也。由此思之。凡人願得愛主之情。主必與之偕矣。所惜者。誠心愛主之寡耳。

嗚呼。聖人聖女。曾以己心。全獻聖心。更以己愛。全愛吾主者。我今仰企高表。傾聆懿訓。庶能銘感於內。聿慊聖心。聖意矣。聖女日多達呼曰。吁。愛矣哉。爾真活水清泉。我所渴者。惟爾已耳。我心奮飛於爾。難以自禁。惟望爾肋自闢。得進於此。吁。我所寶矣。我心在茲。求爾納之主之。我誠不願自主耳。又聖女達肋撒熱愛吾主。心如炬火。火勢烈烈。幾幾命終。屢見上品天神傍侍。手持金矢。矢首惟

火。亟中聖女深心。聖女發火如燬。又聖女忒罷濟愛情肫摯。厥心如燃。當冷凝寒逼之時。瀝以清水。飲之淋之。以甦己命。有一日緬思降生妙恩。愛火更烈於內。維時聖奧斯定見立。聖女卽求以聖子成人四字。默印於心。聖人卽以金。銘書聖子二字。復以血。銘書成人二字。帥納城有一聖女加大利。曾以達未成語。求主重化我心清潔。遂覺己心未免污穢。仰求吾主取之。以新心更之。吾主垂允所求。取其心還以新心。聖女遂覺愛火勝乎烈炎。利瑪府有一聖女老撒。屢聞吾主求得其心。忽見一蝶。集於己胸。奇巧繪成心形。繪畢。蝶杳然而去。而聖女卽悟吾主奧旨也。高鐸納城有一聖女瑪加利。歸向吾主以後。誠心不忒。上愛炙熱厥內。毫不自覺。一日焚灼煤炭。忽落手上。聖女仍不自覺。蓋當是時也。內愛之火炎炎不已。較之形火更爲猛烈。夫高落納者。羅瑪府之賢女也。曾見

吾主。雖彌身受傷。而其榮耀煌煌。激目可喜。吾主本願安於賢女心中。故挈厥心。冉冉引之上升。而賢女之飴暢。難以言述耳。夫格肋孟者。大法國之修女也。屢覺己心向主。幾將離胸而出。一日懇懇託己。且呼吾主爲己大父也。本主也。督領也。吾主立見。初卽據取厥心。而曰。我固統領爾全體也。繼卽安進厥心。而曰。是乃真爲我寶座也。又有賢女。吾主偕聖母見立。問之曰。汝欲輸獻己心否。對曰。恨不得抽之於胸。輸之於爾。主曰。予親取之可乎否乎。對曰。嗚呼。吾主。是心豈非屬爾之心。取之豈不取本主之物乎。吾主卽親取厥心。賢女乃衷情超熱。又有賢女以愛未足。怒如調飢。忽覺神靈上挈。己心如在己手。庶幾爲犧全獻天主。至於熱愛宏深。自不覺耳。夫昔聖斐理伯。姓納利。愛主殊深。此心如醉。躍躍欲上。幾乎抽出。左肋二骨相裂。而至終不合矣。夫亞梗他城。聖伯多祿。聖

火炙心。衍炙彌身。冬寒凜凜。熱尙難當。全體都沉水中。而凝冰自化矣。夫多明。我會。蘇索納。聖人。上愛時增。難禁於內。卽以耶穌。聖名刀鐫胸上。恨不得鏤之於心。懇主致成所願。吾主不棄微悃。而人力所不至。主能成之。聖名諸字。確實印於厥心。嗚呼。聖人也。嗚呼。聖女也。爾心全歸天主。餘無所戀。何能一一陳之。惟惜己心下沉。尙未達乎聖愛之的耳。

祝言

已矣已矣。我心向逐世塵。久違天主。而今已棄世物。復歸本原。已矣已矣。我心尙戀世物。貳於天主。而今已專向本原。不逐末務。吾主所求於我者。惟我一心。我所求於吾主者。全取我心耳。取之。不許一己主之。外物擅之。取之。納之。藏於爾心。愜於爾意。吁。我心之主耶。無聖心。我之心全獻爾心。卽我所欲或非爾心。

則必爲爾心而欲也。而我所愛。或是世物。必非爲世物而愛也。所可恨者。我心惟污。安敢呈爾。故我仰藉聖母聖心。聖人熱心。偕之合之。始敢獻我心耳。卽偕聖母聖人。愛爾契爾。至於無窮之世。亞孟。

敬功

藉先知述吾主之言曰。引靈於幽獨之所。我乃默晤厥心。爾倘願聆懿訓。與主密晤。則宜避靜爲要。是故每月簡定一日。遠避囂塵。特捫己心。收攝精神。大哉神益。甘哉神味。試之。則知之耳。

誦句

耶穌聖心。以聖愛永愛吾人者。矜憐我等。

第十九日潛思聖心之召

吾主前曰。爾眾群來我前。聖罷西畧嘆曰。此言也。何其善哉。此言也。何其福哉。蓋耶蘇意謂。吾所許必踐。投於我者。終無拒絕也。吾心爲聖愛無涯之海。恩德之源流也。故爾繫罪者。近吾。吾將釋爾罪。賜爾恩寵也。愚魯者。近吾。吾將賜爾智。保爾真也。迷途者。近吾。吾將啟爾明。歸於正也。疲劣者。近吾。吾將扶爾弱。增爾勇也。爾爲求富求貴者乎。來吾前。吾將賜爾無限之富。無量之貴。永常充足。爾心。更無飢渴也。爾爲被誘被辱者乎。來吾前。吾將伸爾冤。補爾辱。暢快爾心。再無抑鬱矣。爾爲有志進修。而力有不逮者乎。來吾前。吾將固爾力。堅爾志。俾增醇備也。何也。以吾心之愛汝無窮。吾心之恩德莫測。故人取之而不窮。用之而不竭也。夫耶蘇之召爾者如此。正合聖經所謂。爾眾群來吾前也。且由此聖心之召推之一。若於大罪者。患難者。倍深其眷顧也。誠可謂人罪愈增。而吾

就聖心

何自得

主之仁益顯矣。然則罪人乎。爾或隱憂爲主所已棄乎。非也。昔吾主嘗謂聖女
盜日辣曰。人犯罪時。失去天國。成爲魔役。然使改遷而復歸於我。吾必甚悅而
納之。雖無辜之靈。所未得之寵。有時亦將賜與之矣。何則。因吾愛人至極。不得
不憐憫罪人。又因罪人之痛苦。感吾慈衷。又因罪人痛悔前非。感吾恩德。是以
可得至大聖寵也。噫。耶穌聖心乎。吾何嘗報此洪恩。遵此聖詔。而以愛還愛哉。
卽或有時愛爾。必非吾先愛爾。實以爾先愛我也。聖奧斯定有言。人世之情。莫
久於相愛至死者。莫大於代友而死者。耶穌聖心之愛。則生死不離。而身後又
賜人以常生之福也。愛人之情。何久如之。何大如之。昔一士人終時。歡呼曰。噫。
何其甘哉。吾自投於耶穌將死之手中也。倘吾儕今日。遵聖召而就聖心。則死
後亦得奔赴於聖心矣。豈不快哉。由此觀之。耶穌聖心之召。誠不可不從也。然

究其何自而得就聖心哉。茲畧言之。一、因痛悔之情。祈主赦宥方可。如聖多默。悔心叩主曰。主也。吾天主矣。吾之所望。惟在爾也。求主納我於聖肋傷中。療愈吾傷。又祈允我手撫聖心。將聖心之愛火。引於我心。增我愛主悔罪之情。又求聖心賜吾。以後謹小慎微。再不敢犯罪。更加功克己。稍補前非。以顯主榮。夫如是謙禱。如是苦功。能令吾主全忘其罪也。二、因靜默之情。離却一切。可邀主眷。蓋至此則吾主亦將語汝。如語聖女日多達曰。專圖惟我。乃得享我飴愉之福焉。蓋耶穌聖心。今日勸人。靜心默禱。如昔日謂宗徒曰。來至曠野祈禱耳。若人能遵守聖訓。則不久可得神力。真道悉明矣。三、因依恃之情。則愛鬱可解。畏懼可消矣。勿謂罪大惡極。難蒙主赦。不知罪惡愈多。依恃之情。亦宜愈切。蓋耶穌降世。非爲義人。實爲罪人也。是以天主天神。見一罪人悔改。較之得九十九義

人更爲欣慶也。則罪人而誠賴主。豈非大愜聖心哉。昔在聖嬰瞻禮日。聖女日多達。心昏神亂。不能預備領聖體。因求天主助佑。天主示之曰。倘人在誘惑中。堅望我佑。此實感吾仁心也。雖一念之情。已足令吾往救。假令吾不能救之。則吾心愛傷。怒焉如擣。雖天堂萬福。亦不能慰吾矣。夫此一念之感吾心者。非他。卽於諸事中。亦信我能佑。并信我願佑其人。而切望我佑也。此情也。大動吾心。雖欲不佑。而不能矣。聖女曰。此依恃之情。亦主所賜也。苟非主賜。何人能有此情乎。人於此將何如乎。吾主曰。人誦聖經之言。必能去其失望之情。卽或不能。遺信於心。必能習誦於口。如誦若伯之言曰。若吾沉於地獄深淵。天主亦將救。援吾也。卽或天主戮吾。吾亦將望主憐也。昔有一賢者。生平賴主至切。終無失望。至終時。更得天主之神光。照其明司。知主仁之浩蕩。大呼曰。吾願復生於世。

更能賴主也。夫高朗篇大賢者。曾著舒懷誦。意詞均極可愛。後附祝言。是卽其文。

祝言

吁。吾主。吾天主。我知夫凡仰望爾者。爾必眷之。凡叩須爾者。總無所乏。我知之。我信之。以至持志。今後無慮度生諸鬱諸困。無不投於爾慈懷中也。人能奪我財。壞我名。病能敗我氣。傷我力。以至事爾。不克如願。且我陷罪。棄爾聖寵。亦能有之。然而我欲棄望爾恃爾之心。則不能矣。我持此心。雖至生命將絕。而終不棄之。邪魔徒然奮奪此心。此心仍確乎其不可拔耳。他人也。或依己能。或依己財。或依己才。依之己耳。他人也。或依己生無辜。或依己行甚苦。或依己功極大。依之己耳。我也我心所依恃者。惟此依恃之心耳。夫此依恃之心也。從未悞人。

矣。且將來終不悞人矣。然則我將必蒙永福。蓋我堅意望之耳。噫。弱哉我心。意靡靡。我已知之。且屢知之矣。猛哉魔攻。大德搖搖。我已見之。再三見之矣。然而主或護我。此皆不能警我矣。而我果切望乎主。主必護我也。然則持此切望。我必得避諸禍。而永持此切望之心。亦可預定。蓋以持此切望。亦卽我所切望者也。嗚呼。吾主。我既知望爾之心。必不能過度。且我所將獲者。必不能少乎我所望者也。然則我於至動之境。望爾扶我。我於至厄之時。望爾衛我。望爾支我。孱弱。勝諸強敵。望爾悠久愛我。而我望確乎不疑。且我望以愛還愛。而愛爾無間。無貳無盡。且亦願我望立極。卽望天主賜以天主。望今於世上。愛爾事爾崇爾。後於天上。見爾獲爾。享爾。亞孟。

敬功

吾主曰。爾宜學我。我乃性良心謙者也。聖人云。恪恭之者。卽師法之也。然則爾欲誠敬聖心者。勢必當慎於良德。務於謙德。達其道。習其行已耳。

誦句

耶穌聖心。罪人安慰之所由生。矜憐我等。

第二十日潛思聖心之哀

大君坐宴。左右大臣。供之循循然。事之蹶蹶如。倘於宴中。君忽記一丐。而親選甘旨。世人餽之。則其惻隱之心。何如光被四表哉。且如所使者。迥異庸人。所餽者。不惟享禮。抑且使候饋之。微言慰之。則其允恭克讓。誕敷文德遠矣。抑或豁達大度。所彰信於民者。更不止於此。而且使君親就閭閻。親饋丐夫。則其聲洋溢乎萬世。終不可諉矣。嗚呼。世主所未關睿慮者。萬皇之皇。久已日爲之。

矣。蓋自天日臨於祭臺上。親降天糧。以享吾人也。不雨瑪納。自爲人食。不藉天神。自降享人。其惠其慈。蕩蕩乎民無能名焉。夫吾主於聖體中。直其然乎。夫然而耶穌於聖體中。所受之辱。自新教初興。以至世末。實不可勝數也。異端人所致聖體之辱。與奉教人所致聖體之辱。殊屬可傷也。夫異教者之侮辱聖體。尙有可原。以彼實不信聖體。爲真天主也。若信友。既信爲耶穌聖體。係真天主真人。而尙侮辱至此。是主所至傷者也。夫耶穌愛人至極。願處人間。而入人心。然人之所以待吾主者。果何如哉。吾主願處人間。而人反拒之。人方居於華屋。而吾主反居陋室。昔達未聖王。謂那當先知曰。汝不見吾居宮中。而聖櫃反居帳幄乎。然而古時聖櫃不過預像耳。非若吾主耶穌。誠爲新教之結約也。然而受人輕褻。至於此極矣。尤可異者。吾主日夜居於聖龕。諸人晤對。而人竟過門不

入通衢之上。熙熙攘攘。大路之中。林林總總。獨惟聖堂間寂無人。吾主棲遲獨處。不啻隱逸。尤可慨者。卽或入堂。而心仍在外。絕無敬恪。擁進堂門。爭據跪位。首舉目遊。失恭失敬。笑言啞啞。游語無忌。雖異端者。亦見之而生怪。不必論內蘊之事。心神馳散。意念擾亂。俗務亦圍心府。邪念亦遶記司。傍人俱不知之。上主獨以爲傷也。尤可傷者。吾主建立彌撒。祭已爲人。人能翕受聖恩。而人反不思與祭。冒作僞端。以失瞻禮。卽或不失。而與祭無度。有身無心。何其傷吾主聖心乎。悲哉悲哉。彌撒大祭。而竟爲人如是輕易乎。尤可悲者。吾主切願人領聖體。而人皆不之慮及。一若己靈無恙。未嘗含垢。不必煩吾主之醫治。吾主之洗滌也。卽或領之。而冒領之者。誠不可勝數也。而淡領之者。其數乃愈多矣。嗟嗟。信友。汝之所以報吾主者。竟若此哉。吾主常若喚人曰。吾望於人中。有憐吾者。

主之哀
可憫

而不得。期慰吾者。而未覩也。而謂能不傷懷乎。

吾主於是哀甚。而其哀亦惟甚愛也。若曰。夫眾人之禍福。本於吾之榮辱無關。盡人而下永獄。無損於吾也。盡人而升天。亦無益於吾也。吾之所以愛人若此者。惟期裨益於人耳。是以予自降生以還。無恩不施。無事不爲也。予於萬民中。特賜爾領洗入教。可望升天。爾何不恪守教規。以沐其恩乎。予培植爾靈。宛如嘉樹。然爾所結之菓。則難以適口也。尤可慨者。吾渴。爾飲我以酸醋。卽爾集諸愆。尤以報吾恩也。吾潤爾心以恩。爾刺吾心以創。卽大叛予命。以致於死也。然則吾雖盡流血水。爾果何所獲益乎。吾喚爾升天國。承吾產業。爾竟以俗務爲急。亢愎而不之聽也。吾降生受難。擢爾之靈。得見天主本性。爾竟甘自磨棄也。吾以體血養爾。爾非不信。卽瀆冒我尊威也。噫。世間最爲人所輕棄者。孰有如

子也哉。昔耶穌顯現於瑪加利。以手指其聖心曰。此心因愛人之至。以至自爲磨滅。以徵其愛也。然信友中。類皆鄙視我。輕棄我於聖體中。而人心之既獻於吾者。猶淡忘若是也。又一日耶穌顯於聖女。聖心之形。若已刺傷。謂之曰。此傷乃吾受於簡越之人也。教外人民。惟傷吾身。然奉教之衆。直刺吾心。夫吾心固常愛彼者也。今吾於聖體中。如在十字架時一般。可謂一無所慰矣。今望爾曹熱心慰我。稍補我辱也。夫所謂重傷吾主者。卽我儕信友也。今聞吾主悲痛之語。能不虔行敬禮。撫慰聖心乎。

祝言

皇皇上主。萬物本主。爾曾顯於西乃。維靈維電。赫聲濯靈。而今乃在茲聖體。大展仁慈。亦溫亦良。善而又善。愛人立極。確指爾意非他。蓋在昔日。欲人畏爾。而

在今日。則欲人愛爾也。是故覘爾於苦架上。無非召我親爾。迫我愛爾。其容藹然。激我仰慕。其首垂下。顧而降憐。其手展張。似欲保我。其心啟闢。惟願納我。嗚呼。吾主。我自赧然。將何以報之。以酬爾愛於萬一。我真無功無德。而爾賜我不誠。賜爾聖心乎。爾昔特寵聖若望。亦惟與以枕爾聖心已耳。而今於我。豈惟如此。乃爾自格我內。休憩於我心耳。方降聖母懷中。聖母自以爲下。無功以荷斯恩。而我無善無德。惟罪惟弱。我乃何如乎。我乃何如乎。

敬功

夫慰聖心之法。本係大效。且爲至易者。務救煉靈也。蓋其聖心切願密合煉靈。而主義阻之。倘爾能息厥義。以發厥慈者。是正聖心所待於爾。是故望彌撒。立善功。加念經。讓大赦。無不可按此意而行。且有更憐煉靈者。特發一願。實爲仁

愛立極。蓋將己所有補贖之效。或生前已功所立。或死後人功所讓者。一一讓於煉靈。自無所擅。教宗另頒特恩。凡發此願者。每領聖體。能得全大赦。每逢瞻禮二望彌撒。亦得全大赦。俱讓於煉靈。

誦句

耶穌聖心。滿受凌辱者。矜憐我等。

第二十一日緬懷聖心之功

今於諸信友中。不異於如德國人者。不勝其數矣。僅觀耶穌之音容。而不察耶穌之意向也。然此不足以法耶穌也。宜先思耶穌聖心。如何願顯天主光榮。如何願救世人靈魂。審察其願之熱切。較之火審之烈焰。更甚無比也。故紛紛事物。毫不關懷。種種艱難。要皆忍受。噫。世之聞其道者。莫不心悅誠服矣。然苟能

緬懷之
功爲要

仰法聖心。而嘗其聖愛。不更爲恬愉乎。夫論仰法聖心之責。實教眾所不得辭之責也。蓋吾主嘗親諭吾人。效法其心之謙。其心之愛。乃人不效之。卽大叛主旨矣。凡爲信友者。皆當仰法耶穌聖心。况乎特敬特愛聖心者。其責何如嚴乎。聖奧斯定曰。眞能讚之於心者。必能則之於行。然欲則之於行。當先知聖心之全德。聖心之坦境。聖心之性情願欲。而後可也。昔聖若望嘗降現於聖女日多達。聖女問曰。聖人前於建定聖體之夕。倚於耶穌懷中。領悟聖心之妙。何以未書一語。以遺訓後人乎。聖人曰。當時聖教初立。余宜載天主降生之事。以固址基。至於聖心之恬愉。聖心之恩情。天主不欲卽示。姑待衰微之世。顯露聖心。以鼓舞人心之愛。獨歸天主也。噫。當今之世。非聖若望所言之世哉。所稱愛主之火。不幾滅於人心哉。要惟藉敬禮聖心之功。傳於普世。復有以振作而挽回之。

也。夫所謂振作而挽回之者。莫善於詳察聖心之德。而則效之。蓋吾主甚願吾人詳察其心。而常效之也。賢聖立言。皆誨吾人務本於此。聖心妙德。默而知之。亞伐來之明訓曰。賴推究之功。可進耶穌至潔至聖之心。而細釋其蘊也。賢士卽求吾主而曰。噫。耶穌救人之大主乎。吾人之全德。惟在仰效爾之粹行也。今求爾慈。示爾聖心。啟此生命之門。聖寵之源。使吾飲實德之甘泉。以解吾貪世之焦渴也。瑪加利得吾主之默啟。會著述一書。以訓世人。書中大旨。皆勉人仰法耶穌聖心。是以謂其伴曰。汝毋多求新奇。以爲修己之助。蓋全德惟在謹言慎行。以仰合耶穌聖心。卽己之所行。合於耶穌良善心謙之訓也。又謂其相知者曰。願汝良善遜讓。舍己從人。如耶穌聖心之待人也。噫。汝也。使思所以仰合聖心。無難輕棄世物矣。輕世金書嘗云。倘有人誠能一次深入耶穌聖心。則

斯世之甘苦。皆不足以動其心矣。今信友既欲愛敬聖心。安居聖心。何不思耶。蘇聖心所愛者何端。所感者何事乎。苟其思之。則必悅之矣。既悅之。則又慕之矣。既慕之。則更不得不效之矣。夫溯耶蘇聖心於曩時。時而求主。則至謙至切。時而憂傷。則慘悲人罪。凡見天主榮光而顯明焉。其心樂矣。凡見罪人愛主而悔改焉。其心亦樂矣。凡遭困苦焉。含忍自甘。凡致窘迫焉。堅貞不變。今爾心果何如哉。苟默想聖心之意願。即可知爾所當愛者若何。爾所不當愛者若何。且當愛而愛之者。又若何。今爾所愛者。固符於聖心之意否。撫躬自省之餘。即可明知也。倘爾之所愛者。固有是非。又察爾所愛之之故。亦皆正而不偏乎。果其專求主榮。而別無偏向乎。果其全心爲主。而不因愛人之故。而偶有疎忽乎。如此修省。正符耶蘇所命之善法也。蓋耶蘇嘗顯見於聖女路德加。顯示其聖

心而令以此爲默想之資。又曰。爾於此。可知當愛者爲何事。而愛之亦當何如。爾苟遵行所諭。吾將賜爾至潔之神樂也。

祝言

萬德之原。吾主耶穌。召我進爾聖心。以勉效厥德。範鑄我心。彷彿爾心之高標也。富哉聖心之業。宏哉聖心之量。致人訝奇之功。感人愛情之德。均堪立極。無窮敬愛天主。無限慈愛世人。所從生活。嗚呼。吾主。因爾愛我。屑示福德之富庫者。賜以此富。富我神靈。賜我步武芳躅。而聖道常銘於我心中。踐效聖迹。而聖旨常承於我懷內。賜以良謙之德。注於我內。俾之發著於行。又以聖心之印。印於我心。俾之顯呈爾德。主曾囑人曰。爾宜備全德。如我聖父一然。奈聖父無形。何能做其準則。幸仰聖子之心。如見聖父之印。德宗印世。我有所式。奈表儀無

盡。安能效其萬一。幸望聖心之仁。如仰良父之慈。聖佑垂格。我有所依。依爾輔翼前進。望我日邁月征。愈效爾德。愈肖爾心。今合爾愛。後享爾福。亞孟。

敬功

吾主親訓聖女瑪加利日。每月之首。逢瞻禮六。特宜緬懷我心之諸苦也。當斯日也。爾持此意。卽於勤念補辱誦以外。又能敬領聖體爲妙。意欲補償向領聖體之疎忽。且欲愈愜吾主聖心。非但一己之忽。爾宜補之。且他人之失。亦宜一意償之爲要。

誦句

耶穌聖心。諸聖德功之所從出。矜憐我等。

第二十二日敬愛聖心之功

夫耶穌聖心爲純全諸德之匯。人苟一念及此。已足動其向往之情矣。故以致命聖人之德。較之耶穌聖心之德。似次也。非德也。致命聖人之勇。較之耶穌聖心之勇。似弱也。非勇也。今夫致命之聖骨刑具。吾亦尊敬殊甚。然則耶穌聖心。宜如何敬崇哉。不必論其與天主本性相合。而吾欽敬聖心。無異乎欽崇天主也。則知耶穌聖心。本最爲可敬者。而吾特以敬禮敬之。理所當然焉。夫耶穌聖心。既爲最可敬。而亦爲最可愛者。蓋此心切願救爾。亦因爾之罪。不勝悲痛者。亦脫爾於魔手。甘死於十字架者。亦因無限之愛。而立聖體。以結契爾心者。噫。主心之愛爾如此。惟見可親。而不見可畏矣。爾何不以愛還愛哉。總之此心爲造物者之心。爾宜敬拜之。此心爲贖世者之心。爾又宜愛慕之。敬日摯而愛日增。正吾主所待於汝者也。無日不行敬之之禮。無日不申愛之之情。誠所不

可已者也。然於行時。申時。當合普世善友之功。以愜主心。又當與諸天神。同伸敬愛之文。因彼或在天堂內。或於聖體前。常伸敬愛之情。而不可已也。吾人可祈諸天神。代補吾所不足。昔聖女加辣。每日拜敬聖心。天主欲報其虔誠。賜以非常神樂。聖女日多達。嘗作一經文。以敬聖心。而每日誦之。我友盍亦立志。後欲每日敬愛聖心乎。

且夫敬愛之功。每日特行一次。不以爲足。實宜朝夕習之。朝則於起身時。夕則於安歇時也。倘或家近聖堂。供聖體者。可心向聖體。朝拜吾主。緬想聖心之妙。繼發美意。而向聖心曰。因爾愛我至情。賜我寵恩甚多。吾今以全心感戴爾。以後賴爾助佑。凡知爾所悅者。皆願承行。凡爲吾所寶者。皆願獻爾。且吾願得衆人之心。以全愛爾心也。瑪加利。囑人醒後。卽獻已於至仁之聖心。願以全心全

靈全力全意。爲顯天主榮光。至將寐時。己靈如入至愛之聖心。發倚賴之情。如以神形。禁閉於聖心中也。夫以欲助斯功者。宜得聖心像。以供於室。朝夕跪伏其前。而申敬愛之情也。邪魔深惡耶穌聖心像。故瑪加利當其初也。令修女繪之。魔卽誘多人同起交攻。正如前聖初繪耶穌聖號像。而魔乃多方以阻之。百計以圖之。夫魔鬼之妬恨若此。而善友虔敬誠愛聖心者。必有如此聖心像。俾能隨時觸目驚心。正如人切愛一人。卽願以此人之像。置於目前。以常發愛情。而慰己心也。耶穌嘗謂瑪加利曰。凡人敬余聖心像者。余甚悅之。我願人置此像於眾人供見之地。俾忍心者。見之而動其心也。故虔敬吾心者。亦宜隨處設一聖心像而敬之。果爾。吾將賜以多恩也。今吾友有此聖心像乎。苟其無之。急須覓之。以供於家。朝夕跪拜而敬禮之。以得一家之安吉也。不觀聖心像週圍

畫火光乎。此火光自聖心中發出。以明聖寵之光。聖愛之火。自聖心下降於吾人也。前盜甲基城。大遭地震之慘。欲安靜之而不能。於是多人共題其門曰。耶穌與我偕焉。患其平焉爾。由是大患悉平。安靜如常。今吾人供聖心像於家中。則於魔誘之時。亦可心維默誦曰。聖心與吾偕焉。誘其退焉爾。

祝言

耶穌聖心。諸心中至爲可愛。大彰仁慈。大發優容者。慈父之心也。益友之心也。良伴之心也。仁愛之寶座。救贖之貴器。爲救我釘於苦架者。爲我罪成爲祭牲者。我來矣。俯伏於爾臺前。致謝無窮之愛。奉呈卑微之慫。深恨我向疎忽爾寵。殊奇爾尙垂顧我賤。惟望益加爾仁惠。深知不棄我悔心。幸將我心諸情諸意。諸愛。無不獻爾主之。豈不知我心卑下。不足獻爾至尊。豈不知我愛微淺。不足

向爾至善。是求聖寵臨格。賜我愛爾之愛。至上而無止。至一而無雜。至堅而無遷。與其失爾。願遭萬禍。與其離爾。願絕萬吉已耳。且以就成美舉。仰體爾心。密益加密。吾茲立志。而今而後。虔心敬爾。庶能報爾。屢懷爾德。庶能效爾。恪恭聖體。代補人辱。廣揚聖心。令人愛之。奉之用良法。以竟爾心。盡善功。以契爾心。拜之敬之。望之愛之。自今以後。偕諸神聖。亞孟。

敬功

爾宜師法聖女嘉肋。無日不行敬禮之功也。厥功不論何如俱可。惟行之者。不可懈倦爲要。敬禮諸務。可見於後。誠爲日恭聖心之良法。如爾已進斯會。分宜盡己分務。毫不虧缺。

誦句

代補之
由何在

耶穌聖心。天主之聖居。矜憐我等。

第二十三日代補主辱之功

夫吾主因愛人至極。自天降世。畢生之歲月。盡消磨於救贖之功。故其受難釘死。建立聖體等。種種洪恩。無非欲發人心之至愛。與之結契於無窮也。是可知耶穌所至欲者人心耳。乃人不惟不獻其心。抑且奪人心。壞人心。俾之皆不獻其心也。吾主之恩情若此。人若未嘗被其恩。且如施之以害者然也。吾主愛人之功。莫大乎聖體。然正因此聖事。而受辱更甚也。聖女盎日辣。嘗見吾主在聖體內。吾主景象。宛如受苦流血。而被釘苦架上也。聖女怒焉如擣。噫。世人之負恩如此。主之傷心何如哉。夫聖心愈尊而愈仁。則負恩之罪。亦愈深而愈大也。每見人所犯之罪。若此其重且多。其心彌苦矣。又見聖父將降於罪人之罰。若

此其嚴且久。其心愈苦矣。且是苦也。天神聖人俱不能明。惟吾主聖心自覺之。自明之耳。信友中見主如是傷懷。如是受辱。竟無一人代爲慘傷耶。今吾主如誦達。未之言曰。余心如溺於侮辱中也。余望有分余苦。慰余愛者。然而卒未得也。有人曾見吾主。厥狀甚苦。首戴刺冠。背負苦架。無體不傷。彌身流血。蹙蹙其容。喟然嘆曰。嗚呼。無人惻怛我乎。無人撫慰我乎。汝視之。人罪劇我至此。而莫恤我苦。誠如是乎。善友乎。爾果未傷吾主聖心者乎。即使未傷聖心。猶爲未足也。蓋使有一友焉。爲爾之故。受人之辱。爾將何以報之乎。今蓋以報友者。報此恩主乎。吾主爲爾。舍生流血。贖爾之靈。自稱爲爾之靈友靈配。又自隱於麵形。進爾之心。無非欲慰爾愛。輕爾苦。賜爾恩也。而爾竟叛離之若斯哉。噫。至愛人者。莫如天主。而人所至不愛者。亦莫如天主矣。言念及此。能不撫膺悼嘆乎。今

爾旣明聖心之辱。能不立功以代補人罪乎。蓋敬禮聖心之故。不惟感其降生受死。聖體等恩。然亦代補世人辜恩之罪。特補吾主於聖體中所受之辱也。按此敬禮之意。每日當行善功。加誦經文。又思天朝諸神。見世人如是辱主。莫不哀號慟哭。今吾分任天神之愛可也。最宜勉者。凡誦之於口。亦貴明之於心。懇求天主。深感己心。使悔恨已過。代哭人罪。適符吾人罪過之重。與聖心傷痛之深。然此情也。非可驟而得之。貴能潛心體味以得之。苟有好友愛傷。爾必盡情勸慰。今吾主耶穌。爲爾至愛至親之友。爲人而被如是愛傷。反無情以相慰乎。吾主在山園祈禱時。預見人心之忍。而愛鬱至極。倘主不以全能特佑。則此時必死矣。信友乎。爾心旣願契主。能不分任其痛苦乎。使天主賜爾稍與聖心之痛。則爾能知聖心之抑鬱。若此其甚。亦將常悲主之聖心矣。無意於求人世

之樂。而惟哭世人之罪矣。前聖有言曰。至愛者反不被愛。乃指耶穌至愛至善。而人皆以淡忽待之。以忍心報之也。信友念此。猶能安於心乎。不安於心。不能倍切愛主之情。以補之乎。苟能如是。於主卽爲安慰之緣。於爾卽蒙優錫之源也。蓋吾主前命瑪加利立聖心瞻禮。已謂之曰。吾今許爾。凡人代補吾辱。撫慰吾心者。吾將盛賜以聖寵神恩也。夫天主之恩寵。自聖心中流及於忍人者。大而且多。無日不見。則凡代補人罪。以慰聖心者。吾主將何以報之哉。蓋彼雖不能散流其血。以滅人罪。然而增其敬慕。懇求主宥者。亦令吾主忘其所受之辱也。則吾主必將賜以厚報無疑也。

祝言

救世耶穌可敬可愛之聖心。我跪於此。伏拜於爾臺前。籲求恕我。自生至今。所

犯諸罪。又求救人。時時處處。致辱於爾。爾心惟愛。我心乃忍。爾愛成犧。我忍無報。前繫於苦架上。今隱於聖體內。聖愛常燃。在彼屢遭譏誚。在此滿其凌辱。時常無間。爾心恒流諸恩。而我漠然不愛。爾心時設真慰。而我他往覓安。垂憐我而我麾之。隱召我而我去之。嗚呼。吾如是剛愎。吾如是淡漠。何如劇苦爾心。何如凌辱爾愛哉。嗚呼。吾真侮爾聖愛矣。我今自訟自呈。告我大罪也。因爾慈惻無既。雖至今尙忍我。因爾寬容無限。雖仇人仍不棄。懇懇求爾。矜赦我罪。俯鑒我淚。垂聽我歎。是淚是歎。申達於爾聖心。哀求矜赦我罪。恨不得我心如灰。能消我眾愆。我泣如雨。能滌人萬惡。嗚呼聖心。誠爲可愛。而我絕少誠愛之心。將何以補爾。我不知之。求爾啟之。啟之又加聖寵。使我力能從心。全心全力。事爾愛爾。贖我罪。補人愆。同心協力。致悅於爾聖心。亞孟。

敬功

昔日聖女瑪加利與祭時。殊覺聖情。切願虔恭。吾主苦難。吾主慨然申囑。每逢瞻禮六。晝夜數次。來欽拜懸釘之主。蓋此苦架聖木。誠爲主慈之寶座也。卽宜謙抑伏拜座下。敬借聖母傍架之慘情。偕夫聖子之苦難。同獻聖父。用求忍心罪人歸化。負恩惡輩歸正也。夫於生時。謹於此者。卽於終時。必蒙特佑。吾主許之。

誦句

耶穌聖心。罪人之補贖。矜憐我等。

第二十四日領拜聖體之功

論恭敬聖心之本意。卽以報聖體之宏恩。與補聖體所受之辱也。故於解罪後。

領聖
之功

則當善備以領聖體。以符敬禮之本意。其次則莫如乘暇以拜聖體也。今試以是二者分論於後。一論領聖體。夫耶穌立聖體聖事。本欲人心結合其心也。故領之者。卽合其聖意焉。倘能善備以領之。則愈領而愈相契。愈能蒙主特恩。可如前聖若望倚於吾主懷中。透達聖心中之寶藏矣。昔聖女日多達一日領聖體後。跪在苦像前。見吾主肋傷中發一光耀。卽覺深感己心。諸情勃發。吾主顯此靈奇。欲聖女知善領聖體者。聖心必感化其心也。信友乎。今而後。屢領聖體可也。一。因吾主切願與汝相契。故屢領之以副其願。一。因吾主以其性體全付於人。此恩之大。俱不能報。惟有善領聖體。爰獻其體。以謝其恩而已。一。因教友領聖體時。多慢忽不恭。故汝增切愛。而屢領之。宜也。一。因每次領聖體。能增愛主之情。故屢領之。尤爲至要也。撒落滿曰。人未有藏火於心。而不受其焚者。夫

聖體仁愛之火焰也。豈有領於心而不熱其心者乎。昔聖多明我會中。有一修女。名依搦斯。一日領聖體時。見聖體之形如火。領後如焚灼厥心。終日甚喜。凡諸世情。皆不覺也。聖女盎日辣曰。若人審思聖體之恩。雖心冷如冰者。猶將化冰爲火也。然則吾何不熟思其恩。而勤領聖體乎。領之而得與耶穌契合。如成一體。寵恩日倍。私慾漸除。積習漸消。諸德可修。常生可得。萬美之源。可常存吾心也。故善領聖體者。能如聖女德罷濟。喟然嘆曰。諸福已全備矣。所惜者。惟人踈忽以領聖體。乃自失此無比之恩也。在昔聖教初興。信友日領聖體。彼等信德堅強。遠勝於今日也。而究其故。則以久不領主。與輕於領主之弊也。然則。何不勤於領主。善備領主。而得與主心相契乎。耶穌嘗顯現於瑪加利曰。余切願於聖體中。受人敬愛。然而甚難得也。信友乎。勿復忍心。既欲契主心。毋轉傷吾

主之心也。則勤領聖體貴焉。善領聖體貴焉。爾至今之未得洪恩者。無他。因爾心依戀世物。而不繫戀吾主也。吾主雖欲藏爾於心。而汝竟甘處於外也。聖經云。凡生於吾者。結實甚多。今爾既若是疎遠吾主。安能得諸功哉。惟先將世事物。全棄於心。而存堅信切賴之心。屢領耶穌聖體。卽能結實甚多矣。夫屢領聖體。以敬聖心。此固耶穌親命於瑪加利者也。瑪加利奉神師之命。自述所見云。吾見耶穌聖心。如在火窰中。示吾莫明之奇事。莫測之愛情。然其受之於人者。惟辜恩耳。忘情耳。故命吾代補人罪。而補之之法。卽奉神師之命。而屢領聖體也。他日。吾主又謂之曰。每知聖父義怒已震。而將罰斯世罪人。爾卽應領聖體。獻我於我聖父。庶息上主威怒。而激發上慈矜憐之心。今夫愛敬聖心者。至少於每月首瞻禮六。宜虔領聖體。因此亦聖女之遺表也。蓋耶穌既命其勤領

聖體。又囑其於此日領之也。二論拜聖體。夫耶穌聖心。今在聖體中。與建定聖體時。同此愛也。人非木石。能不於祭臺前。稍抒其愛情乎。然而今之教友。類皆不盡此責也。竟有家近聖堂。虛擲數旬。而未嘗念及耶穌爲榮光之皇。今在祭臺。願人晉謁。兩相結契者。人或責其忘恩負義。則每辭以俗務。無暇往拜。然其多時遨遊戲謔。而不自惜也。甚而屢經聖堂。終不入堂叩拜。先哲有言曰。凡過好友之家。須入門道候。由是思之。過天主聖殿。不當入而叩拜乎。信友乎。爾尙虔敬聖心。則入堂屢拜聖心。倍切愛敬。而代補人罪。宜也。倘俗務過多。或抱病在身。不克入堂。則惟神交聖體。與聖心道衷情。通欵曲。或懇護守天神。代往拜主。聊申思慕之情。亦可。爾苟行此。必覺恬愉矣。昔聖波日亞於聖體前。如與耶穌聖心相印。一若目覩其聖容者。聖沙勿畧艱苦備嘗之後。每於聖體前。復得

其神形之健。倘於日中無暇。則於夜間住堂。主前祈禱。使爾亦具此聖人之心。天主將賜爾此聖人之恩。卽可知在世至大之樂。乃在久居聖堂中。親炙耶穌。更無他樂可以比之也。昔瑪加利得此聖寵。自云倘能恒居於聖體前。日夜不離。是所至願也。又有修女每乘暇時。入堂祈主。不得已而出堂。則其心仍與聖心相結。同閉於聖體龕中也。書所謂念茲在茲。釋茲在茲。允出之在茲者。其此之謂歟。夫拜聖體之功。實爲得寵之源。是以此賢女。凡遇艱難。卽往拜聖體云。吾往求佑也。又一大德之士。一生多遭艱阻。每自言曰。我遭多艱。往與聖體相謀。而乃得所謀矣。聖筮彌揚。稱耶穌聖心。爲上天之寶藏。蓋以諸窘難之扶佑。胥在於此矣。今信友中。敬愛聖心者。莫不得此實驗。而於倍深敬愛。往拜聖體。代補人罪者。則得聖心之恩寵。爲愈多也。

祝言

吾主臨格。我幸奚如。萬福萬寵。望俯臨於吾。且望其手撫我創。撫而療之。望其目鑒我困。鑒而憐之。望其口語我心。語而慰之。望其耳聞我聲。聞而安之。望其靈合我靈。合而聖之。望其悟照我悟。照而明之。望其記增我記。增而堅之。望其欲薰我欲。薰而焚之。蓋以吾主誠降誠臨。我已知之無疑。且其降者何心。何情。我亦知之無感。其臨之何緣。何意。我更知之甚明。然則我望爾仁爾愛。而我望不可不切。且望爾寵爾惠。而我望不可不恒。嗚呼我愛矣。可奇之愛矣。真誠而純全之愛矣。我貧我賤。無名可名。而爾尙肯臨之。合之。是爾仁莫可名言。而我望豈有限量乎哉。

敬功

得沾聖
心之惠

夫領聖體之神效。貴乎前後之聖功也。前則熱心預備。後則誠情感謝。故聖女達肋撒云。吾主在人心。人皆未能善用此時。上賓方來。而我神紛心馳騫。鮮效之緣。此其一耳。然則爾不但須屢領聖體。必當誠心預備。誠心後謝爲要。又當立志。屢次往拜聖體。當拜之時。特意恪恭聖心。求鑒微誠。代補人愆。

誦句

耶穌聖心。常活之犧牲。矜憐我等。

第二十五日契合聖心之功

夫耶穌聖心之所以受造者。用以受天主之鍾愛。而應發愛主之真情也。是以聖心之一情。較之諸神諸聖。永遠所發之愛。愈足以顯天主。何也。因此心。以天主之聖爲聖。而卽爲無窮之聖。故諸聖人之心。雖充盈聖寵聖德。及諸超性之

恩者。一較諸聖心之富裕。而如無有矣。人心中所稱聖善者。一擬諸聖心之高妙。而如不見爲聖善矣。且善友之靈魂。每日得諸殊恩。皆由聖心中來也。今彼既知之。卽知與聖心相契。爲至靈驗之法。可得聖心之惠。是以其心。常與聖心相契。念念不忘。聖女日多達。謂耶穌聖心。全備萬惠者。聖女未底達。謂己所受於聖心之恩。若欲統記之。雖一卷書。亦不能載。又云天主依各人之量。賜以聖寵。時時不絕。此皆聖心之餘澤也。瑪加利謂吾主以聖寵之庫。藏諸心內。敬之者。能得非常之神效。余欲傳之於普世。而苦於力不從心也。聖女方濟加。一日見吾主之心。若已透傷。又聞連聲呼曰。凡渴者來吾前。求飲可也。昔聖若望。謂聖女日多達曰。諸真福之寶藏。全蘊於耶穌聖心中。然則吾儕信友。何不以己心。仰契聖心。而一情一願。一呼一吸。無不相爲貫通乎。噫。苟能如是。則天主與

神聖。將若何喜悅哉。何也。以聖父目中。惟以聖子之心爲至重。是以人能契合此聖心。肖似此聖心者。亦爲其所至樂矣。夫與耶穌相契之職。本屬諸信友之公分。蓋按聖教定論。吾人見寵於聖父。惟因其聖子之功。是以聖玻日亞云。以一己之言行。附於吾主之言行。乃可望取於聖父焉。夫諸信友。旣當如是。則於特愛特敬聖心者。不更求備乎。汝爲信友。豈無所愛。無所求。無所窘迫者乎。然必愛於吾主所愛。吾主所求。及吾主之苦。乃可耳。近有賢士。名步堂。傳曰。凡於禱時。卽於天主之外。無所營求。無所戀愛。凡行事。凡忍苦。惟爲天主聖榮。惟以之契合聖心而已。耶斯貝。又云。爾所求者。惟因聖心求主。爾所爲者。亦因聖心獻主。蓋此聖心也。卽爲諸聖寵之寶藏。眾神恩之府庫。且爲吾人就近天主之所從入。亦卽天主下降吾人之所由來也。

夫以契合聖心之功。卽獲大益。而諸益之中。莫如用以補不足。藉濟神靈之窮乏耳。聖女日多達承耶穌親訓。專於此功。一日聖女祈禱時。心多紛馳。不能自禁。因而懷悶。耶穌卽顯露其聖心。以示聖女曰。此心爲天主聖三之真樂。吾今交付於汝。汝可藉此以補不足。嗣後吾心將代償爾愆矣。撥樂創賢士按此意。作一經文。其詞曰。在天聖父。吾今將爾聖子之切愛。熱願全獻於爾。以補吾心之寒苦冷淡。又瑪加利習用此法。嘗謂一修女曰。汝每犯一過。卽當發謙下之情。繼將聖心一德。正爾所犯之德。獻於聖父。以補其過。凡誦經時。馳思外務。難想善意。卽以耶穌聖心。所發之情。盡獻於聖父。代補爾缺。昔有哲士德邦忒者。旣閱聖人手書。藉知以聖心之功。代補己過之法。卽定志常行。終身不倦。吾願諸信友。亦效之而行也。再者吾心苟常與聖心相契。則吾心之未能盡美者。可

求聖心。洗滌而成就之也。撥樂削之遺訓云。將爾諸善功。獻於耶穌至慈至聖之心。繼賴吾主之心。修歸爾之言行。因此聖心。至仁至愛。常願補爾之不足也。瑪加利傳。可見聖女所定之志。皆以契合聖心。俾之滌其污。全其缺已耳。彼云。余將以祈禱之功。附於耶穌代祈之功。又將所誦之日課。合於聖心。同頌聖父。凡行何功。凡遇何苦。吾將潛進聖心。詳察聖心之意願。持循不失。偕行偕受。常求助佑焉。每事畢後。卽獻於聖心。求其代補吾缺。卽於禱畢後亦然。倘不幸而有過。先自悔改。後將聖心之一德。獻於聖父。以補吾罪。以償我債焉。每日至晚。卽將終日之功。納之聖心之中。求滌其疵。求補其缺。每日如之。卽所謂締合聖心之功也。昔於大法國。有賢士精於文者。作文爲符。吾主苦難。厥意如下。

祝言

吾主天主。我誠心契合於爾聖子耶穌。蓋其愛苦方深。代我孱弱之靈。獻爾園中祈禱。心始怖怯愛甚。求爾免飲苦爵。我今同心同聲。偕之跪伏曰。我主我父。倘可免于飲斯爵。請諾。第請勿如子願也。我以斯爵之苦味。調於爾子所飲。蓋爾賜我斯苦。無非欲我肖爾聖子也。然欲我飲之。必加神力。或神力不加。則必免之。是所望。是所求。因爾聖子耶穌。救我神靈。吾主耶穌。本係仁慈之聖名。恩寵之聖號也。我今契合於爾山園祈禱。於爾徧體汗血。於爾怖怯愛鬱。於爾愛甚至死。又契於爾聖靈之屈抑。聖軀之劇苦。聖父之捨去。厥徒之背負。又合於爾震怖聖父之義怒。剋攻邪魔之敵壘。偃仆中。勝服諸仇之強敵。屈抑中。致得萬物之敬拜。終之我合於爾自負之苦架。與所加人之煩苦。伏祈矜憐罪人。特憐我罪人之首也。且懇慰我化我。使我能距諸惡。得衣爾衣。亞孟。

敬功

日奉已行於主。非但善功。且爲嚴分。蓋主賜我一生。第爲奉之事之而已。然欲愈加其功。宜因聖心奉之約曰。吾主天主。我將諸行諸爲。合於耶穌聖心之功。勤。聖母聖人之勳業。共奉於爾。以附普世之諸善。以違古今之萬惡。

誦句

耶穌聖心。堅強靈魂之孱弱。矜憐我等。

第二十六日信托聖心之功

古今後世。無一人能如耶穌之仁愛。故其所受之苦。亦無人可比擬也。試思吾主在世。行無數聖蹟。以救人之困。固人之心。至於山園祈禱時。憂鬱幾死。且既死後爲愛人之故。尙被肋膀之傷。全傾聖血。涓滴不存。今雖升天享福。仍留五

此功有
何緣由

傷以示聖心。常爲人啟。代人求主也。噫。世人之居高位。而秉性良善者。則人於愛苦中。猶將望其撫慰。況耶蘇聖心。至能無比。至善無比者耶。則人當如何信托耶。世入之心。皆隨機而變。爾當榮耀而愛之者。爾當困厄而卽棄之矣。耶蘇聖心。則不然也。輕世金書云。當眾人棄爾之時。獨吾主不棄。故信愛之。宜也。亦理也。耶斯貝亦云。倘人心皆若禁閉。汝勿愛懼。因耶蘇聖心。終不絕爾也。聖伯納鐸。將己愁慮之端。盡托於聖心。夫如此依賴之情。深感主心。故吾主必將賜恩焉。吾主嘗謂聖女日多達云。凡人安心恃我者。猶如透傷吾心。致吾憐焉。聖文多辣曰。凡我所需。皆將哀告聖心。而卽可得矣。

今以信托之情。而就耶蘇聖心者。何時何事而最爲要務乎。曰。回憶往罪之時也。魔誘急迫之時也。困鬱窘抑之時也。時而難覺安心也。卽潛入耶蘇聖心。慟

何時何
事爲要

哭流淚。結於耶穌在世恤人之痛悼。合於聖心在天代求之哀聲也。如此乃可望挽回主怒矣。蓋使聖心未嘗先吾而恨罪。則吾雖悔罪。亦屬徒然。使聖心未嘗補吾不足。則吾雖慘傷。亦復何益乎。昔有賢士云。耶穌聖心。常開不閉。許人入內。與之悲懇。求主垂慈赦罪。拯救爾靈也。又有一賢云。敬禮聖心之功。爲欲真心悔過者之要務。因此聖心中。能得悔罪之真情。改遷之神力也。備有藏身之地。固守之區也。且獲至大之安慰。至樂之歇息也。又賢撥樂削云。耶穌聖心。爲被誘及遇難者之護衛。由此觀之。吾友凡受邪魔之誘。卽當神馳聖心。既至於此。可免邪魔之追迫。世俗之緣引矣。因魔亦知耶穌聖心。恨罪至極。護人至廣。故凡依賴聖心者。魔畏之甚。而無所施其計也。雖其誘之不休。要惟遠聽其咀唔而已。何患其能害已哉。瑪加利故云。令吾一無所懼者。耶穌聖心也。且非

惟魔誘中爲然也。卽於諸患難中。仰仗聖心。而得庇佑。哀籲聖心。而獲平康也。耶穌常若呼喚曰。爾曹被神形之難者。俱來吾前。我將慰爾也。旨哉斯言。何其仁哉。吁。耶穌旣深情以恤爾。伸手以援爾。如執腕以拭爾淚矣。爾猶將狎昵朋儕。貪求世樂乎。思之思之。耶穌聖心。越諸良友之心。而以全能扶爾。至愛招爾。至忠至信以約爾永福也。凡依恃吾主者。各得所願矣。若然。則不必問爾之擾於心者何事。鬱於心者何故。惟當以耶穌聖心。爲恩澤之源。而求之耳。耶斯貝云。倘欲成汝意願。顯爾功勳。則惟安居於聖心。如鵲之有巢。安居而不舍也。倘欲收斂己心。則聖心如野雀之居。可避塵世之囂也。倘欲悲傷涕泣。則可於聖心中慟哭。如鳩之居巢。而哀鳴也。爾或迫飢於義。苦渴於心。則在聖心中。可得瑪納之味。莫罄甘飴。活水之泉。潤澤無間也。瑪加利於諸危機中。必求慰於聖

心曰。聖心既爲我有矣。尙虧何物哉。吾既在聖心中矣。尙有何人能害我哉。可知萬般苦楚。一入聖心中。卽消融於聖愛。苦易爲甘矣。

祝言

我靈之救。吾主耶穌。我將一生之罪。擲於慈仁之淵。卽爾之心中也。我罪甚大。甚重矣。然而誠心悔之。定志改之。卽因爾聖心。可消滅吾諸罪矣。蓋爾心早已深切悔之。而以爾之苦泣痛息。已得上義赦之矣。爾心也。固爲至威至嚴上主之心。而我罪已招厥怒。已膺厥罰矣。然而此心亦爲耶穌之心。慈父之心。不棄歸化之人。悔愆之子。苦架上顯鬪一傷。示我以衛且慰之所。不使人無可如何。而至於失望也。然則因爾聖心之故。爾將必惠於我。我乃極大罪人。而今定志不復犯矣。已往之罪。屢辱爾聖心。而後必責己身。以稍慰爾心之愛耳。至今雖

忍心。而今後必忠心矣。憶爾本能墮我而反欲救我。我本畏爾。而我愛大於我畏也。無如形負多凶。靈纏僻累。從善如登。從惡如流。本欲負爾聖架。而困苦之狀。足驚我心。本欲誠心愛爾。而多端之阻。不能如願。嗚呼我心。何時能密結爾心。不復離爾。何時能勝敗諸敵。全靈就爾。聖心乎。爾真合於全能者。我所須於爾全慈。爾能賜之。聖心乎。爾真滿於仁情者。我所患之險阻。爾能恤之。然則我託爾。而無所畏。我求爾。而無所慮矣。我罪雖多。何敢以失望自棄乎。爾恩誠大。何敢以中道自廢乎。今懇如我所望。降仁慈於我等。我藉主永不負屈矣。

敬功

昔日聖女日多達。深覺種種逆害。申達吾主。吾主令渠休憩於己。聖心曰。在茲乃安。乃息。無憂逐之追之。而或遠離此所。心鬱重作。吾如是囑爾。蓋有能而爲

慰者。惟我已耳。信友乎。盍從此訓。卽凡猶豫不決。或心煩悶。或神苦鬱者。速宜
奔赴耶穌聖心。如子赴於慈父。如朋奔於良友。求彼爲光爲衛爲慰。終不許爾
他往。竟安得慰耳。

誦句

耶穌聖心。共求者之廣濟。矜憐我等。

第二十七日勃發衷情之功

今夫信友中誠愛耶穌者。不待患難當前。而始念及聖心也。雖機務紛乘。仍能
多次以神上騰。洽於耶穌至聖之心。歡然相語也。試觀世之人。於蒼茫之候。突
來好友。豈有淡然處之。而無一語者乎。茲所求於吾友者。非他。卽以平日之所
待友者。以待吾主也。蓋耶穌聖心。時時愛汝佑汝。雖惡不棄。則爾心愛之。亦宜

無時或忘也。惟能不忘。而抒以心情。則益善矣。故以前聖之經文數節。述之於後。隨人自擇。而恒誦之可也。聖伯納鐸嘗曰。吁可愛之耶穌兮。爾心爲充足之寶藏。吾願得之。而以我所有。盡獻於爾。又曰。吁。上皇之心兮。我今罄情拜爾。又曰。噫。耶穌乎。求爾賜吾聖寵。常使吾心。締爾聖心。聖撒肋斯云。吾主耶穌。爾心何其盡善可愛哉。吾願永居於此。又云。吾願耶穌之心。永遠活於吾心。而變爲吾心也。聖女日多達曰。吁。耶穌乎。爾爲吾愛。爾爲吾主也。爾之外。吾無所愛矣。今托庇於爾聖心之蔭下。使吾生於爾心。又曰。吾主吾天主兮。藉爾聖心。吾欽崇爾。吾讚誦爾。又曰。吁。至愛之天主乎。人心契合爾心。而不克分離也。何其福哉。又曰。吁。耶穌乎。爾爲吾至飴之望也。爾心既愛我。而被傷矣。吾願靈魂一離肉身。卽奔赴爾心衛下。蘇索納聖人云。吁。至仁哉耶穌兮。求爾變化吾心。似爾

勃發衷
情之道

聖心。又云。噫。吾可愛被釘之主兮。因爾苦難之功。懇賜吾心。契合爾心。使爾慨然眷顧。又云。吁。吾耶穌兮。望爾以至愛之心。激發吾情。閃爍吾靈。且仿先知之言而曰。天主我心之主也。吾望爾心永爲吾有。又曰。吾願吾主聖心。永爲讚頌。亞孟。又曰。吁。至尊之心兮。爾將永王於諸人心中。又仿宗徒之言而曰。余望在世。更無一事。引吾不愛耶穌聖心者。又曰。吾願速死。俾能與耶穌同居。而永契其心。又曰。願耶穌聖心。榮耀於世世。亞孟。

夫所謂日中緬懷聖心者。不必勞神過慮。勉行聖功也。惟日中屢次。勃發愛慕之情。已足矣。又不必多誦經文。惟日中多次。默念一二誦句而已。至誦之久而成爲自然。非惟日中不忘。卽夜間醒後。亦自然念及之矣。人旣至此。則時時能敬聖心。時時常在樂境中矣。昔耶穌聖心顯見於瑪加利光明愈日。四圍有上

品天神。環繞謳歌。且謂聖女曰。吾儕來此。欲與汝愛敬聖心。讚頌聖心也。聖女聞之。卽知行此聖功。可得恩寵之寶藏。嗣後時時事。無有他圖。惟思所以愛敬聖心矣。又謂其相知者曰。至少一日三次。懷念聖心。一在清晨。所以伸敬拜之情。一在午時。所以發仰慕之情。一在晚間。所以明感佩之情。或遇憂患。則當自謂曰。吾旣得耶穌之心。耶穌之愛。尙何憂乎。或遭痛苦。則又自謂曰。今宜甘忍受之。此係耶穌聖心所加之苦。欲吾遇苦。而更輕棄世物。契合吾主也。凡行克己辭樂之功。卽向耶穌曰。吾主聖心乎。吾今舍棄此樂。因子愛爾也。每犯一過。亦向主曰。吾惟一所愛之主。求爾補吾乍犯之過。夫欲隨時憶念聖心。可法熱友數人。於平日所居之地。或日中屢過之所。置一聖心像。俾望見之而思慕也。耶斯貝之遺訓亦然。吾友。其遵行之可也。又賢女每見一聖心像。或畫者。或

繡者。卽神馳於吾主念及其聖心矣。於是生平所最樂爲者。卽繡聖心像。繞以火光。爲記耶。蘇熱愛如火也。耶斯貝且曰。宜以口親聖心像。倍切虔誠。宛如耶蘇親自顯見。命我親其聖心然。於是潛入聖心。以心體心。探究其嗜好。尋思其恩德。總之聖心之盡善盡美。皆貴引入於吾心也。且有賢士亦以聖心聖牌。贈於信友。命其以口親之。日中數次亦以懸於胸前。而隨時隨事。激發心情。此亦一良法也。

祝言

萬德之滿兮。厥聖無窮。生斯世。誰能洞徹爾心之妙乎。萬福之備兮。厥美無限。冥頑中。何能洞燭爾心之奧乎。愈揣之。愈覺不知。彌推之。彌覺不能。然則我認爾心之珍美。真超越乎我明之德矣。愕且喜之。卽合上天諸神。常奏新歌。我伏

於爾臺前。稱頌拜颺。然而崇巍如是。全福全德。下愛世人。以致取人性。立聖體之妙功也。豈非驚喜之至。邁越神人之推測。嗚呼吾主。每憶乎救贖之功。不禁呼曰。善哉良哉。耶穌聖心乎。爾爲萬惠之源也。每念夫聖體之美。不勝哀曰。仁矣慈矣。耶穌聖心乎。爾爲人性之友也。聖人簡爾爲純愛之正鵠。宜也。罪人謂爾爲己罪之補贖。宜也。義者稱爾爲恒心之真保。宜也。弱者認爾爲孱弱之扶助。宜也。眾人呼爾爲上升之救援。宜也。人之不愛爾者。何能有之。有而尙得活者。何可忍之乎。我借聖保祿所言。責己責人曰。若有不愛吾主耶穌者。是該棄之絕之。

敬功

夫善功中。莫如彷彿聖類。思向聖心而亟發衷情矣。是誠得愛聖心之捷徑也。

聖女瑪加利傳記。天神亦來諧務。同欽同愛耶穌聖心。時而無間。誠而無倦也。按此聖意。爾亦能請諸位天神。協力稱揚聖心妙情。以熱愛補爾之淡。以常心補爾之缺。更請本身之護守天神。同心同聲。敬頌耶穌聖心。且請他人之護守天神。囑諭本靈同愛耶穌聖心。

誦句

耶穌聖心。罪僕之調和。矜憐我等。

第二十八日傳揚敬禮之功

夫敬禮聖心之功。正如聖經所諭之芥種也。厥始正如是種。眇甚微甚。迨其長也。越諸蔬。成幹植。以棲戾天禽也。蓋善友常求天主。賜人敬愛聖心。又求教宗准行敬禮。以激勵人心。是以此功之行於普世也甚速。而瑪加利證其神師之

言於此有驗矣。天主欲顯此功。專賴己能。不依人力。故當惡人多阻。信友甚淡之時。天主昭然顯揚之矣。乃爾於今茲。已蒙破格之恩。已知聖心之妙而敬禮之。然爾誠敬聖心。尤當勸人共行。以裨其靈也。蓋聖奧斯定有言曰。人無救人之願者。其愛主之心亦偽矣。蓋凡愛一人。必欲顯揚厥榮。耶穌聖心之榮。亦卽在世人之敬愛也。則愛聖心者。能不引人共愛聖心乎。瑪加利愛耶穌聖心至極。故其在世時無有他樂。惟見人敬慕聖心。則樂甚矣。嘗謂一同志者曰。吾覺吾心不能復有他樂。惟知耶穌聖心之榮。日顯一日。而吾心之樂。莫可明言矣。又謂一修女曰。倘爾不爲聖心之友。則亦不得爲吾友矣。且也。旣請神師之命。聖女在主前發願。凡能行之功。能忍之苦。皆將行之忍之。獻於天主。求主賜人認識聖心。愛慕聖心。顯揚聖心也。夫高朗篇大德之士也。天主簡以爲瑪加利

之神師相助以播揚敬禮聖心之功。其心亦熱愛非常。人若見其手書。卽知其切願顯揚聖心。而於大法國。大英國。廣衍新功也。彼一日祈主曰。吾主。吾天主。吾願往普天下。傳揚爾所命者也。吾友倘能彷彿於茲善表。天主必將重報。因吾主已親許於瑪加利。曰。非徒愛吾聖心者。吾將賜以多恩。卽引人愛吾聖心者。吾亦將賜以厚澤也。聖女卽曰。天主備一恩寵之庫。以報傳揚聖心者。厥名印於聖心。永不滅耳。故使吾友行此善功。卽得此寶庫矣。己名永印於聖心矣。而亦且得承天主聖旨也。蓋其傳揚之功。天主所至願者也。往事可觀。卽可知矣。當百年以前。羅瑪有一初學修士。名帥肋定。病重將危。人力莫救。於是求佑於聖類思。聖人降見曰。天主將愈爾病。令爾一生懋修功德。傳揚耶穌。聖心於普世。因此敬禮之功。至愜天主聖意也。病者許行。厥病遽爾痊矣。

若問何由而傳聖心乎。吾曰。有士嘗立會著書以敬聖心。又有將聖心聖牌分於諸友。聖牌上著明聖心之德。令人見而效之。今吾友苟不能法此善表。則必能行化導與祈求之二德也。一。乃化導他人也。但啟口之先。當觀斯人之性情如何。位置如何。以施教誨。不得慢施講勸。致人厭憎。是以勸之則可。命之則不可。譬之爲父者。詳訓兒女。善導奴隸。朋友乃可忠告。彼此責善也。嗟夫。人務俗事。才智者不少。若吾主聖心。至可愛。又至愛人者也。豈勸人愛之敬之。而反謂無才智乎。二。祈求天主聖父。賜人認識聖心。祈求天主聖神。賜人敬愛聖心。又求護守天神。啟迪世人。恭拜聖心。夫此求主之意。非他。卽求主賜寵於人。令人不復辜恩負義。又使聖心仁愛之火。降鑠於眾心也。易哉斯法。無人不能。至易而效極神。無事不得。昔有修士化人甚多。有問之者曰。何故而如此神驗。答曰。

吾勸人一語。求主百語故耳。抑或以爾無功。求之恐有不得。則因聖心而求。終未嘗無驗也。昔有賢女於加那大地立院者。一夕懇求天主聖父。付托救人大務。求之懇懇。仍知無效。自謙自苦。且謙益加謙。苦益加苦。惟望愜悅聖旨。不知何法中之。可得垂允已禱。維時聞聲曰。因吾聖子至愛聖心求之。我乃動聽。慨然俯允。自此以後。賢女常以此意。作爲日課經。於是翁受天主之恩寵。莫可名言。其文設見於左。

祝言

吾主耶穌。我之道。我之實。我之性命也。今因吾主聖心而就天主聖父。因此聖心而代未敬未愛者。敬之愛之。因此聖心而代未識未認者。識之認之。嗚呼。皇皇聖父。我願因此聖心。代盡眾人之分。代償眾人之債。是以神遊率土。遍求聖

血所贖之眾靈。竟之懷之。因聖子獻爾。因聖子求爾。使眾棄邪歸正。識認吾主耶。蘇。聖父乎。聖父乎。爾聖子非爲斯靈而死乎。何忍斯靈非爲爾聖子而活乎。噫。斯靈尙未活矣。天主乎。不賜之在耶。蘇。聖心。得己性命乎。吁。降生天主。至愛耶。蘇。兮。我所求聖父者。聖子已知之矣。蓋聖子在聖父。適如聖父在聖子。則我求於聖父。無非求於聖子也。今我愛惜眾人。咸獻於爾。求爾垂憐斯靈。賜之契合於爾。永不相離。亞孟。

敬功

按其所能使人知愛耶。蘇。聖心者。或發聖心聖書。或傳聖心聖論。或頒聖心聖牌。或施聖心聖像。俱可。惡人千方百計。傳衍邪情。虔恭聖心之人。獨不如惡人者乎。

居聖心
而度生

誦句

耶穌聖心。恭敬者之靈佑。矜憐我等。

第二十九日潛居聖心之功

今夫人專圖世事。而不務靈修者。俱不解生於聖心中之何謂矣。吾今爲不解此言者。先求主啟其悟動其心。繼以數語解之曰。夫所謂生於聖心者。卽如前聖人。聖奧斯定。聖文多辣等。居於吾主聖傷中也。蓋有聖人而居於耶穌聖心。其意亦惟一趨也。聖女日多達。向吾主曰。吾主吾在爾心中。得非常之神樂。而此外無他樂矣。聖伯納多。求主挈己全納於聖心中。洗滌其罪。俾得永居於內。卽曰。噫。美妙無比。至可愛之耶穌乎。求爾滌吾罪。恕我愆。而使吾心契合爾心。常居爾聖心也。蓋爾肋之所以受傷者。本以顯示爾心。而爾之所以顯示此心。

傷者。惟欲納吾於此也。昔聖撒肋斯在世。終生居於耶穌聖心。雖機務紛乘。仍安然不亂也。故嘗寄書於一友曰。爾身何在。吾固不知。但望爾與我之靈。常居耶穌聖心中。如鳥之居於巢也。蓋慈惠者。莫若耶穌聖心也。吾其安居此聖室已耳。然則敬愛聖心者。誠當法前聖之居於聖心而生於斯。長於斯。所言所行。皆合聖心之聖意也。耶斯貝曰。世間無他處更穩更樂者。如耶穌聖心矣。因此心實爲安息之所。如諾厄舟中之一牖。居於此可免沉溺也。賢人曰。吾主無限仁慈。賜人恩寵。許人永福。又擢人爲其肢體。則吾儕自不能離其聖心矣。蓋按聖保祿宗徒之言。吾人皆爲耶穌神體之一支。故其聖心。卽當爲吾心之心。吾生之本。賢女格來孟居於聖心中。得無窮之樂。故謂相知者曰。吾所居之室。在耶穌聖心傷中。瑪加利嘗聞吾主親諭曰。倘爾居吾心中。能保潔德。永久不失。

於是聖女致書於神師曰。自聆吾主親諭後。我未嘗離主聖心。覺吾心之感發。奇妙難言也。所能言者。索居其內。如居愛火之窩。又賢女亞末肋。謂其相知者曰。倘欲得吾。勿往他處求之。當在耶穌聖心中求之。因吾日夜不離於此。以此爲避敵之區也。夫各托納城。有聖女。深悔己罪。翕受主恩。有一日。吾主顯現有被釘者之狀。爰啟聖肋之傷。與見聖心之形。聖女望之。勃發炎熱之情。以心體心。維時厥靈恍如潛入聖心內府。而自此以後。未嘗非安居聖心以度性命。夫各樂納氏。有賢女。曾在羅馬立院。專務修成立極。渠曾訴心曰。吾神既靜。卽覺升於吾主。肋傷之內。由是冉冉入於聖心內府。得知聖心聖愛。彌而純清。無可名言。維時亦見己靈。似如沉於聖心中。自覺安居聖心。如居至高之所也。夫世之人。生爲何如。則死亦何如。倘平生既居於聖心萬德之所。豈難望死時。

亦在於此乎。况吾主聖心。常施恩於敬之之人。豈死候急需之寵。而聖心反若
愒置而不顧乎。瑪加利曰。夫納此聖心而得其護衛者。莫如臨終時爲然。又曰。
死候審判吾者。吾恩主耶穌也。吾生時既愛其聖心矣。則至死候猶何畏乎。故
其終時謂旁人曰。吾因聖心之愛。向望升天國。而今正在其時矣。時有院長慰
之。聖女對曰。吾無他求。惟願得天主而已。惟願主藏吾於聖心中而已。夫賢士
撥樂削既論耶穌聖心。卒曰。永福之飴。惟此聖心所蘊。慈哉甘哉。吾主聖心。當
死之候。我望其爲我救我慰。而於死後亦望爲我永息之所。又賢士彼拉明將
死時。以己永定之案。盡托於耶穌聖心。聖女默的達。一日求主。賜其在升天之
數中。耶穌卽降現。親允其求。且以聖心爲仁愛之憑。許約之據。諭以爲己平生
之根據。特爲死時之托衛。自此以後。聖女篤愛聖心彌甚。迨其臨終。得聞吾主

請升之慶。其靈卽在聖心。上升天國矣。

祝言

吾主耶穌。顯示爾之聖心。招我居之。我悅何如。我吉何如哉。今從聖召。持志潛入聖宮。安居聖宅。平生處此。頃刻不離。在此臨終。安然而逝。此乃爲我地堂之宴樂。天堂之預味。塵世虛榮。何能比其萬一。不能比之。何能誘我遠之乎。此乃爲我避靜之安所。休息之靜宅。邪魔攻擊。何能至此迫我。不能至此。何克誘我離之乎。然則我衛甚堅。外敵難攻。而我在此無憂無慮。安享我友之飴。我伴之樂。翁受我父之慈。我兄之顧。陷於過。於茲得真悔。眩於冥。於茲得明光。邪情亂。於茲增吾力。困鬱深。於茲加吾慰。神或窮乏。於茲可覓萬類寶藏。形或險逆。於茲可得多端扶助。是故我生。生於此。我死。死於此。振振志兮。永不休。我存。存於

此我亡。亡於此。懇懇望兮。永不搖。嗚呼。死亡之思。何如震怖我心。蓋畏主之嚴判。無人該畏如我。而追憶爾心之念一起。我心安平。卽至。蓋知往過既悔。可望於聖愛中。安然而逝。是卽我所切望之恩也。此心本爲愛爾而造之。今許永爲恨爾乎。吾主。吾知必不然矣。我不能如聖母惟愛而死。亦不能如致命。因愛而死。惟望如忠僕。懷愛而死。望於終時。全心切發純愛。蓋我永福之度。惟於此定其量耳。

敬功

日中所行之事。所受之苦。俱宜借聖心行之受之。至暮謹將終日之功。盡投於聖心中。懇求修之補之。

誦句

功之無
定期者

耶穌聖心。臨終之仰望。矜憐我等。

第三十日尊敬聖心之功

諸凡敬禮。必兼內外神功。內者敬之於心。外者敬之於行。而於敬禮聖心。亦無不然矣。若論內功。人多不知。蓋宜用靈魂之三司也。用明悟以推測聖心之尊高。聖心之聖善。厥愛厥苦。其德醇全。其寵無缺。依各人智慧所及。愈究愈出。繼用愛欲。以發各等之性情。如欽崇。謙恭。讚頌。仰慕。依恃。感恩等皆是。又用記念。常念敬禮之所向。常憶聖心之妙情。俾之合聖心而行事。忍苦。因聖心而愛主。愛人是也。若論敬禮外功。人所共知。茲故不述。然於外功中。亦有公私之別。公者如九日敬禮。勤領聖事。望彌撒。行哀矜。克己苦身。謙己愛人等功。若此者本無定意。只在行之者。自定一意向耳。至於私者不然。敬禮惟歸一向。而與他敬

禮不同也。如自擇某善功。某經文等是也。今敬聖心之功。亦有公私之別。茲特以其私者。畧陳於下。爰卽以無定期之功。約歸於四。一獻願及諸經文。二虔敬聖心九務。三入耶穌聖心會。四又入虔禱宗會。其例詳見於後。善友一觀。可知誠敬聖心者。務本於此。不願辭之也。繼將以有定期之功。亦宗於四。隨其或每年。或每月。或每七日。或每一日而行之也。其例卽詳於此。

功之有
定候者

一。每年在聖體瞻禮後。第一瞻禮六。恭行聖心瞻禮。因耶穌定此瞻禮。本爲補己聖心之辱。故行之者。皆當合於此意也。而善備之功。約歸於四。夫辦神功。領聖體。當以爲首。但因此瞻禮之旨。專爲補聖體之辱。故告解時。特宜告會辱聖體之諸罪。如冒領聖體。信德不堅。在堂中怠慢。及一切淡忘等罪是也。至領聖體時宜大發熱愛之情。不同於平日。以補諸人褻瀆之罪。領聖體後。一日內常

行補贖之功。卽念吾主聖體所受諸辱。而發悲痛愧悔。愛慕等情。願盡補人已所加之辱。一也。且於本瞻禮日。多次往拜聖體。至少三次。始以謝吾主建定聖體之恩。屢賜人領其聖血。受諸寵錫。繼以贖如德亞人。及外教與異端者。往往侮辱聖體之罪。卒以補諸奉教人。冒領輕忽。淡忘聖體之罪。二也。又虔誦聖心禱文。獻心誦。及卷末所擇之經文等。皆爲美功。三也。又於瞻禮前日。守齋克己。行哀矜與謙己等功。以預備己心。望於本瞻禮日。翕受天主聖寵。凡屬敬愛聖心者。應亦如是善備。蓋吾主已許。凡於是日敬其聖心者。將賜以多恩多寵。四也。二。每月首瞻禮六。亦恭行敬禮。如告解。領主。拜聖體。行補贖等功。與聖心瞻禮同。夫如時敬禮。於熱心友並非難事。因平素履潔懷清。敬愛聖心故也。況吾主曾許於聖女瑪加利曰。凡擇定九月而於首瞻禮六恭領聖體。求得善終。

以敬聖心者。可望備遵聖教諸禮而善終也。三。每主日瞻禮六。亦宜力行神功。敬禮聖心。蓋凡誠意愛敬聖心者。每月一次行敬禮。猶爲未足故耳。或曰。耶穌惟命聖體瞻禮後首瞻禮六。公行敬禮。此外未嘗命也。余曰。諸凡大瞻禮每年一次。然後又有他日以敬之者。如聖體與受難瞻禮。本在聖主日內。瞻禮五瞻禮六。然今信友。定每主日瞻禮五。爲敬聖體。每瞻禮六。爲敬耶穌苦難。由是而推。可知敬禮聖心。亦宜然也。因耶穌顯露其聖心。願人愛敬之。非特一時一日也。然願人時時愛之。日日敬之也。則每主日一次敬禮。豈云多哉。四。每日之功。卽以每主日七日。潛居於聖心。如神魂之安宅。且當主日想見聖心。如一愛火之窩。神居其內。煉淨上主日所染之污。而以後全心愛主。如合爲一。是日特宜欽崇天主聖三。瞻禮二。宜自視如罪犯。在判官前認罪。求宥。自願受苦

補罪。此時神入聖心。如入愛情之牢。於此痛心慘悔。共嘗聖心之愛。甘受拘束之苦。求主速賜煉靈上升。是日行事皆爲此意。瞻禮三。神入聖心。如入學館。於此能知前聖之學。及仁愛之道。而領悟者無不輕視世間浮學。又若聞吾主謂己曰。法吾心之謙與愛。能得靈魂之真樂也。瞻禮四。潛居聖心。如航海者所居之舟。以愛德爲舟師。引靈至於安所。蓋不顧三仇之搖撼者。人靈乃可保無虞也。瞻禮五。神居聖心如赴豐筵。諸凡殺饌。皆出人意外。蓋吾主以至愛之情。消盡人受之苦。使之輕視世間逸樂。爾如聞吾主謂己曰。凡吾所有。卽爲爾所有。故吾之功勳。聖體聖血。與爾用之。獨是施報有常。吾旣全賜於爾。爾亦宜全獻於吾也。是日行爲悉歸愛主之心。瞻禮六。想見耶穌於十字架。如一慈母。因無限之苦。活吾於心。卽吾當安居於聖心。將一切憂懼失望之端。盡托

於聖心。諸望任其措置。是日宜專心愛主。無慮他端。瞻禮七。想已於聖心前。如一犧牲。入堂獻主而被殺。吾於此可想見吾主斷吾身命。卽願棄吾之形物。盡投於愛火中。俾能保神靈之生命也。吾於此可與聖保祿。喟然而歎曰。吾之生。非吾自生也。賴耶穌生於吾也。則當舍棄形命。保己神命也。

祝言

耶穌聖心。合於天主聖子者。本當以無窮之敬敬之。我願普世盡力敬爾。耶穌聖心。溢於聖福聖惠者。本當以無窮之謝謝之。我願眾人盡言謝爾。耶穌聖心。充滿神妙之大器者。本當以無窮之頌頌之。我願萬民極口頌爾。耶穌聖心。足償上義之犧牲者。本當以無窮之愛愛之。我願諸靈盡心愛爾。我今徧閱四方。四方之世態如何。該敬者反不敬。該謝者反不謝。該頌者反不頌。該愛者反不

愛。噫。世人乎哉。乃仰天上神聖。懇求代補人忽。又向天下義人。切願日燼己情。更望天主聖心。俯鑒微誠。垂允善願。賜我在世。偕天下萬民。盡心竭力。敬爾愛爾。後世偕爾。永愛永享天主。亞孟。

敬功

敬佩聖心聖牌於本身。敬供聖心聖像於本所。厥念不離爾記。厥視不遠爾狀。時而憶之。時而見之。憶則心從。見則口誦。敬禮聖心之功。然後益得其所。全獲其效耳。

誦句

耶穌聖心。受恩者之總滙。矜憐我等。

敬禮經文

真德寶藏

修成懿訓

半晷聖功

耶穌苦終

獻心誦

補辱誦

日願誦

親傷誦

夙願誦

夕情誦

與祭誦

三情誦

拜別誦

聖心歌

真德寶藏

夫敬禮聖心之功。稱爲真德之寶藏。自有實義。然此非顯露之寶藏。而爲隱匿之寶藏也。人苟得此。卽得自己之生命。并得他人之靈魂矣。蓋吾主親示此寶藏於瑪加利大曰。吾心於特禮敬之者。將賜其神愛之寶。而於勸人敬之者。又將盛施恩澤。能得神力。感化忍心之人。是以凡鐸德等。有救靈之責者。皆當重視此功也。今夫誠愛聖心者。按此意而矢志發願。爰將其獻願誦。摘錄於此。善友其倣之而行乎哉。誦曰。至飴耶。穌爾乃仁愛之源。慈憫之父。安慰之主。不棄罪人卑污。啟爾聖心無限寶藏。普錫斯世沐此厚惠。銘感殊深。又思吾主躬建聖體。躬成祭品。以救世人。雖被凌辱萬端。而居此聖龕內。救靈神火恒灼厥心。惟願外教棄邪。異端歸正。善人精進。惡眾改遷。設想及此。抱痛難言。感恩無地。

今爲報爾深情厚愛。補人負義辜恩。卽將我身心性命。迄今所行微善。與日後所立善功。統獻臺前。用誓畢生殫精竭力。引人敬愛聖心。圖贊爾救靈熱愛。更選卒世童貞至聖瑪利亞。宗徒之后。罪人之托。爲我慈親。將我神形所有盡獻於吾聖母。而今而後。欲師其憐愛罪人之心。亦矜憐惡輩。望彼速返迷途。是用全心全力。傳揚聖母無罪之始胎。宣頌慈母痛苦之聖心。

吁。至甘哉耶穌兮。因爾無限仁慈。懇祈納我所獻。不啻馨香之祭。蓋主旣膺吾衷。矢此善願。望主亦加吾神力。踐許克終。亞孟。

年 月 日

罪人某

矢此善願

獻願後。苟不改其願。而一年中幾次。發敬愛聖心之情。已可謂能盡其責矣。若人另行外功。如分與聖心像。聖心書。或在公堂或在私室。談論敬禮聖心之事。

勸人行善誦經。以敬聖心等。若此者。皆責外之功。非此願所命。然恐有人未易
詳明。致多疑惑。故發願之先。當求教於本神父。問明此願。存至何時。如何遵守
諸事。悉從其定刻。每月首瞻禮六。及聖母始胎瞻禮日。亦可復發前願。益收
獻願之實益。

修成懿訓

聖女瑪加利欲敬聖心於聖體內。特設妙法。終日諸行。隨時各獻於主。厥意如
下。

清晨起身後。託已聖母廕下。遂求引我聖子臺前。恭拜聖體。特敬聖心。獻己之
功。吾靈結其聖靈。免吾於罪。吾心體其聖心。滌吾於污。吾體合其全體。補我所
缺。修我所失。

祈禱之功合於聖心。爲我所求。禱畢敬將聖心祈禱之功。獻於聖父。以補我功所缺。以贖我心所忽。

誦日課時。將己所誦之經。合於聖心讚主之頌。專符聖意。庶幾於聖父臺前。代補我缺。當與祭候。特思耶穌順命妙德。蓋夫司鐸甫出聖言。不論鐸之優劣。吾主惟命是從。卽降於司鐸手中受祭。受祭皆按鐸意。毫不相違。我欲遵行順命之德。卽當宛如神犧。屬於長上權下。不論長命合宜與否。不顧下情難忍與否。惟命是行。舍己從人。倘覺於情難安。卽當獻是功爲敬聖心愛苦。蓋有多人不潔於靈。而往領聖體者。吾主殊覺難忍。而彼仍強之臨伊心中。誠如復在山園愛甚至死。

吾主於聖體內。隱藏不見。惟著餅形而已。我宜效之。不敢自顯。邀人讚美。人侮

人辱。耐之悅之。可慰聖心所受諸辱。人責人議。不辨不對。可酬聖心所施諸恩。吾主於聖體內。緘默無言。惟與主父相語。我欲彷彿聖表。亦宜務於緘默。誠心專向吾主。卽吾主以外。我明無求他識。我心無願他愛。全辭宴樂之端。專務克苦之工。

凡食膳之時。特求吾主。使我自禁。不從私慾。且我食膳之意。旣爲遵行主命。又望是食如爲神糧。滋潤我心。飽飫我靈。

凡於暇閒遨遊。其志宜爲悅樂聖心。已所言。一吐口而輸厥聖心。庶幾無不歸於天主之榮光。人所言。如遇拂心之端。卽爲聖心甘以受之。

凡患渴之時。卽思聖心渴想人靈。切願救人上升。渴欲人心。切望以愛還愛。念及此卽加耐德。以敬聖心之渴。

凡臥寐之時。宜憶聖心於聖體內。切仰上主而安息。靜默而無亂心。念及此。卽以我眠。仰合聖心。呼吸動靜。俱以爲愛主之情。獻己之意。無一不輸於聖心。伏求俯納。賜我睡眠養身。庶能竭力以事主。

每領聖體之先。追憶降孕之時。聖母深衷聖情。全合聖子絕妙奇德。屢次共獻聖父。以補我心所缺。繼乃領主。將己所領。以獻聖父。懇求爲我致謝。爲我拜揚。又求代補我靈諸失。今後主旨承行於我。尤求賜我操守教規。無違無忽。仰做聖體之表儀。循聖度而常行。使之無變無失。

半晷聖功

耶穌聖心。劇苦至極。困厄至甚。莫如於山園祈禱。將行受難之工也。當是時。吾主之體。徧流汗血。是乃古今未有之奇苦。維時主曰。吾靈憂甚至死。斯言也。感

激之語也。主乎爾願善人共分厥苦。以寤禱陪爾之三禱。以熱愛從爾之深愛。以慘傷慰爾之愛傷。主卽與吾言。如昔謂己徒曰。爾弗克同予寤半晷乎。我聞之。何敢違逆茲聖意。悞失此破格隆恩。必行半晷聖功。用偕吾主同寤同禱。是功本於瞻禮五深夜起行。至子時畢。半晷中默存祈禱。口誦經文。每次能得三百日大赦。可讓煉靈。倘此時有不便。遂簡他時。亦可望翕受聖心洪恩。維時旣屆。虔恭寸心。視己如在山園。審視吾主之景象。若與吾主同跪同禱。卽口誦三德誦。悔罪經。在天。亞物等經文。各遂己意。但以心目轉送吾主。三番俯伏祈禱之情形。其畧其概如下。

初次跪伏。耶蘇偕徒詣園。語其徒曰。坐茲。待予之彼禱。爾等亦宜禱。免陷於誘惑。少離徒等。心始怖怯愛鬱。曰。吾靈愛甚至死。爾輩偕予在茲。偕予寤醒。乃

前行。離擲石之地。跪伏曰。父。爾能全。倘可免予飲斯爵。請諾。第請勿如子願。禱畢。還視三徒。皆甚愛寐。乃謂伯鐸。曰。西滿眠。弗克同予寤。半晷。寤禱。免陷於誘感。爾心毅。爾軀綿。

再次跪伏。次往禱曰。吾父。倘必予飲斯爵。惟若爾意。又起。來視三徒。時再寐。厥目紅瞽。無言對。

又次跪伏。再離彼。又次往禱如初。時天神降勉。惟厥愛愈深。厥禱愈長。乃徧體。汗血流地。復來視徒。謂之曰。爾輩寐歇。定期至矣。人子當被付於惡人手。已矣。負予者近。起偕予出迓。吾主出迓。我靈伏地。附於聖血之迹。連誦愛德等經。

耶穌苦終

至仁耶穌哉。人靈良友矣。宇下之罪人。今時臨終。今日將死者。胥望爾血滌淨。卽仰爾聖心苦終。爾貞母苦衷。是懇是求。亞孟。

耶穌聖心。苦於終時者。望爾垂憐瀕死之人。

悔心敬誦右經者。每次可得百日大赦。亦可讓於煉靈。每日三時誦之。而月內告領。詣堂誦經者。亦得全大赦。教皇比阿第九位恩准。

恭敬耶穌苦終。乃激勵吾儕。愛主愛人之意。因耶穌終時。爲救眾靈。心甚憂鬱。絕無所慰。故凡爲信友者。皆當仰體其深衷。勃發纏綿悱惻之情。以伸孝順敬慕之意。繼卽當發熱切救人之願。而爲之懇祈。天主聖父。因耶穌苦終功勞。憐視今日所死八萬之人。蓋一日之所死者。統天下而計之。約有八萬也。噫。今日所死者八萬人矣。皆將詣主臺前聽審判也。或升天堂。或下地獄。俱未可知也。

然其中負重罪而將墮永獄者。居多焉。急求天主。賜其真悔定改。妥告以終。誠幸甚矣。且爾每念此大關係。速當爲彼懇求天主。蓋八萬人已定死於今日。而其永苦永樂之係。亦皆定於今日。時雖促而尙可挽回也。倘爾於明日求之。則今日之所死者。爾亦無能救之矣。故每日當發愛德之嚴分。爲此八萬人靈。熱切求主。庶幾主聽虔禱。救多靈也。倘或爾於一日中。只能救一靈升天。則爲益已大。蓋一年已救三百六十五靈。十年已救三千六百五十靈矣。其利益何如溥博哉。凡諸信友。皆當知此而勉諸。

獻心頌

至尊耶穌聖心兮。乃諸德之寶藏。聖寵之泉源。念我罪惡重多。忘主至今。無善可恆。主心無功。得邀主眷。悵仄殊深。慙恥無地。惟因吾主愛我。自有明證。故望

不棄孝愛之情。鑒吾微忱。納吾菲儀。吾今將身心性命。及畢生之言行苦勞。盡獻於主。願爲榮主之資。今日真切熱愛。後望全符主旨。親炙於聖愛之中。吁。吾主天主兮。吾心吾情。悉奉於爾。自今以後。全屬於爾。念爾無限仁慈。莫測尊崇。我爲塵埃灰土。何幸而得享吾祭。何幸而屑納我忱。今而後。吾心惟付於爾。受造諸物。莫奪於爾。噫。可愛之耶穌乎。爾爲吾主。吾父。吾師。吾友。吾之願望。悉屬於爾。吾之悅樂。全歸於爾。今世惟願爲主而生。後世惟望因主而樂。嗚呼。吾主。因爾愛我至情。願補吾一生之罪過。卽獻吾神形之所有。望主不棄而俯納。蓋以所獻雖微殊甚。而亦全合吾主聖旨焉。

吁。至仁至甘之耶穌。懇爾記憶。從未聞求爾聖心。叩爾慈衷。而有一惹置之者。耶穌聖心。眾心之王。吾趨附爾。仰懇爾哀漣之罪人。伏爾臺前。切望聖心。勿棄

我禱。慨然垂允。俾人知吾主慈衷。遠超人類。亞孟。

補辱誦

耶穌至尊之心。乃天主仁愛之源。吾今憶爾諸恩。深痛我之無情。蓋吾天主於無始之始。愛吾人類。造我如爾聖像。賜我得生於世。本欲今世錫之聖寵。後世加之永福。以充爾愛人之量。是以人雖負罪。忘爾至愛。主不但不棄。反爲救人之故。甘取人身。代人贖罪。畢生受苦。而以至被釘架上。傾流聖血。以滌人罪。爾之仁愛。誰能推測其萬一。况又親定聖體。爲我神糧。主之聖愛。神人誰能測乎。奈人受恩極渥。負罪綦深。忘爾愛。違爾教。辱爾名。棄爾規。總總背爾之罪戾。深刺爾心。莫可憶量。吾誠卑污罪僕。誰能撫慰爾心。仰報爾愛。惟欲表微誠。自願憶爾於無限。愛爾於無終焉。望主常以仁目。憐視此報愛之罪人。耶穌乎。我伏

於爾足下。敬將神形全獻。爲補爾所失之榮。痛心慘悔。爲滌人所犯之罪。本欲以吾主聖血。洗滌人靈。然此係主功。何敢奢望。故敬懇吾主聖心。憐憫罪人。恕其瞽盲之罪。赦其罪罰。化其頑梗之心。加以神力。俾得胥爲爾弟子。仰法爾聖心之德。後享爾所許之福。亞孟。

日願誦

昔聖女日多達日望聖心妙恩。日向聖心誦曰。

吾主耶穌爾心爲無限聖德之寶藏。熱愛之火窖。亦爲世人常生之原也。我今欽敬爾。企慕爾。賴爾聖心。爲我靈之安。我苦之救。望爾以聖心無限之仁愛。薰炙我心。以聖心無盡之聖寵。充足我靈。俾得我心契合爾心。自今以後。惟以爾旨爲我願之準。我行之原。亞孟。

親傷誦

口親苦像之時。又用聖女之成語曰。至飴耶穌。我將上天下地之愛。全以仰爾懷爾。且以爾愛所印之聖傷。我盡愛親之。

夙願誦

夙夕之願。吾主已誨聖女默底達。厥意如後。慎勿有忽於此。

至可愛之耶穌。我今日初息之出。我願發之於爾臺前。終日將行之工。懇懇求爾納之。卽於爾聖心中。滌之聖之。合之爾行。共獻於爾聖父之永光。

夕情誦

至飴耶穌聖心。謝爾是日諸恩。託爾今夜神形。安息於爾聖心中。因寤不能頌主。求爾聖心以補之。我心運動幾許。爾亦宜代頌幾許矣。每息爾心納之。如爲

我之愛情。爾其奉獻於父。我意既如此真誠。終夜呼吸之數。卽願循序以讚主愛主。亞孟。

與祭誦

左文。本係聖女瑪加利所著。吾則仰體厥心以誦之。庶加熱心之效可也。天主聖父。今爾寵愛之聖子。祭已於爾。我敢以厥聖心。奉獻於爾。伏祈納此祭牲。爲我神益。且其聖心所函諸願。諸意。諸情。諸行。懇求共納。以其爲我自祭。而厥願之外。我無他願者。則其聖心之動靜。無不屬我心之動靜也。屬我心之動靜。則我獻之於爾可也。伏求納之。爲贖我之諸罪。爲謝爾之洪恩。爲加我急需之聖寵。爲賜我臨終之聖佑。更懇納之。如爲我之誠愛。我之欽崇。我之讚美。蓋爾爲足敬足榮。惟因厥心。故惟以厥心。我敢奉獻於爾之臺前。

三情誦

夫此謝悔求之三情。原以聖心所愜。而吾主親諭聖女日多達者也。吾人知之。特宜加慎。以符吾主之聖意。

吾主可愛之聖心。我願諸神諸人。讚揚爾仁。頌謝爾愛。蓋雖無功之人。以爾之愛。亦造之存之。而贖吾以寶血。育吾以聖體。且雖負恩之輩。而以爾之愛。尚耐之惠之。爾心之在於我中。聖體內窺之。爾恩之備於人間。聖事內察之。我今欲謝此愛。獻爾爾心之聖情。爾心之永光。

耶穌聖心。仁愛無涯。而日受負恩之辱。我伏於爾之臺前。深惡眾人之忍心。更悔本身之罪過。人與我失敬於爾。人與我累辱於爾。我深惡之。人與我違逆爾仁。人與我抗拒爾惠。我深悔之。吁。吾主聖心矣。矜憐我等。變化我等之忍。挈引

我心於爾。

至仁耶穌之聖心。伏求於我。大彰爾之仁慈。我人雖卑污至極。而亦仰沐爾仁。望沾爾寵。憶爾之仁慈。爾之熱愛。倘吾不用爲聖己榮爾。斯仁也。斯愛也。究何益於我哉。故求爾心之仁愛。恒爲聖我榮爾之泉源。始得其所。不失本意。亞孟。

拜別誦

當拜聖體終。偕聖女日多達敬曰。吾主耶穌。我心俯伏於爾膝下。爾懷之慈。爲如福樂之囿。圍我心不能遠遊。爾心之飴。爲如相繫之練。鎖我志不可相離。吁。世俗矣。地獄矣。不能抽我心。離爾之膝下。我切望之。爾愛矣。爾力矣。是能繫我之心。永福結於爾。我懇求之。亞孟。

聖心歌

聖愛之儀。永樂天宮。心兮人慰。人望之終。
聖三之榮。聖子所締。聖神所憇。聖父所喜。
爾潔踰日。聖子聖居。聖宮聖殿。諸天莫逾。
爾誠主座。建自聖神。童身以孕。淨血以成。
飴兮愛兮。愛人致傷。愛兮憊兮。望賜慈祥。
主怒方振。回顧爾情。威壽怒息。免降永刑。
聖傷大啓。俾吾赴奔。聖愛裂之。引吾入深。
血以滌吾。脉絡流空。旣蒙俯納。藏以深衷。
心兮主樂。潔靈攸親。淨心愛爾。爾王眾心。

敬禮諸務

耶[△]穌[△]聖心。最爲可頌可敬者也。雖或敬頌之功。昕夕罔聞。尙難仰答聖心於萬一。無如熱心所願。綿力難支。是以九人成會。分司其務。會建其功。如合一人。可滿一人所不足。此乃諸務之大旨也。總之厥務簡也。厥效宏也。專務此。則榮主裨靈。胥得有成耳。茲將其例。略陳於左。

每月首瞻禮六前日。每友闡取本月分務。以爲己分。苟有從事遠遊者。卽循序取之。亦可也。

諸友交須互愛。故於平日誦禱。有時領主。宜爲彼此輔佑之意。仰懇聖心加惠。得蒙燭悟薰心。以全本務。其友中有逝世者。宜誦玫瑰經三串。領聖體二次。望減煉刑。早登天國。

每逢首瞻禮六。當分外熱中。整飭領主。或寔領。或神領。隨時均可。領後輪誠致已。可念獻心頌一遍。且年內每值大瞻禮。或瞻禮六。及聖心本日。諸友當分外熱心勤業。不可稍寬。

諸友於盡本務也。固已宜窮神力矣。然欲盡務更密者。須洽每品天神。已淡則渠補之。已寐則渠代之。庶乎虔恭聖心之務。夙夜靡間焉。天神列分九品。適符諧務九疇。爰舉其品曰。至愛者。普知者。上座者。統權者。率領者。宰制者。上能者。宗使者。奉使者。後皆按務分列。俾輔已缺。而耶穌聖心以外。至可敬愛者。惟聖母聖心。故會友於此。亦當切望鍾愛。奉爲慈親。使吾愛厥聖子。永矢微忱云。今舉諧務之序。分列於下。

第一分務。懋勤者。宜勤勸導之職也。其務敬祈聖父。普燭世人。咸識聖心。敬祈

聖神。降燃吾衷。得愛聖心。敬祈聖母。屑爲中達。使凡仰依聖心者。皆得厥能之上效。又須日間。屢蘊聖心之內。締以熱衷。爰洽上座者天神之品。同寅協恭。又日內趨拜聖體一次。懇求聖心。惟視己心之仁。惠諸會友。終誦聖三頌五遍。

當行之德。以良式善表。導人欽敬聖心。故間時加禱。每日五次。福哉。幸得此任者也。蓋吾主於聖父前。爲厥中保。嘗親許之矣。

警言 夫誘人於惡者。罪戾爲至重也。則以禱以行。而導人於善者。豈非功勳之盛者哉。

誦句 盡甘耶穌聖心。賜吾愛爾日燼。

祝文 可愛之吾主耶穌。因爾無窮仁愛。賜於吾人。僉知爾心珍美。能絕幻

世詭樂。均得以爾心之怡。玩味於無終之世。亞孟。

第二分務。補辱者。宜補辱主之戾也。其務謙己求主。懇祈聖體所被之辱。憐而恕之。每日屢蘊聖心之內。願補侮主之愆。且請宰制者天神之品。翼補聖心爲冒獻聖祭之司鐸。念領聖體之修士。貽累聖心之會友。謹按補辱之意。每日拜聖體一次。每瞻禮六。念補辱誦一遍。更於首瞻禮六。另加熱心以增善功。顯証切愛之效。

當行之德。敬盡本分。力拒諸阻。如此克功。一日須行五次。

警言 務補上義之辱者。可望升天之恩。宥渠稱罰。賜納神怡。

誦句 盡甘耶穌聖心。賜我愛爾日燼。

祝文 甘哉吾主耶穌。爾心良爲寶藏。厥鑰惟吾怙恃之情。懇賜識厥難量。

之價。

第三分務。欽崇者。宜尊敬主之德也。其務永矢肫誠。以敬聖三。仰契聖心。頌主之功。用補多人忘主之缺。

日間屢悅於天上所賡歌者曰。聖聖。吾主全能者天主。卽諧統權者天神之品。胥吟是詠。且以遍地善功。獻於聖心。俾之俱歸主榮。又爲會友赴拜聖體。敬求堅志熱衷。俾得各盡己分。卒誦三番曰。吾主聖心哉。誠然敬愛大主者。矜憐我等。

當行之德。聖堂中務須形端神靜。蓋以耶穌聖體在茲。自當起敬起畏也。如此善功。每日須行五次。

警言 榮主之功。或無法主之驗。功非誠實也。

誦句 盡甘耶蘇聖心。賜我愛爾日燼。

祝文 極欽極崇聖三者。耶穌聖心兮。吾願馨神洽爾。且願篤信熱愛。一似諸聖聖效。庶得逮於無終。敬爾榮爾。如爾尊威之所稱。

第四分務。熱愛者。宜燃愛主之情也。其務爲澹心修士。補慰聖心。終日之間。須洽至愛者天神之品。偕向聖心。屢發熾愛之情。

且仰上品天神。懇於夜臥之際。代己於聖體臺前。是以未臥之先。亦宜敬拜聖體。卽以己心。韞於聖龕中。當正臥之時。乃曰。我卽寐也。而我心常醒於聖心內矣。當睡之時。苟其偶醒。卽以己神之愛。洽於代己天神之炎。至於晨禱之時。旣感厥惠。卽向聖心復矢愛渠之慕。懇燃淡心之愛。俾吾諸人。皆邇聖心之焰。咸得愛主。愈爍於今。全燔於後。是故三次誦禱曰。可愛聖心哉。求

賜吾等。皆焚於爾愛炎中。而今而後。逮至無終之世。

當行之德。若爲良伴者。可以己至潔之情。爲媚良友之心。卽以顯證切愛。慎於微事。每日至少五次。

警言 人行現世之路。苟非以聖愛爲侶者。必不能臻於聖愛之永福。

誦句 盡甘耶穌聖心。賜我愛爾日燼。

祝文 吁耶穌至聖之心。上主愛火之聖竈。爾曾降燃此火於地。自願其燄於諸人者。懇賜吾人之心。僉得親炙於聖炎之中。以燃其愛。咨爾爲天朝上神者。我今敬懇求爾。代訴造吾命者。知我殫心竭力。愛渠難名。

第五分務。門徒者。宜盡領訓之分也。其務卽於誦禱領主之時。潛居聖心。敬聆聖誨。且願且求。凡授誨與受誨者。皆承上訓。不致稍違。日間屢進聖心。若

進天主講堂。敬領修成之誨。嚴矢絕俗之心。又於所承之禁訓。專務緬懷。卽
協普知者天神之品。望得偕承聖心之耀。且祈聖心。溥施厥光。光照差謬
之徒。庶可歸誠。踐履善道。卽按是意而拜聖體。虔誦聖神聖歌曰。肇有聖神。
請降願吾云云。

當行之德。心靜口默。每日五次。

警言 徒彌默口靜心。卽愈得名師之誨。其誨非他。曰。良也。謙也。

誦句 盡甘耶穌聖心。賜我愛爾日燼。

祝文 天主聖心兮。爾親密諭者。厥學迅成也。可愛聖心兮。仰企上智者。亦
屑示我也。蓋旣納我爲門徒者。又望佑啟我心。勉從爾訓。并祈速化人意。咸
歸主誠。

第六分務。神犧者。宜專獻己之功也。其務祭主以靈。庶息天主教怒。每日屢次獻己於聖心。切望與於聖心之祭。而以吾心洽於聖心。偕愛聖旨。願卽承行於地。亞孟。心備如是。卽起往拜聖體。蓋其適爲愛人在茲。儼若純牲也。卽交於上能者。天神之品。伏飲天主教上義。且法聖心之全獻。燔祭已神。以契聖心之旨。卽舉己神所獻。與聖心所獻者。均奉聖父。惟當與彌撒領聖體時。加意奉之。尤可蒙厥上愛。憐視罪人。每逢瞻禮六。特宜重獻己願。而於平日所宜者。卽行敬禮聖心聖功。且又時念獻心誦。

當行之德。克己之務也。最宜克者神之幻喜。心之偏愛。身之侈肆。如此克功。一日五次。

警言 苟其獻己之祭。祇爲天主教上愛。則雖值苦。返而爲甘焉。

誦句 盡甘耶穌聖心。賜我愛爾日燼。

祝文 吁。耶穌聖心。在吾祭臺。成爲聖愛之純性者。爾所深願切樂。豈非人爲神犧。隨爾大祭之功。吁。吾主吾在茲。懇切望爾。若主納我用我。俾我若犧。爲祭爲燔。悉歸於爾聖愛之焰。庶乎聖父得榮於上。罪人得救於下。吁。天主聖父。擇我任爲神犧之務者。祈爾慨然納我。惟因聖子聖心。爲吾若牲祭己之功。

第七分務。忠僕者。宜竭事主之誠也。其務常侍主側。甘受拘役之縲。惟囿於聖體之內。以爲寶貴也。終日之間。每辰向慕聖心。若在本主臺前。獻己爲役。曰。吾主。吾也。惟爾僕婢矣。茲乃釋吾諸私。從主聖意。既知聖心於聖體內。願締人靈。則當拜聖體之時。宜將所立之功。仰懇納之。賜人頻邇聖心。熱領聖

體。翁受聖寵源流之效。敬請宗使者天神之品。與奉聖愛之務。速諸延賓。趨享聖宴。衣之禮衣。卽誦天主經三遍。

當行之德。敬承默牖默感。每日慎之五次。

警言 臣於聖心。寔惟爲王也。生於其中。是乃眞福也。死於其內。忠僕所希也。

誦句 盡甘耶穌聖心。賜我愛爾日燼。

祝文 吁。吾主全能聖愛哉。我曾離主爲魔奴。爾解罪役之縲。吾也。恨不得凡遠於主者。胥返而爲忠僕。如我銜味爾怡。蓋其如是爲役者。無非眞福人也。已。奧矣。耶穌聖體內之謙卑。全全獻爾。惟願肅然敬爾。引眾諸心。歸向於爾。

第八分務。懇祈者。宜勤祈主之功也。其務深懷篤信。恃怙聖心。頻以此功獻於聖父。致厥恩寵。屢賜於己。復錫於人。特爲臨終與煉罪者。專務祈禱。咸望惻然眷顧。悉至安所。是以終晝每辰。間夜惺時。尋思救世之恩。感念聖愛之奧。乃諧於至溫至慈之聖心也。當領主頌禱之會。特思天主。譊然俯聽謙禱。爲其攸鍾攸愛。惟一聖子聖心。仰協奉使者天神之品。更祈護守天神。請屑爲伴。同拜聖體。維時虔頌天主經一遍。敬獻己功。讓於煉靈。不忘厥靈所冀。

當行之德。 謙己愛人。一日須行五次。

警言 凡爲寵惠者。咸自耶穌聖心。若由不竭之泉。混混而流也。可知至聖之心。已爲衆人顯闢矣。吾也何不進厥聖心。若進天主安宅乎。倘吾獻己謙

禱。合於耶穌之禱。則未必不蒙天主之俯允矣。

誦句 盡甘耶穌聖心。賜我愛爾日燼。

祝文 天主聖心。吾籲懇爾。俯聽焚燭之聲。垂慰窘迫之神。蓋曾愜爾慈心者。惟宥惟惠眾人。

第九分務。願救者。宜廣救人之業也。其務殫精勵神。相輔友人。俾致聖心之榮。是以頻祈諸品天神。特祈率領者之品。屑爲申達。俾普世之人。皆識聖心。而或教外。凡爲未認其名者。而或教中。凡爲未敬其尊者。皆得引於聖心聖愛。敬持此意。往拜聖體。且緣是而切慕領主也。又於日間。特宜每晷馳神。讚揚聖心。思以補其聖愛。稍償家人習俗之累。會友怠修之愆。

當行之德。以熱願爲勵。卓識爲基。而隨事隨時。戒人於陷罪之機。卓爾不

搖樹之風聲。且又迭陳熱語。迪人持慕聖心之仁。聿誦聖三頌九遍。富哉幸得此務者也。上主之寵。沛然下降。厥名銘於聖心之內。永不諼矣。吾主曾親示之。

警言 耶穌聖心。所思所言。所行所好。無非天主聖父之榮。吾乃師法之。卽其所冀也。聖奧斯定曰。苟無救人之願。愛主之心亦僞矣。

誦句 盡甘耶穌聖心。賜我愛爾日燼。

祝文 良矣耶穌聖心。爾愛吾之量。一如爾可愛者之度。噫。吾何不得視眾心所愛。惟於爾心乎哉。吾也恨不能溥揚爾愛之妙。引眾諸心。以忠還忠。以愛還愛。

聖心會規

夫此會之總統。在羅馬京都。凡欲立會者。宜稟明總統。賜一執照。求入此會者。宜登明於本會冊上。或在羅馬。或在本會長前。皆可。會長給一聖心像。與入會單。各人宜書己名。及入會之某年某月某日。

本會規條

- 一。凡入會之日。宜與諸會友同心同意。善領聖體。領後誦入會經文。
- 二。聖心瞻禮前。宜行九日敬禮。善備己靈。至瞻禮日。宜加倍虔誠。以荷聖心之厚望。
- 三。每月首瞻禮六。宜激發熱愛。倘能寔領聖體。尤爲合旨。若不能實領。則神領亦可。是日復念獻心與補辱二誦。

四。日中數次。尤宜神居聖心。自午前九點鐘。至午後四點鐘。屢次恭誦曰。耶穌聖心。吾生前死後。常願與諸會友。敬愛祈爾。教宗比阿第六位恩准。誦此誦句者。可得大赦。

五。會友又宜虔敬聖母聖心。每月首瞻禮七。特行敬禮。

六。會友宜仰法聖心諸德。而最宜效者。聖心之謙和。仁愛潔淨等德是也。

七。會友宜各自策勵。謹避罪機。凡行諸事。皆宜合主聖旨。爲主而行。每以聖心之德。獻於聖父。聊補吾言之愆。總之諸會友。皆期功修日進。以改私惡爲要。

八。會友當行克己立功。領拜聖體。代補吾主於聖體中所受之辱。

九。會友當引人敬愛聖心。若能以此聖像聖書。授之於人。或飾聖心祭臺等。皆導人之善術也。然至要者。須躬親立表。令人觀感。共敬聖心也。

十。會友中宜相和相愛。倘有患難者。親往撫慰。已亡者。代彼求主。倘能於追思瞻禮左右。首瞻禮六。爲已亡會友領聖體。尤合美意。

夫羅瑪統會本鐸。每月行三臺彌撒。爲已亡會友之煉靈。望普世入此會者。每月領聖體一次。或誦玫瑰經一串。或行不拘何善功。亦按此意。

本會大赦

一。入會本日。又聖心瞻禮本日。或瞻禮後第一主日。又每月首瞻禮六。或首主日。又每月中不拘何時。會友自擇一日。又臨終之時。均能得全大赦。但此時當誦耶穌聖名。若不能口誦。則以心誦爲要。

二。在聖心瞻禮前四主日。每主日可得七年七次四旬大赦。

三。凡日中行一善功。即可得六十日大赦。以上三項大赦。皆係教皇比阿第

七位所准。凡欲得之。每日當誦在天亞物信經各一遍。又加誦句曰。盡甘耶穌聖心。賜吾愛爾日燼。

四。又有全大赦日期。卽苦難瞻禮。復活本日。耶穌升天。耶穌聖誕。聖母始胎。聖母聖誕。聖母領報。耶穌獻堂。聖母升天。諸聖瞻禮。追思瞻禮。聖若瑟瞻禮。聖伯保瞻禮。聖若望瞻禮。以上諸日。會友均可得全大赦。又當聖心瞻禮前六主日。或瞻禮六。敬詣聖心會之本堂。或不能詣堂。只行本鐸所定善功。每主日。或瞻禮六。亦可得全大赦。

五。論三十年三十次四旬大赦。亦有日期。卽聖主日內瞻禮七。復活主日。聖神降臨前日。至下主日瞻禮七。耶穌聖誕後三日。耶穌名瞻禮。三王來朝瞻禮。瑪爾谷瞻禮。三天祈禱。及封齋前第五第六第七主日。皆可得此大赦。

六。聖枝瞻禮。可得二十五年二十五次。四旬大赦。

七。聖灰瞻禮。封齋後第四主日。每月第三主日。聖誕子時及昧爽彌撒中。可得五年五次四旬大赦。

八。封齋諸日。聖誕前四主日。及四季小齋。可得十年十次四旬大赦。

九。聖心瞻禮前。行九日敬禮。每日可得七年七次四旬大赦。

凡欲得以上六項大赦。必須日誦在天亞物信經誦句各一遍。又於得赦之本日。須另行善功幾端。均依本鐸所定。

十。晨午夜三時。當念聖三頌三遍。感謝聖三賜於聖母諸恩。特賜升天之福。卽得三百日大赦。若每日誦之。則每月中一日。可得全大赦。

凡欲得全大赦。必當先行告解。領聖體。方可。又須誠心求主。按教皇之意。至少

恭誦在天亞物各五遍。

以上大赦。皆可讓於煉靈。

虔禱宗會

原夫天主降生之奧旨。本欲萬國萬民。明知天主聖道。而欽崇之。并明認吾主耶穌。而信奉之。以得耶穌親許之常生。然而欲人信奉。須有傳教之人。隨處宣揚。多方化導。而化導之法。總歸於二。一則厚集斧資。而傳教之費。不至空乏。一則講明要理。而受教之人。皆得動心。是皆相須而不可缺也。夫其第一法。則泰西諸國。久以立會以供其費。至今常行不斷。故不必贅說。惟於第二法。則祈求天主。以感人心。雖係眾教友本分。而或散而無統。恐難誠切。故特立虔禱宗會。俾凡進斯會者。同心協力。如繼宗徒善功。另顯虔禱熱心。以致天主俯聽切禱。賜凡受教者。動心信從。至死恪遵誠命。傳教者竭力廣場。不致空談無補也。此乃本會意旨也。

若問本會緣由。先以其意言之。卽緣會中意向。悉協聖教本體。吾主言行也。聖教之本體。適如一人之身。肢體俱備。共相聯絡。幫成事務。聖教會畢肖之。而耶穌爲首。衆教友爲肢體也。自當彼此相輔。與耶穌同心。共求天主。此法乃至公而人人可爲。至久而時時可行。至易而無所畏。至靈而必有效者也。又思耶穌與諸聖之教訓。蓋以耶穌在世時。親諭吾儕祈禱之法。曰。在天我等父者。不第曰我父已也。曰我等願爾各見聖。不第曰我願已也。卽如他句經文。類多如此。明顯耶穌之意。惟欲吾人彼此求主耳。且又准賜其恩。激勵吾人之祈禱。曰。凡爾二三人。會聚一所。同心祈禱。予卽與焉。聖保祿宗徒謂教友曰。爾等當彼此祈禱。爲各等地位之人。聖雅閣伯宗徒亦曰。爾等共相祈禱。可得自救上升。總之。衆聖人皆如此論。不必備述。而已可知祈禱神功。爲

何如要緊也。又思耶穌及諸聖之遺表。爲吾儕效法之資。不必論古聖梅瑟登山舉手。懇求天主。救脫眾民於仇手也。惟卽耶穌當日。居家三十年。無非求主爲人。其後傳教三年。亦嘗爲之避居。爲人祈主。而凡聖教特恩。從此堅定矣。且今耶穌常活常居於聖體內。何爲乎。適如聖保祿之言。爲我等恒祈天主也。在昔新教初興。教友咸明此旨。故當聖伯多祿被禁監中。教友皆爲彼祈求。無時或息。卽後來諸友。凡務救己愛人者。莫不皆然。由是思之。可不取法耶穌之聖表。敬聆耶穌之聖誨。以協於聖教會之本體耶。

今以其益言之。則有七焉。一。天主因我虔禱。卽令罪人改過。外教歸正。而溥施恩澤於人。如此則居家而一如宗徒也。二。賜吾神火。卽願爲主救人。蓋欲愛天主萬有之上。須有神火。今以祈禱繼宗徒之功。神火自生矣。三。因此虔

禱。得擴神功。日益精密。蓋以本會之意爲勉勵也。四。因此虔禱。不但人得利。益。且爲己亦愈得寵恩也。蓋聖經曰。凡人因神火而救一靈。亦卽能救己靈。而盡滌其諸罪也。五。因此虔禱。可滅護己之私。而免神形諸患。蓋以斯世所遭之難。皆由此而來。苟能虔禱。不將因公滅私。而轉禍爲福哉。六。當進會本日。及耶穌聖心。聖母始胎瞻禮。且不拘每月中之某瞻禮。六。與每月中之某日。憑己簡擇者。皆能得全大赦。然必須按教皇之意。進堂求主。又按領袖所定之意。而誦不拘經言。作不拘善功者。每次可得百日大赦。七。凡進斯會者。皆能通於耶穌會諸功。蓋總會長已親准之。

至論本會規例。一係是會湊成。一係每友本分。夫是會湊成。須擇熱心明通者爲領袖。或以十二人共成一會。彷彿宗徒之數。或統一會口。定一領袖。男女

皆可爲之。惟其領袖嚴分。先宜設法勸人。養活本友神火。故宜於言語中。屢顯重視人靈之意。又宜策勵會友。務盡神矜虔禱諸功。悉依是會本向。且又勤收善友。以進斯會。此乃領袖之要務也。若於會友本分。並無另立之章程。惟務素常行事苦功祈禱。全歸於斯會本向而已。行事者何。卽凡平時操作也。蓋以立行之尊卑。不論形迹。但憑意向。苟其意欲救人。則事雖至庸。皆有宗徒之功。又况遠勝尋常者乎。苦功者乎。非徒憑乎己擇也。卽凡天主所加貧病災荒。內外拂意等事。皆當甘心忍受。合於耶穌聖心。惟爲憐救人靈之意。祈禱者何。卽以習誦經文。俱合耶穌聖心。皆爲救人美意也。故每年之內。遇耶穌聖心。聖母始胎瞻禮。當依此意。另倍熱心。告解領聖體。且於本瞻禮前。恭行九日敬禮。每月之中。領聖體至少一次。爲外教進教。罪人悔改。異端

歸正及爲聖教大故。然欲行此功者。惟於首瞻禮六。至爲合宜。且於是日。恭獻全月所行善功。倘有能書明而共獻者。更符斯會美意。如此獻功。卽所謂耶穌聖心寶藏也。每主日內。至少望彌撒一次。玫瑰經一串。特爲救人之意。每一日間。又須虔誦三鐘經。亦爲外教異端。及諸罪人。如或有已進耶穌聖心。聖母等會者。凡會中所行善功。亦宜皆歸此意。又宜習誦祈求聖教大行祝文。每誦得三百日大赦。若欲加誦他經。亦可憑己揀擇。總之凡願相救者。常常憶耶穌。聖言曰。予來斯也。寔爲溥施神愛之火。爍熱諸人也。故每日當屢次念曰。盡甘耶穌聖心。賜吾愛爾日燼。又曰。吾主耶穌矜憐我。每誦得百日大赦。又曰。吾主耶穌兮。我愛爾萬有之上。每誦得五十日大赦。又曰。盡甘耶穌兮。求爾非爲判我。寔爲救我者。每誦亦得五十日大赦。又曰。聖母慈心。

兮。求爲我救。每誦得三百日大赦。若每日誦之。一月可得全大赦。以上所述大赦。均由本教宗近時准定。

入會誦

罪人某伏思吾主耶穌。爲人釘死。吾主聖心。愛人至極。我願欽崇感謝。稱頌光榮。目覩聖體在臺。受人輕褻百般。被人凌辱萬狀。我願稍補主辱。稍雪主恥。心念吾主在天。爲救世人。爲佑聖教。頻求聖父。愷惻矜憐。我亦願附其求。願速其效。惟恐無功無德。力不從心。是以立志策名。求進此會。同心祝禱。合力祈求。藉補不足。至於本會神恩大赦。亦願同沾。以滌身心之罪過。以慰煉獄之靈魂。嗚呼。伏祈全善耶穌。憐視眾友。藏於聖心中。弗棄我等。弗拒我等。胥能親炙聖愛。恪遵主命。素位而行。 亞孟。

心月 林 虔禱宗會

二百三二

年 月 日

罪人某宗入虔禱宗會

24

601124

(2)

